

Hechos

“Espíritu Santo tarohca”, niha ahri tjure joariro

¹⁻² Teofilo, ahri quitire m̄h̄ure joarocai nija. Pano ȳm̄ joa m̄htari p̄ure Jesu to yoaare, to buheare m̄h̄ure yahu tuhs̄i. P̄m̄ m̄anop̄m̄ to m̄jarire yahu batoai. To m̄jahto pano Jesu Esp̄ritu Santo mehne dutiha to bese c̄rinare.

³ Ā yoa Jesu crusap̄m̄ to yariari baharo paȳm̄ tahari p̄jac̄m̄ tiriho bajua m̄jaha to c̄rinare, tina “Potoc̄ata tiro catira”, ti ni masihto sehe. Cuarenta dachori waro tiro bajua m̄jaha tinare. Ā bajuaro tiro to basi to catiriho jiare ñono niha tinare. Ā bajuaro p̄htoro Cohamac̄m̄ to s̄ho jiare yahuha tinare.

⁴ Jesu to c̄rina mehne jis̄nino tinare ò sehe ni yahuha:

—Jerusal̄ita jis̄niga mip̄ure. “Esp̄ritu Santore m̄sare warocaihtja”, ȳm̄ P̄m̄c̄m̄ to nirirore cohtasiniga. Tíre to nirire m̄sare yahui ȳh̄m̄.

⁵ João m̄sare bautisaro co mehne yoamare. Ȳh̄m̄ sehe tí ȳhdoro yoaihtja m̄sare. Maha dachoric̄a baharo ȳh̄m̄ sehe Esp̄ritu Santore m̄sa mehne jirucuch̄m̄ yoaihtja m̄sare —niha Jesu.

Jesu m̄anop̄m̄ m̄jaa wahaha

⁶ Ā yoa tina t̄c̄m̄ Olivo wama tid̄p̄m̄ Jesu mehne cahmachuina sehe ò sehe ni sinitu ñ̄ha t̄rore:

—P̄htoro, ¿mip̄ure s̄re Israe yahpare pari turi c̄, mari coyea warore p̄hto s̄ihcari m̄h̄m̄? —ni sinitu ñ̄ha to yaina.

7 Ti ã nichu tuhoro Jesu õ sehe niha:

—Musa puhto sãhti pjare yahu quihõriro, ã wahachu yoariro yu Puchu dihta jira. MUSA sehere tíre ne masihto basioerara.

8 Wiho mejeta musare Espíritu Santo to wihichu Cohamacu ya masiare cjuanahca musa. Tí masiare musa cjuana Jerusalẽ macainare, jipihtina Judea yahpa macainare, Samaria yahpa macainare, ã yoa jipihtina ahri dacho mu sũro macainare noaa buheare buhenahca musa. Yu yariarire, yu masa mujarire tinare buhenahca musa —ni yahuha Jesu tinare.

9 To ã ni tuhsuri baharota, Cohamacu Jesure manopu mujachu yoaha juna. Tina tirore ti ñu nu nu muochuta me curua watoru sãa, buti mujaa wahaha.

10 To ã buti mujari baharota tina Jesu to mujarimore ti ñu muono watoi puaro anjoa yehsea suhti tiina Jesu to cũrina watoi bajuaru cu sũha.

11 ã bajuaru cu su, tinare õ sehe niha:

—Musa Galilea macaina, ¿dohse jiro baro ñu muorucuna nijari musa? Ahriro Jesu, musa mehne jiro cjirota, Cohamacu manopu to mujachu yoarirota, mipure to mujachu musa ñuriro seheta, pari turi duji tarohca tjoa —ni yahuha anjoa tinare.

Jesu to cũrina Juda cjirore cohtotahtirore beseha

12 ã yoa Jesu yaina tãcu Olivo wama tidupu jiina duji taa, Jerusalẽpu tju sũha. Tu tãcu cũ kilómetro bui curero yoaro jira Jerusalẽ duhtu cahapure.

13 Tju su, tina manopu ti jiri tahtiapu mujaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo,

Juda jiha. Santiago sehe Alfeo macuño jiha. Simo sehe cananista wama tiri curua macariro jimaha. Juda sehe Santiago macuño jiha.

¹⁴ Payu tahari ahrina jipihtina, to cūrina, ã jichu numia, María Jesu pocoro, ã yoa Jesu bahana mehne cãhu noano cahmachu, Cohamacare ã sinirucua tiha.

¹⁵ Æ yoa tí dachorire masa payu cahmachuha. Ciento y veinte jia jiboa. Æ jiro Pedro sehe tiro mehne macaina Cristo yaina watoi ducu, õ sehe ni yahuha tinare:

¹⁶ –Yu coyea, Cohamacu panopu to niriro se-heta ã waharo nihre. Tíre Espíritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre.

¹⁷ Æ yoah tiro jiparota mari mehne Jesu yare yoariro jimahre. Æ jiro sã mehne macarirota jimahre –niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajã yariaha. Æ yoaro bora waha, to tu misida tuhnuu waha, yariaa wahaha. To wiari cjiri mehne paina mahanocã yahpare nuchaha.

¹⁹ Jipihtina Jerusalẽ macaina masi pihtinocari jire Juda cjiro to ñano yoarire. Æ masia ti ya dusero mehne to niñeru mehne ti nuchari yahpa cjirore Acéldama wamoari jire. Acéldama nia, “Di yahpa”, nia nina.

²⁰ Baharo õ sehe ni namoha Pedro:

–Panopu to joariro seheta ã wahahre Juda cjiro. Salmo to joari tjuí õ sehe ni joaa tiha:

“Tiro to jiri wãhu masa marieni wãhu tjuarohca.

Ne noa jisi tí wuhure”,
ni joaa tiha. Õ cãhure õ sehe ni joaa tiha:
“Pairo to dahraa cjirire cohtotariro jirohca”,
ni joaa tiha Salmopu.

²¹⁻²² ’Ã jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarimore cãiro bese nano cahmana mari mehne macariro cjihto. Jesu mehne mari jichu mari mehne ã jirucurimore besero cahmana. ã mari beseri baharo Jesu to masa mujarire mari mehne buherohca –ni yahuha Pedro to coyeare Cristo yainare.

²³ To ã nichu tuhoa puarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsu, pairore Matia wama tirirore beseha.

²⁴⁻²⁵ Tinare bese dapo tuhsu, tina Cohamacure õ sehe ni siniha:

–Muhu sã puhtoro jipihina masa ti tuhotuare masina. Ahrina puaro sã beseina jira. Juda cjirore cohtotahtirore diro mu cahmarimore besege. Jesure cohãtjiãhno Juda cjiro sehe pichacapu wahaha. Tirore cohtotahtiro Jesu to cãiro jirohca. ã jiro sã mehne noaa buheare buherohca –ni siniha tina Cohamacure.

²⁶ Æ niata tãa mehne doca mujaha besea taa. Matia yaro to noano quihõno wijachu, tiro sehe Jesu to cãrina once cãrina mehne macariro tjuaha.

2

Espíritu Santo Jesu yaina mehne ji dũcaha

¹ ã yoa Pentecoste wama tiri dacho jichu tina jipihtina cũ wuhui cahmachuha.

² Tí pjareta wihnono to tuaro taro seheta manopu bisiro coa taha. To ã bisiro coa tachu tuhoha jipihtina tí wuhupu jiina.

³ ã yoa picha pohna yoaro sehe jia tina jipihina dapu poca bui bajuaha. Tí picha pohnaricã ñahmanoricã yoaro sehe bajuaha.

⁴ ã yoa Espíritu Santo tinapure sãarucu sua wahaha. Tinapure to sãarucu sua wahachu, paina ya durucua to durucuchu yoaa mehne tina sehe paina ya durucua noano durucua.

⁵ Tí dachorire Jerusalẽpu payu judio masa, cũ curua macaina masa jipahta, paró paye yahpari macaina jiha. Cohamacure ño payoina jiha.

⁶ ã yoa manopu coa tachu tuhoha tina Jesu buheina cahapu payu cahmachu wahcãha. Cahmachuina masape ya durucua Jesu buheina ti durucu pahnochuhuhoha, tina tuhohu cãaa wahaha.

⁷⁻⁸ –Cuenah. ¿Dohse yoaa ahrina Galilea macaina jipahta mari ya durucua noano durucujari? Tina mari ya yahpupu taina yoaro seheta durucua nina –niha tina sehe.

⁹⁻¹⁰ –Jipihtina mari durucua mipure durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapu jiina, Romapu taina jija mari. Cãina judio masa waro jija mari. Paina judio masa dojoina jija mari.

11 Creta macaina cãhũ, Arabia macaina cãhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucua ti durucuchũ tũhoja mari. Tina mari ya durucua mehne Cohamacũ tuaa mehne to yoarire yahua nina —ni durucuha masa ti basi.

12 ã niata tina cãaa waha, ti ñari cãhũre ti tũhori cãhũre noano tũho ñahaeraha.

—¿Ahrina dohse jiro baro paina ya mehne Cohamacũ yare ã noano durucujari, mũsa tũhotuchũ? —ni cahma sinitu ñũha tina ti basi.

13 Wiho mejeta paina Jesu yaina ti durucuchũ tũhoina mehne macaina sehe tinare õ sehe ni bũjũpeha:

—¿Dohse ahrina sihbiori sihni cahaa nijari? —ni bũjũpeha paina tinare Jesu yainare.

Pedro masare yahuha

14 ã jiro Pedro once Jesu to cũrina mehne wahcãrũcũ sũ, tuaro durucutjiãhno masare õ sehe ni yahuha:

—Mũsa Judea yahpa macaina, jipihtina Jerusalẽrũ jiina, ahrire masiga mũsa. Yũ yahuchũ tũhoga mũsa.

15 Mũsa tũhotua quihõno jierara. Nueve hora jira mipũta. Mari chũ sihnini hora jierasínica. ã jia ahrina cahaina jierara.

16 Ahrina Cohamacũ panorũ to niriro seheta yoaa nina. Tí pjarũre Joere Cohamacũ yare yahu mũhtariro cjirore, ahrire yahu dutia tiha Cohamacũ sehe:

17 “Sohtori tia dachori jichu ò sehe jirohca: ‘Yu yairo Espíriture masare jipihtinare warocaihtja.

Ã jia mûsa pohnapu yu yare yahuahca.

Ã yoa mûsa mehne macaina wahma yapia bajuamehneare ñuahca.

Ã jia mûsa mehne macaina bucana cahãnopu cahãahca.

18 Ã jicu yu cahamacare, mûare, numia cûhure yu yairo Espíriture warocaihtja.

Ã jia tina yu yare yahuahca.

19 Tuhsu, yu tuaa mehne bajuamehneare yoa ñoihca mûanopu.

Yahrapu cûhure yu bajuamehneare ñoihca: Dire, pichacare, mene ñoihca.

20 Tuhsu, sũ dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo mûsa puhtoro to tahti dacho, yu niri dacho panoi.

Tí dachoi ñu cûaa wahaahca masa.

Ã jiro wiho jiri dacho jisi.

Tí dacho noari dacho jirohca.

21 Ã jiro ò sehe jirohca.

Jipihtina masa Cristore ti ñaa buhirire cohã duti siniinare tiro tinare pichacapu wahaborinare yuhdorohca’, nina Cohamacu”,

ni joaha Joe.

22 ‘Mûsa Israe masa yu yahuchu tuhoga: Jesu Nazare macariro sehe Cohamacu to warocariro jihre. Jesure to warocarire masa ti masihto sehe

Jesu to Pucuro ya tuaa mehne yoa ñohre musare. Musa tíre masina.

²³ Jesure wajã dutina judio masa jierainare wahre musa. Cohamacu panopu to cahmariro seheta, “Ã waharohca”, to niriro seheta ã yoahre. ã jina musa Jesure crusapu wajã dutihre Cohamacu dutiare cjaerainare.

²⁴ Musa ã yoapachuta Cohamacu sehe Jesure yariariro cjirore masohre. Pari turi ne yariasi tiro. Tiro yaria dojoerara. ã catirucuhtiro jira.

²⁵ Õ sehe nia tiha Davi cjiro panopu macariro Cristo to ni durucuboriro seheta:

“Yu puhtoro yuhu mehne jira muhu.

Jipihia dachoripe Cohamacu yu puhtoro yu cahai mu jichu ñua tihí yu cuierahto sehe.

²⁶⁻²⁷ Muhu Cohamacu yuhure yariaina ti jiropure ne cohãsi.

Yuhure mu cahirirore ñanopu cohãsi muhu.

Yuhu mu cahamacano muhure ño payoriro jija.

Yu pjacure baa dutisi muhu.

Ã jicu tuaro wahcheja.

Wahchea mehne durucuja.

Ã jicu muhure Cohamacure noano wacũ tuariro jicu ñaa buhiri marieriro jicu cuiro marieno noano jinocaja.

²⁸ Yuhure pari turi catichu yoaihca muhu.

Yuhu mehne mu jichu tuaro wahcheja”,

ni joaa tiha Davi cjiro Cristo to ni durucuboriro seheta.

²⁹ Coyea, õ sehe noano yahuihtja musare Davi cjirore mari coyeiro, panopu macarirore. Tiro yariaa wahaha. ã jiro tiro to masa copa mipure

jisinina. (Ã jiro “Y_u p_{jac}ure baa dutisi m_uh_u”, ni joaro to basi wama payo yahuro nieraha.)

³⁰⁻³¹ Panop_u Cohamac_u Davi cjirore õ sehe niha: “Potocã nii nija. M_u panamana ji turiaina mehne macariro m_u yoaro seheta ahri yahpa macaina bui p_uhtoro jirohca”, nia tiha Cohamac_u Davi cjirore. Davi Cohamac_u yare yahu m_uhtariro cjiro jiha. Ã jiro Cristore Cohamac_u to p_uhto sõhtore masino, Cristo to masa m_ujahtore yahu m_uhta tuhs_uha Davi sehe. Õ sehe niha: “Tiro yariaina ti jirop_ure ji dojoasi. To p_{jac}u tói baasi”, nia tiha Davi cjiro.

³² Ahriro Jesureta Cohamac_u masohre. Sã jipihtina tirore ñ_uhi.

³³ Mip_ure Cohamac_u poto b_uh_usehep_u jira dutiro jiro. Tó panop_u to P_uch_uro “Espíritu Santore m_u yainare warocaihtja”, to ni cūriro seheta wari jire Jesure. Ã jiro Jesu sehe ahriinare Espiritu Santore warocari jira. Ã jina mip_ure Espiritu to yoaare m_usa ñ_u, t_uhona nina.

³⁴ Davi cjiro sehe Jesu to m_ujariro seheta m_uanop_u m_ujaeraa tiha. Ã jiro tiro to basi õ sehe nia tiha:

“Cohamac_u õ sehe nire y_u p_uhtorore: ‘Y_u poto b_uh_usehei dujiga m_uh_u.”

³⁵ M_uh_ure ñ_u tuhtiinare m_uh_ure cūihtja m_u cahamaca yoaro sehe jihtinare’, nire Cohamac_u y_u p_uhtorore”,

nia tiha Davi cjiro.

³⁶ ‘Ã jina jipihtina Israe masa ahriire noano masiga m_usa: Ahriro Jesure m_usa crusap_u wajãriro cjirore m_usa p_uhtoro sõhre Cohamac_u

sehe. Tirore m̄sare ȳhdohtirore Cristore c̄ure Cohamac̄u –ni yahuha masare Pedro.

³⁷ To ã nich̄u t̄hōa tuaro cahya, p̄j̄iro t̄hotua, masa sehe Pedro c̄h̄ure ò sehe ni sinitu ñ̄ha:

–¿Sã coyea, dohse yoanahcari sã? –ni sinitu ñ̄ha tina.

³⁸ Ti ã ni sinitu ñ̄ch̄u ò sehe ni ȳhtiha Pedro:

–M̄sa ñ̄aa yoari buhirire cahyaga. M̄sa ñ̄aa t̄hotumari cjirire t̄hotu cohtota, “Ã tjiri jira” ni, Cohamac̄ureta maca, t̄hoga. ã yoa Jesu yaina jina, bautisarina jiga m̄sa jipih̄tina. Jesure m̄sa wac̄u tuach̄u ñ̄no, m̄sa ñ̄aa yoari buhirire boro-hca Cohamac̄u. Tó sehe m̄sa yoach̄u Esp̄iritu Santore warohca m̄sare.

³⁹ M̄sare, m̄sa pohnare, m̄sa panamana ji turiainare, yoaro macainare, ã yoa jipih̄tina Cohamac̄u mari p̄htoro to beserinare, “Potoc̄ata ȳhdoihtja m̄sare”, ni c̄ha Cohamac̄u –niha Pedro.

⁴⁰ Tuhs̄u, tuaro mehne ò sehe ni yahu quih̄ha tinare:

–Ahri yahpa macaina, Cohamac̄ure ji coaerainare buhiri dahrerohca Cohamac̄u. Wiho mejeta m̄sa sehe, tina watoi jiina, Cohamac̄u yahurire, “Ã tjira”, ni bahrañoga m̄sa ȳhd̄hto sehe –yahu quih̄ha Pedro masare.

⁴¹ To ã nich̄u t̄hōa tina paȳu to yahuare noano t̄hōa. ã jiro tinare tiro bautisa dutiha. Tí dachore Cohamac̄u yaina mehne macaina tres mil masa waha namoha.

⁴² ã yoa tina masa Cristo to c̄urina mehne dachoripe cahmachu, tí buheare t̄ho n̄n̄u, tíre ȳhti m̄jaa tih̄a. Tina p̄ore nuha, cahma witi,

Cohamacu re sini, Cristo to cūrina mehne noano jinocaa tiha.

Jesu yaina wahma ji ducaina ti jia tiare yahuha

⁴³ ã yoa Cohamacu to tuaa mehne yoa ño mujaha to cūrina. Ti ã yoachu ñua masa jipihtina ñu caaa wahaa tiha.

⁴⁴ Jipihtina Jesure wacū tuaina cahmachu, noano jinocaa tiha. ã jia ti yare cahma witia tiha.

⁴⁵ Ti yare dua, jipihtinare paye baro maerainare cāina ti cahmaare waa tiha tina.

⁴⁶ ã jia dachoripe tina Cohamacu wahu wi-jaaroi cahmachua tiha. ã yoa cāa wahu se, ti ya wahu sepu cāhure nohopeina cahmachu, pāore nuha, wahchea mehne tina cānoi chaa tiha.

⁴⁷ Ti ã cahmachuno watoi “Cohamacu noariro jira”, ni ño payoa tiha. Paina masa tinare ji coa yuhduha tiha. ã yoaro dachoripe Cohamacu painare to yaina to yuhdohtina wahachu yoaa tiha.

3

Tini masierarirore noariro wahachu yoaha Cohamacu

¹ Cā numu ñamichahapu tres jichu Cohamacu mehne durucuri pja jichu Pedro, João mehne Cohamacu wuhapu wahaa niha.

² Dachoripe tí wahu re ti sahrĩ sāari sahrĩno tãa mehne ti yoari sahrĩno macari sopaca cahai paina cāiro masunore na ta duhu dapoa tiha. Tí sopaca noari sopaca wama tiha. Tiro masuno sehe wahma masa bajaroputa dojori wahiro jiro

tini masierariro jiha. ã jiro tiro tí sopaca cahai niñerure sini dujia tiha tí sopacai sãainare.

³ ã yoa Pedro, João mehne tí sopacare ti sãa cahachu tini masierariro sehe tinare ñu, niñerure siniha.

⁴ ã jia tina puaroputa tirore ñu, Pedro sehe õ sehe niha:

—Sãre ñuga muhu —niha Pedro tirore.

⁵ To ã nichu tuhoro “Ahrina mahanocã yuhure niñerure waahca”, ni tuhoturo ñuroca õ tuhoha tinare.

⁶ To ã ni tuhotupachuta Pedro tirore õ sehe ni yahuha:

—Niñerure cjueraja yuhu. Cjuerapaihta, ahrire yoaihtja muhure. Jesucristo Nazare macariro to tuua mehne wahcãruca, tiniga muhu —niha Pedro tini masierarirore.

⁷ ã ninota to wamomacare poto buhusehe macari wamomacare ñaha, tirore waja wahcõ dapoha. To ã yoachuta tini masierarirore to ñuchua tuua wahaha.

⁸ To ã wahachuta tiro wahcãruca purucu su, tini ducaha. ã tini ducaro tiro waha, pu tini “Cohamacu noariro jira”, to ni wahcheriro mehne tina mehne Cohamacu wuhu macari sahrĩno puhichapu sãa wahaha.

⁹ To ã tinichu “Cohamacu noariro jira”, to nichu masa jipihtina tirore ñuha.

¹⁰ ã jia masa tirore ñu masiha. Tiro Cohamacu wuhu macari sahrĩno tãa mehne to yoari sahrĩno macari sopaca noari sopaca cahai niñerure to sini dujire masiha masa. ã jia tiro to tinichu ñua, ñu cuua wahaha.

Cohamacu wuhui Pedro masare buheha

¹¹ Æ yoa tini masierariro cjiro Pedro cãhure to siõ suha mɔjano watoi, masa jipihtina ñu cɔaa waha, noari wapapɔ Salomo wama tiri wapapɔ mɔroca wahcã, cahmachuha.

¹² Ti ã cahmachurɔcɔ sɔchɔ ñuno, Pedro sehe õ sehe ni yahuha tinare:

—Musa Israe masa, ¿dohseana ahrirore ñu cɔajari? ¿Dohseana sãre musa ñu nɔnɔjari? Sã sehe sã ya tuaa mehne noaina sã jia tia mehne sã mɔ sɔro ahrirore tinichɔ yoaerahi sã. Jesu sehe tíre yoahre.

¹³ Abrahã, Isaa, Jacobo mari ñuchɔsɔma, panopɔ macaina ti yairo Cohamacu sehe to cahamacɔno Jesure jipihtina Bui Jiro cũhre. Wiho mejeta musa sehe tó sehe jirirore tirore ñu tuhtiinare wahre. Baharo pɔhtoro Pilato tirore to wio duapachɔta, musa sehe tirore to wiochɔ cahmaerare.

¹⁴ Pilato tirore wio duamahre. Wiho mejeta musa Jesure ñaa buhiri marierirore, quihõno yoarirore cahmaerana, pairore masa wajãriro sehere wio dutihre musa.

¹⁵ Æ yoana Jesure marine catichɔ yoarirore wajãchɔ yoare musa sã coyea judio masa. To yariachɔ Cohamacu tirore masohre. Tíre sã ñahi.

¹⁶ Æ jina Jesu pjiriro to jia tiare wacũ tuaina jija. Tirore sã ã wacũ tuachɔ ñuno ahrirore musa mipɔ ñarirore musa ñu masirirore Jesu sehe to tuaa mehne tinichɔ yoahre.

¹⁷ Yɔ coyea, musa pɔhtoa mehne Jesure noano masierapanahta tirore wajãchɔ yoare musa. Tíre masija yɔhɔ.

18 Wiho mejeta panopu macaina Cohamacu yare yahu muhtaina cjiri Cohamacu tinare to yahu dutiro sehetu, yahua tiha tina. “Cristo ñano yuhdu, yariarohca”, ni yahua tiha tina. Ti ã ni yahuriro sehetu ã wahahre mipure.

19 Ñ jina musa ñaare yoari buhirire cahyaga. Musa tuhotumari cjirire tuhotu cohtota, ñaare musa goa pjarire duhu, Cohamacu reta majareruca, to ya sehere quihõno tuhoga. Musa tirore majareruca, quihõno tuhochu ñuno, Cohamacu musa ñaare yoari buhirire borohca. Ñ boro, musare wahchehti dachorire cū, musare noano yajeri sāachu yoarohca tiro.

20 Ñ yoa tiro musa puhtoro cjihtore to beseriro Cristore musare warocarohca tjoa. Tiro Cristo sehe Jesuta jira.

21 Cohamacu cahapu jisninohca Jesu, pu Cohamacu ahri yahrapu jipihtiare wahma to cohtota pahñochupu. To ã cohtota pahñochtore Cohamacu yare yahu muhtaina cjiri, to yaina waro panopu yahu quihõ tuhsu tiha.

22 Moise cjiro tīre yahuro õ sehe ni muhtaha: “Cūiro mari mehne macaritore mari coyeyoreta Cohamacu yare yahu muhtahtiro cjihtore Cohamacu mari puhtoro warocarohca musare. Yuhure to warocariro sehetu warocarohca tiro cūhure. Ñ jina musare to yahuchu tuhona, ‘Jai’, ni yuhti pihtinocaga musa.

23 Õ sehe jirohca. Jipihina tirore yuhtieraina to cohāhtina jahca. Cohamacu yaina mehne macaina jisi tina”, ni muhtaa tiha Moise cjiro.

24 Jipihina Cohamacu yare yahu muhtainape

Samue, ã yoa to baharo jiina cãh_u mip_u jia dachori cjihtire yahu mũhtaa tiha.

²⁵ Mari ñ_uch_us_uma cji_ure, Cohamac_u yare yahu mũhtaina cji_ure cãh_ure panop_u macainare yahua tiha Cohamac_u. Mari cãh_ure ã ni yahuro nia tiha. Abrahãre to niriro seheta mari cãh_ure ni yahuro nia tiha. Ô sehe ni yahua tiha Cohamac_u Abrahãre: “Jipihtiro ahri yahpa macainare noano yoaihtja. Ô sehe tíre yoaihtja: M_u coyeiro baharo jiriro sehe masare noano yoabasarohca y_uh_ure”, nia tiha Cohamac_u Abrahãre.

²⁶ Cohamac_u to mac_unore masa wijach_u yoaro mari cahap_u waroca mũhtare mari ñ_uaa yoaare duhuch_u yoah_utirore. ã yoaro marine tiro noano yoare —niha Pedro tinare.

4

Pedro, João mehne pũhtoa mehne sũhũduha

¹⁻³ Pedro, João cãh_u masa mehne ti durucuro watoi sacerdotea, Cohamac_u w_uh_ure cohtaina surara pũhtoro, saduceo curua macaina cãh_u tinare tũhoha. Ô sehe ni buheha Pedro João mehne masare:

—Jesu to yariari baharo masa mũj_uaa wahahre. To ã masa mũj_uarire ñ_una mari cãh_u baharo to yaina mari masa mũj_uah_utore masija mari —ni yahuha Pedro cãh_u.

Ti ã nich_u tũhoa pũhtoa sehe tina mehne suaha. ã suaa nahi cahach_u ñ_una tina Pedrore, João cãh_ure ñ_uaha, peresu yoaha.

⁴ ã tinare peresu ti yoapach_uta pay_u ti yahua_ure tũhoina sehe “Potocãta jira”, ni tũhotuha. ã jia

Jesu yaina payu waha, tí dachoi wahma to yaina ji ducaina, ã yoa tó panopu Jesure wacũ tua tuhsurina mehne muu sahsere mari quihõchu, cinco mil masa sũro cahai jiha.

⁵ ã yoa pa dachoi tí maca macaina puhto, bucuana, ã yoa judio masa buheina cãhu Jerusalẽpu cahmachuha.

⁶ Ti ã cahmachunoi sacerdotea bui puhtoro, Ana wama tiriro cãhu tói jiha. ã yoa to coyea cãhu jiha. Caifa, João, Alejandro, paina mehne Ana coyea cãhu jiha. To coyea to dahraare dahraina jiha tina cãhu.

⁷ ã jia tina Pedro cãhure ti cahmarocachu, surara sehe puhto watopu tinare naa wihi dapoha. Ti ã na wihi dapochu, tina puhto õ sehe ni sinitu ñuha Pedro cãhure:

—¿Noa ya tuua mehne musa tirore noariro yoari? ¿Noa jajari musare tíre yoa dutiriro? —ni sinitu ñuha tina.

⁸ Ti ã nichu tũhoro Espíritu Santo to yoa dutiriro seheta to tuua mehne yahuha Pedro tinare:

⁹ —Musa puhto, ¿musa bucuana, sã dohse yoa ahriro tini masierarirore sã tinichu yoarire masi duana, sãre sinitu ñuna nijari musa?

¹⁰ Tí pja pini ahrire masiga musa jipihtina, Israe masa. Jesucristo Nazare macariro, musa crusapu wajãriro, Cohamacu to masoriro tiro sehe ahriro tini masierarirore noariro wahachu yoahre. ã jina ahrirore mipure musa ñurocaroi to tinichu ñuna musa. Õ sehe nina Cohamacu yare ti joari pũi Jesu cjihtore yahuro:

¹¹ “Ahriro tãca yoaro sehe jiriro jira. Tãcare wũhu dahreina wiho jiriare ti cohãriro seheta

musa judio masa tirore cohãhre. Musa ã yoapachuta mipure wuhu dahreina wuhure yoaa ti cū mūhtari tãcare ti cūriro seheta Cohamacu tirore pūhtoro sōhre. Tiro Cristo mariachu Cohamacu yaina wahaeraboa masa. (To ã wiho jiriro jierapachuta musa mari pūhtoa mehne tirore cahmaerare. Musa ã cahmaerapachuta Cohamacu sehe tirore mari pūhtoro sōhre)”, ni joaha panopu.

¹² Ne, paio masare pichacapu wahaborinare yūhdoriro ne mariahna. Ahri yahpupure Jesu dihta masare yūhdoriro jira. Ne paina tiro yoaro sehe jiina mariahna –ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñua, pūhtoa, bucuna, judio masa buheina mehne ñu cuaa wahaha. Æ jia Jesu yoaro sehe ti buhechu ñua, õ sehe masiha tina: “Potocã Jesu mehne macaina tjira ahrina”, ni masiha tina.

¹⁴ Æ yoa tini masierariro cjiro Pedro cūhu mehne jiha. Tiro to noariro jichu ñuha pūhtoa, bucuna, judio masa buheina mehne. Æ jia tina Pedro cūhure “Ñano yoaa nina”, ni yahusã masieraha.

¹⁵ Æ yahusã masieraa pūhtoa ti cahmachuri tah-tiapu jiiinare Pedro cūhure wijaa dutiha.

¹⁶ Ti wijaari baharo pūhtoa sehe ti basi õ sehe ni sahūduha:

–¿Ahrinare dohse yoanahcari mari? –ni durucuha tina ti basi.

Õ sehe ni durucu namoha:

–Pedro, João Cohamacu tuaa mehne tini masierarirore tinichu yoari jire. Æ jia Jerusalẽ

macaina jipihtina ti ã yoarire masica. ã jina mari sehe “ã yoerare tina” ni masieraja mari.

¹⁷ ã jina Jesu to buheri cjirire painare buhe dutiena tjijihna tinare, “Paina tí buheare cahmari”, nina –ni durucuha tina ti basi.

¹⁸ ã ni durucu tuhsua Pedro cãhure pjiroca, õ sehe niha:

–Jesu to buheri cjirire ne buhena tjiga painare. Tíre ne durucu namoena tjiga –ni yahumaha tinare.

¹⁹ Ti ã ni yahuchua tãhoa tina Pedro João mehne õ sehe ni yãhtiha tinare:

–Musa õ sehe ni dutichua musare yãhtina, Cohamacua sehere yãhdurucana niboca sã. ¿Diro ya sehere sã yoachua quihõno jijari Cohamacua to ñurocarore? ¿Musa ya sehere sã yoachua quihõno jijari? ¿Cohamacua ya sehere sã yoachua quihõno jierajari, musa tãhotuchua?

²⁰ Sã sehere sã ñurire, sã tãhorire sãre yahto basioerara –ni yãhtiha Pedro, João mehne.

²¹ Ti ã nichua tãhoa pãhtoa sehe pari turi dutimaha tjoa tinare:

–Jesu to buherire musa buheri buhiri ñano yãhdunahca musa –niri jimare pãhtoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachua ñua, “Cohamacua potocãta noariro jira”, niha masa. Ti ã nichua tãhoa pãhtoa sehe Pedro cãhure ti dohse yoa buhiri dahreboare bocaeraa, tinare wioha.

²² Tini masierariro, noariro ti yoariro cuarenta cahmari bui cãhariro jiha.

*Jesu yaina ti cuierahto cjihtore siniha
Cohamacure*

²³ ã yoa, Pedro João mehne ti wiori baharo tina mehne macaina cahap_u s_u, sacerdotea p_uhtoa, b_uc_una jipihtia tinare ti niri cjirire yahuha.

²⁴ Ti ã ni yahuch_u t_uhoa tina jipihtina c_uno potori Cohamacure siniha:

—Sã p_uhtoro m_uh_u m_uanore, yahpare, mári c_uh_ure yoariro jipihtina catiinare bajuamehneriro jira m_uh_u.

²⁵ M_u Espíritu Santo sã ñ_uch_u cjirore Davire m_u cahamac_unohre ahrire yahu dutia tiha m_u niriro seheta:

“¿Dohse yoa Israe masa jieraina suajari?

¿Dohse yoa Cohamacure ti y_uhd_ur_ucahtire wiho waro durucujari tina?

²⁶ Pay_u yahpari macaina p_uhtoa cahmachu, mari p_uhtoro Cohamacure, to p_uhtoro s_oriro Cristo c_uh_ure ñ_u tuhti, ñano yoa duara tinare”,

ni yahua tiha Davi cjiro m_u ni dutiriro seheta.

²⁷ ã tjira. Ahri macai Herode, Poncio Pilato, judio masa jieraina, ã yoa judio masa c_uh_u cahmachuhre, m_u beserirore Jesure noariro m_u cahamac_unohre wajã taa.

²⁸ Tí pja m_u cahmariro seheta “ã waharohca”, m_u niriro seheta yoahre tina. M_u masia mehne ã ni yahuha m_uh_u.

²⁹ ã jic_u mip_ure sã p_uhtoro, tina sãre puríno mehne m_u jia tiare ti yahu namo dutierach_u wac_u payoga m_uh_u. Sãre m_u cahamacare cuiro marieno m_u buheare yahuch_u yoaga sãre.

30 Mũhũ mũ tuaa mehne dohatiinare noaina yoaga. ã jicũ mũ buheare cuiro marieno yahu dutiga sãre. ã yoa Jesu noariro mũ cahamacũno to tuaa mehne yoa ño masichũ yoaga sãre. ã jicũ dohatiinare noaina sã waha dutichũ to tuaa mehne yoadohoga sãre —ni siniha tina Cohamacũre.

31 Ti ã ni siniri baharo, ti cahmachuri wũhũ ñuhmi mũaaa wahaha. To ã ñuhmichũta Espiritu Santo to tuaa mehne wacũ tua namoina wahachũ yoaha tinare. Tinare ã wahachũ Espiritu Santo to dutiro seheta yoaa, cuiro marieno Cohamacũ yare yahu namoha tjoa tina.

Jesu yaina ti yare tju waa tiha

32-33 ã jia Cohamacũ to tuaa mehne tina Jesu to cũrina õ sehe ni yahua tiha masare: “Jesu yariariro to masarire sã ñũhi”, ni yahua tiha tina masare. ã jiro tinare jipihtinare Cohamacũ noano yoadohorucua tiha. ã yoa Jesure wacũ tuaina payũ jia, tina cãno potori tũhotuina jia tiha. ã jia tina ti yare ti cjũaare “Yũ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha.

34 ã jia tina mehne macaina pjacũoina mariea tiha. Tina mehne macaina yahpari cjũaina, wũhũse cjũaina ti yare duaa tiha.

35 ã duaa ti wapa narire tina na ta, Jesu to cũrinare waa tiha. ã jia tina sehe tíre tina mehne macainare tju waa tiha. Jipihtina cjũaerainare tju waa tiha.

36 Tí pjare cãiro tina mehne macariro José wama tiro jia. Jesu to cũrina Josére Bernabé ni wama pisuha. To wama Bernabé “Masare

wahchech_u yoariro jira”, nia nina. Tiro Leví ya curua macariro Chipre n_uco macariro jiha.

³⁷ Ñ jiro tiro yahpare c_uariro jiro tíre duaha. Ñ duaro to wapa narire Jesu to c_urinare waha tiro painare witi dutiro.

5

Anania to namono Safira mehne mahñoa

¹ Paina c_uh_u Bernabé yoaro sehe yoaa timaha. Tina Anania wama tiri, to namono Safira wama tiri cororo jiha. Ti ya yahpare duaha tiro.

² Ñ duaparota tiro to wapatarire to basi naha. To namono c_uh_u to ñ yoarire masiha. Ñ jiro ti wapataa ti d_uharire na ta, Jesu to c_urinare waha Anania sehe. Ñ waro “Wa pahñoi nija”, nimaha tiro.

³ To ñ yoach_u ñ_uno Pedro tirore ñ sehe ni yahuha:

—Anania, watño m_uh_ure mahño dutiri jire Espíritu Santore. Ñ jic_u m_u ya yahpare dua, m_u wapatarire m_u basi nari jire m_uh_u.

⁴ M_u duahto pano m_u ya yahpa jihre. Ñ jiro m_u duari baharo m_u ya wapataa jihre. ¿Ñ yoac_u dohse jiro baro ñ mahñoi m_uh_u? M_uh_u sã dihtare mahñoerare. Cohamac_u c_uh_ure mahñohe m_uh_u — niha Pedro tirore.

⁵ To ñ nich_u t_uhorota, Anania sehe doca caha s_u, yariaa wahaha. Ñ jia jipihtina tiro to ñ wahach_u masia, tuaro cuiha.

⁶ To yariari baharo wahma yapia ta, to pjac_ure suhtiro cahsaro mehne wahma, sopac_u na wi-jaa, masa cop_u cohãnocaha tirore.

⁷ ã yoa tia hora baharo Anania munano namono, to yariarire masieraro Pedro cahapũ sãaha.

⁸ ã jiro Pedro ticorore õ sehe niha:

—¿Musa ya yahpare duatjiãhna noho puro wapatarĩ musa? —niha tiro.

ã jiro ticoro to manũno munano to niriro purota, “Tó purota wapatahi sã”, ni yũhtimaha ticoro.

⁹ To ã ni yũhtichũ tũhoro Pedro õ sehe ni yahuha ticorore:

—¿Dohse yoana musa cãno potori Cohamacũ Espĩriture mahũno duajari? “¿Potocãta marine buhiri dahrebocari?” nina. Tũhoga mipũre. Mũ manũ cjirore yarina tara. Mũhũ cũhũre mũ pjacũre naa taa nina —niha Pedro.

¹⁰ To ã ni yahuchũta ticoro doca caha sũ, yariaa wahaha. ã jia wahma yapia tí wũhũre sãa wihi, ticoro pjacũre na wijaa wahaha. Na wijaa, to manũno munano pari wahpa ticoro pjacũre masa copapũ cohãha.

¹¹ ã jia Jesu yaina jipihtina paina tíre tũhoa cui yũhdũa wahaha.

Jesu to cũrina Cohamacũ tuaa mehne yoa ñoha

¹² ã yoa masa watoi Jesu to cũrina payũ tahari Cohamacũ tuaa mehne yoa ñoa tiha. ã yoa tina Salomo wama tiri tahtiapũ tihamahnoeni tahtiapũ cahmachua tiha.

¹³ ã jia paina Jesu yaina jieraina sehe cui curea, tina cahapũ wahaera tiha. ã cuiipahta tinare Jesu yaina warore “Noaina jira ahrina”, nia tiha masa.

¹⁴ ã jia mũa, numia payũ Jesure wacũ tua dũcaa tiha.

15 ã jia tina dohatiinare na ta, coma yosaa mehne pjũpaha duhu cũa tiha mahapũ tinare. ã yoaa Pedro tinare to ña payochũ cahmaha tinare na taina sehe dohatiina ti noaina wahachũ cahmaa. Tinare to ña payoerachũ Pedro ti bui masurũca cũchũ cahmaha tina. Tí dihtare cahmaa tiha ti noaina wahahto sehe.

16 ã jia Jerusalẽ cahai jia macari macaina cũhũ dohatiinare, watĩa ti sãaina cũhũre na taa tiha. Ti ã na tachũ tina jipihina ti pjacũri noaina wahaha.

Jesu to cũrinare paina ñano yoaa tiha

17 Ti ã yoachũ ñha sacerdotea bui pũhtoro, tiro mehne macaina mehne Pedro cũhũre ñũ tuhtiha. Sacerdotea pũhtoro mehne macaina saduceo curua macaina jiha.

18 ã ñũ tuhtia tina sua yũhdũa Jesu to cũrinare ñaha, peresu yoaha.

19 ã jiro ñamipũ Cohamacũ yairo anjo pjõoha tinare peresui dujiinare. ã yoa tinare wijaa ta dutiro õ sehe ni yahuha anjo:

20 –Cohamacũ wũhũpũ wahaga. Tí wũhũpũ jina Cohamacũ to masorire ahri noaa buheare yahuga masare –niha anjo tinare.

21 To ã nichũ tũhoa, ñamiwacũnu jichũ Cohamacũ wũhũpũ sãa, masare buhea tiha tina. Tí dachoihta sacerdotea pũhtoro, tiro mehne macaina, Israe masa pũhtoa mehne cahmachu, Jesu to cũrinare peresupũ jiinare na ta dutimaha surara pũhtoare.

22 Wiho mejeta surara pũhtoa peresu ti yoari wũhũpũ waha, ñũmaha. Tinare bocaeraha. Bocaeraa tjuaa wahaha. Tju sũ õ sehe ni yahuha ti pũhtoare:

23 –Peresup_u jia pahmari bihaa pahmari jihre. ã jia tí pahmari cahai ti peresu yoarinare cohtaina ti ducuch_u ñ_uhi sã. Wiho mejeta pjõo sãa, sã ñ_uch_u, ti peresu yoarina mariahre –ni yahuha tina.

24 Ti ã nich_u t_uhoa, surara Cohamac_u w_uh_ure cohtaina p_uhtoro, sacerdotea p_uhtoa mehne tíre t_uho, c_uaa waha, “¿Dohse waha sohtori tiahc_u tina ã yoaa?” ni t_uhotuha tina.

25 ã jiro tina cahap_u paio s_u, tinare õ sehe ni yahuha:

–M_usa peresu yoarina Cohamac_u w_uh_up_u jihre. Ñ_una waha wiho. Tí w_uh_up_u masare buhea nihre tina –ni yahuha.

26 To ã nich_u t_uhoro, surara p_uhtoro, to surara mehne waha, Jesu to c_urinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãch_u paina masa sehe tãa mehne docaahca marine”, ni t_uhotuha tina surara sehe.

27 ã jia tinare na ta, p_uhtoa panoi duhu dapoha tina. Ti ã na wihi dapoch_u sacerdotea p_uhtoro tinare õ sehe ni tuhtiha:

28 –M_usare sã tuaro dutimahi. “Jesu yare buhena tjiga”, nimahi sã m_usare. Sã ã nipach_uta m_usa sehe jipihtina Jerusalẽ macainare buhehre m_usa. Jesu to yariari buhiri, sãre buhiri tich_u yoa duana nica m_usa –niha p_uhtoro sehe.

29 To ã nich_u t_uhoro Pedro sehe paina Jesu to c_urina mehne õ sehe ni y_uhtiha:

–Cohamac_u to dutiri sehere yoa m_uhtanahtja. ã jina baharo Cohamac_u cahmach_u masa ti dutiare

yoanahtja.

³⁰ Cohamacu, mari coyea panopu macaina puhtoro, Jesure masori jire. Tirota jira musa crusapu cja puha waja dutiriro.

³¹ Jesure “Noariro jira” ni, to poto buhusehei duji dutihre Jesure Cohamacu sehe. A jiro Jesu masa puhtoro, masare masoriro jiro, Israe masare ti naa yoarire cahyaina ji dutiro, ti naa yoari buhirire cohã duara Jesu.

³² A jina sa sehe Jesu to yoarire nurina jina tere yahuja sa. Espiritu Santo tere nuriro jiro yahura tiro cahu. Tirore Espiritu Santore Cohamacu warocahre. Jipihtina Cohamacu dutiare yoainare tiro Espiritu Santore wahre —ni yahuha tinare.

³³ To a nichu tuhoa puhtoa sehe sua yuhduaha. A suaa, tina Jesu to curnare waja duamaha.

³⁴ Wiho mejeta Gamalie, fariseo curua macariro toi jiro tinare waja dutiro taro nieraha. Tiro puhtoa mehne macariro, dutiare buheriro to jichu, masa tirore no payoa tiha. Tiro Jesu to curnare mahanoca cohta dutiro pa sehepu tinare naa wahca dutiha surarare.

³⁵ Ti a naari baharo tiro o sehe ni yahuha masare:

—Musa Israe masa, ahrinare musa yoahtere noano tuhotuga “Musapu waji”, nina.

³⁶ Wacuga Teuda cjiroro. Tiro to basi “Masare yuhduhcariro jija yuh”, nire masare. To a yoachu na, masa payu cuatro cientos masa tiro mehne macaina tjuare. Baharo paina sehe tirore waji jire. To buheare buherina cjiri sehe waha sitea wahari jire. A jia tina cjiri mipere mariahna.

³⁷ Baharo masare ti quihõri pja jichu Galilea macariro Juda wama tiro cjiro masare to buhechu tiro mehne masa payu tjuare. Tiro cãhu yariaa wahari jire. ã yoa to yaina jiphtina waha sitea wahari jire.

³⁸ ã nicu musare mipu ahrire nii nija. ã ñunocahga ahrinare Jesu yare yahuinare. ã yoa ahri buhea, ahрина ti ya buhea Cohamacu ya buhea jieraa, pihtia wahaahca Teuda cãhu ti ya buhea ti pihtiro seheta.

³⁹ Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musu ahrire butichu yoa duana Cohamacu mehne cahmachena niboca musa –niha Gamalie tinare.

⁴⁰ To ã ni yahuchu tuhoa, “Potocã tjira”, ni tuhotuha masa. ã jia tina Jesu to cõrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha.

⁴¹ Ti ã waha dutichu tuhoa tina puhtoahcahapu jirina cjiri wahaa wahaha. Jesu yare ti yoari buhiri ñano yuhdu tuaro wahcheha Jesu to cõrina.

⁴² ã jia dachoripe Cohamacu wãhu cahai jia waparíhi, ti ya wãhusei Cristo yare buhea, yahua tihá tina.

6

Siete yoadohinare beseha Jesu yaina

¹ Tí dachorire Jesu yaina payu wahaha. Wiho mejeta ti ã waharo wato, cã curua macaina judio masa jipahta, pa sehẽpu masa bajuaina griego ya

durucuina jiha. Ñ jia tina tóita masa bajuaina hebreo ya durucuinare ò sehe ni tũhotu, nureha: “Dachoripe masare yoadohoare ti witichũ, mari griego ya durucuina wapewahya numia sehere daacã waro wara”, ni tũhotu, nure cohtaha.

² Ti ã nurechũ masia, Jesu cũrina, doce jiina sehe jipihtina Jesu yainare ti cahapũ pjiroca, ò sehe ni yahuha tinare:

–Sã Cohamacũ yare buheina jija. Tíre duhu, masare yoadohoare witiborina sã jirucuchũ tó wahaerara.

³ Mũsa sã coyeya, siete mũare, paina noaina ti niinare Espíritu Santo to dutirire yoainare, noano tũho masiinare macaga. Tinare ahri dahraare cũga mũsa.

⁴ Wiho mejeta sã sehe dachoripe Cohamacũre sini mũja, Cohamacũ yare painare buhenahca –ni yahuha tina Jesu to cũrina.

⁵ Ti ã nichũ tũhoa, “Jai. Ñta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espíritu Santo to dutiare yoarirore beseha tina. Ñ jichũ Felipere, Prócorore, Nicanore, Timore, Parmenare, Nicola cũhare Jesu yainare yoadohohtinare beseha tina. Nicola sehe Antioquía macariro, judio masũno jierariro, judio masa ya buheare cahmano, tina mehne sãariro jiha.

⁶ Tinare bese tuhsũ, ti beserinare Jesu cũrina cahai na wihiha tina. Ti ã na wiwichũ ñũa, tina Jesu cũrina sehe tinare Cohamacũre sini payo tuhsũ, ti dapu poca bui ti wamomacarine duhu payoha.

⁷ Ñ yoa Jesu yaina painapũre Cohamacũ yare

yahu site pahñoa wahaha. ã jia Jerusalẽpũ jiina paina Jesu yaina payũ waha namoha. Sacerdotea cãhũ payũ Jesu yaina wahaha.

Paina Estebãre ñahaha

⁸ ã yoa cãiro masare yoadohoare witi cohtariro Estebã sehe Cohamacũ to noano yoiaro ji, Cohamacũ tuaare cjuariro jiha. ã jiro tiro Cohamacũ tuaa mehne yoa ño m̃jaha masa ti ñurocaroi.

⁹ Wiho mejeta judio masa buheri wũhũ macaina tirore ñũ tuhti, to yahuchũ, tirore soro ni cohtaha. Tina soro ni cohtaina “Cahamaca ji, wistarina cjiri”, wama tiri curua macaina sehe jiha. ã jia Cirene macaina, Alejandría macaina, Cilicia macaina, ã jichũ Asia macaina cãhũ jiha tina.

¹⁰ Tirore soro ni cohtapahta, Espĩritu Santo to masia mehne Estebã to durucu mihnichũ, tina to buheare ti dohse soro ni yũhtiboare wacũ bocaeraha.

¹¹ Ti soro ni yũhtiboare wacũ bocaeraa, tina painare mahño dutia, wapaha tinare. Ti ã mahño dutichũ õ sehe ni yahusãmaha tina:

—Ahiro Cohamacũre, ã jichũ Moise cjirore Cohamacũ to cũri dutia cãhũre to ñano durucuchũ sã tũhohi —ni yahusãmaha tina mahñoina Estebãre.

¹² Ti ã nichũ tũhoa masa, judio masa buheina, bũcũna cãhũ tiro mehne suaha. ã jia tina Estebãre ñaha, ti pũhtoa cahapũ naaha tirore.

¹³⁻¹⁴ ã yoa tina painare mahño dutiha:

—Ahiro dachoripe Cohamacũ wũhũre, to dutia cãhũre ñano durucuriro jira. Tũhohi sã tirore to õ sehe nichũ: “Jesu Nazare macariro Cohamacũ wũhũre cohã, ã yoa Moise dutiri cjiri, marine to

yahu cūri cjiire cohtotarohca”, nihre Estebã sã tũhochũ —ni mahño yahusãmaha tina.

¹⁵ ã jia jipihtina tói dujiina Estebãre noano ñũroca õ, to wũhdũare ñũha tina. Anjo yoaro sehe bajuha to wũhdũa.

7

Estebã Jesu yare yahuha

¹ ã yoa sacerdotea bui pũhtoro õ sehe ni sinitu ñũha Estebãre:

—¿Ahrina ti nia potocã tjijari? —ni sinitu ñũha tiro Estebãre.

² To ã nichũ tũhoro, Estebã sehe tinare õ sehe ni yũhtiha:

—Coyea, bũcũna sã pũcũsũma tũhoga. Abrahã mari ñũchũ cjiro panopũ macariro Mesopotamiapũ to jisnichũ, Harãpũ to jihto pano, Cohamacũ tuariro si siteriro sehe tirore Abrahãre bajuaa tiha.

³ ã bajuaro, Cohamacũ õ sehe ni yahua tiha tirore: “Mũ ya yahpare, ã jichũ mũ coyea potocũhũre duhunoca, wahaga. Pa yahpa, yũ mũhũre ñohti yahpapũre wahaga”, nia tiha Cohamacũ Abrahãre.

⁴ To ã nichũ tũhoro Abrahã cũhũ Caldea yahpai jiina wijaa, Harãpũ sũ, jisinia tiha. Abrahã pũcũro to yariari baharo, tiro cũhũ tí macai wijaa, ahri yahpa, mipũ mũsa jiri yahpapũ Cohamacũ yoadohoro mehne taa tiha.

⁵ Cohamacũ Abrahãre õpũ sũho na taparota, tirore dói “Ahri yahpa pũro jiga”, ni cũerasinia tiha. Ne mahanocã ahri yahpare, “Pũ tiga mũhũ”, ni dutierasinia tiha tiro. Wiho mejeta Abrahã pohna

marieriro to jipachuta, Cohamacu sehe tirore ò sehe ni yahu m̄hta ta tiha. “M̄hure ã jich̄ m̄ panamana, pa tjuru macainap̄ c̄hure ahri yahpare waihtja”, nia tiha Cohamacu Abrahãre.

⁶ ã ninota ò sehe ni yahu namoa tiha Cohamacu. “M̄ panamana pa tjuru macaina pa yahpap̄ waha, tór̄ paina cahap̄ jia, ti cahamaca jiahca tina. Tuhs̄, cuatro cientos c̄hmari waro tó macaina ñano yoapeahca m̄ panamanare.

⁷ ã jic̄ tó macainare ti ã yoari buhiri buhiri dahreih̄tja ȳh̄. Ȳ ã yoari baharo m̄ panamana ji turiaina ahri yahpap̄ wihi, ȳh̄re ño payohtina jiahca tina”, nia tiha Cohamacu Abrahãre.

⁸ To ã ni yahu c̄ure ti noano wac̄ruc̄hto sehe, ò sehe yoa turia wahcã dutiha tirore. M̄no p̄jac̄re mahanocã cahsarocãre yihso na dutia tiha tirore. ã jiro ocho dachori to mac̄no Isaare to pohna tiri baharo, mahanocã cahsarocãre yihso naa tiha tiro Isaa p̄jac̄re. Baharo Isaa Jacobore pohna ti, to p̄jac̄ c̄hure mahanocã cahsarocãre yihso naa tiha. Baharo Jacobo c̄h̄ doce to poh̄nare ã dihta yoaa tiha ti p̄jac̄r̄re. Tina doce m̄a sehe tópe curuari, mari masa curuari dahpoto macaina cij̄hti jia tiha.

⁹ ã yoa baharo, tina Jacobo pohna, mari ñ̄ch̄s̄ma cjiri, ti bah̄ro Josere pahsu tia, paina ti cahamac̄no cij̄htore duanocaa tiha Egiptop̄ wahainare. Ti ã yoapachuta, Cohamacu Josere yoadohoa tiha.

¹⁰ Jipihti tí to ñano ȳhd̄are Cohamacu tirore noano ȳhd̄ch̄ yoaa tiha. Cohamacu tirore noano t̄ho masich̄ yoaa tiha. ã yoa faraõ Egipto

macaina puhtoro sehere Josére ñu ji coachu yoaa tiha. Ñ jiro faraõ sehe Josére puhto sõa tiha, tiro mehne masare dutihtiro cjihtore. Tirore faraõ ya wuhu cãhure puhtoro cãa tiha.

¹¹ 'Ã yoa tí pjarure Egiptoru, Canaarpu cãhure paró ne coro taeraa, yahpa sehe wuaa sõa wahaa tiha. To ã wuaa sõa wahachu, masa ti toamari cãhu ñai pihtia wahaa tiha. Ñ jia mari ñuchusuma cjiri ñano yuhua, ti chuboare ne bocaeraa tiha.

¹² Wiho mejeta Egiptoru "Trigo jiyuhca", ti nichu tuhoro, Jacobo sehe to pohnare, mari ñuchusuma cjirire tóru coã warocaa tiha.

¹³ Baharo pari turi to warocarina cjiri Egiptoru ti suchu tjoa, José to wahmisumare "Musa bahuta jija yuhu", ni yahu, tinare masichu yoaa tiha. Tí pja puhtoro faraõ sehe José coyeare coã ñuno nia tiha.

¹⁴ Baharo José to wahmisumare, ti pucuro Jacobore, ã jichu jipihtina ti coyea cãhure cahmarocaa tiha. To coyea setenta y cinco masa jia tiha.

¹⁵ To macuno to pjirocachu tuhoro Jacobo cjiro wahaa tiha Egiptoru to macuno caharpu. To macuno caharpu jiro, tiro yariaa wahaa tiha. Ñ yoa to pohna, mari ñuchusuma cjiri cãhu tóru yaria pihtia wahaa tiha.

¹⁶ Tina ti yariari baharo, ti coyea ti pjacuri cjirire Siquẽ wama tiropu naa tiha. Tóru na su, tãa coparipu Abrahã Hamor pohnare niñeru mehne to nuchuri yahrapu tina ti pjacuri cjirire cãa tiha.

¹⁷ 'Ã yoa Cohamacu Abrahãre "Canaa yahpare waihtja mahure", to ni cãriro cjiro mu sãro cahachu, Abrahã panamana, Israe masa, Egiptoi jisinia payu wahaa tiha.

18 Ti ã pay_u wahari baharo, paio faraõ, Egipto masa p_uhtoro José cjirore masierariro sãa tiha.

19 Tiro mari coyeare mahño, ñano yoa, ti poh_unare m_ua poh_unare wajã dua, cohãnoc_a dutia tiha tinacãre. Wahma bajuainacãre cohã dutia tiha “Tinacã yariajaro”, nino.

20 To ã yoaro watoi Moise cjihto sehe masa bajuaa tiha. Tirocã noariro, Cohamac_u to noano ñ_u jicoariro jia tiha. Tia sũ waro to p_uc_us_uma tirocãre noano ñ_u wihboa tiha.

21 Æ jiro Moisere n_uo namo masieraa, diap_u tirocãre p_uh_uroi comape mehne ti bihari p_uh_uroi poho b_uroha. Ti ã yoach_u faraõ macono tirocãre ñ_u boca, na maja, to mac_unore yoaro seheta c_ujaa tiha tirocãre.

22 Æ jia tina Egipto macaina, noano masiina ya jipihtiare Moisere buhe b_uc_uoa tiha. Baharo, ne cuiro marieno durucuriro, p_uhtoa jia tia cãh_ure mihni y_uhd_ur_uc_u s_uriro wahaa tiha Moise.

23 Æ yoa tiro cuarenta c_uhmari c_uaro to coyea Israe masare ñ_u duaro ti cahap_u ñ_uno wahaa tiha.

24 Tó_u ñ_uno s_uro, Egipto macariro cãiro Moise coyeirore to ñano yoach_u ñ_ua tiha. Tiro to ñano yoaborirore d_ucata duaro, Egipto macariro sehere wajã cohãnoc_a tiha.

25 Æ wajã cohãno, Moise õ sehe ni t_uhotua timaha. “Y_u coyea ti coyeirore y_u yoadohoch_u ñ_ua ‘Cohamac_u marine noano y_uhd_uch_u yoa dutiro warocare ahrirore’, ni t_uhotuahca y_u coyea”, ni t_uhotua timaha Moise. Wiho mejeta tina sehe ne ã ni t_uhotueraa tiha.

26 Pa dachoi Moise to coyeare p_uaro ti basi cahmacheinare boca s_ua tiha. Æ boca s_uro, tinare

yahu duaro tinare ò sehe ni yahua timaha: “¿Musa basi jipanahta cahmachejari musa?” ni yahua timaha Moise tinare.

²⁷ To ã ni yahuchũ tũhoro, cãiro to coyeirore ñano yoariro sehe Moiserẽ tjuocaa tiha. “Mũhũ sã pũhtoro jierara. Sãre yahuboriro jierara mũhũ.

²⁸ ¿Canũre Egipto macarirore mũ wajãriro seheta yũhũ cũhũre wajã duacũ nijari mũhũ?” nia tiha tiro Moiserẽ.

²⁹ To ã nichũ Moise tũho cũaa waha, mũrocaa duhti wahcã, Madiã yahpapũ waha waha tiha. Tõrũre pa sehe macariro jiparota, numino boca, pũaro pohna tia tiha.

³⁰ Æ yoa Moise cuarenta cũhmari waro tõi to jiri baharo, Sinaí wama tidũ tũcũ cahai masa marienopũ to jichũ anjo tirore bajuaa tiha. Anjo sehe mahadũcã jũri picha pohnai bajuaa tiha.

³¹ Tũ yucũcũcãrũ to jũrucuchũ ñũno, Moise ñũ cũaa waha tiha. Tí pichacare cahacã noano to ñũ wahcãchũ waroi Cohamacũ to durucuchũ tũhoa tiha.

³² “Cohamacũ jija yũhũ. Mũ ñũchũsuma cjiri, Abrahã cjiro, Isaa cjiro, Jacobo cjiro ti ño payoriro jija”, nia tiha Cohamacũ Moiserẽ. To ã nichũ tũhoro Moise sehe tetere, ne ñũ wahcõeraa tiha.

³³ Cohamacũ ò sehe ni durucu namoa tiha tirore. “Yũhũ ñaa marieriro yũ òi jiro wato, mũ ducuri yahpa sehe wiho jiri yahpa jierara. Æ jicũ mũ dahpo suhtire tjuwe cũga.

³⁴ Æ yoa yũ yaina masa Egiptopũ ti ñano yũhdũchũ ñũja. Ti tiichũ tũhoja. Æ jicũ õrũre wihija yũhũ, tinare yũhdũ witichũ yoai tai. Ti ã wahachũ, ñũcũ wahaga mũhũ cũhũ. Egiptopũ

mãhure warocaihtja. Tinare na wioi wahaga”, nia tiha Cohamacu Moisere.

³⁵ Tó panopu tina sehe mari coyea, Israe masa Moisere cahmaeraa tiha. “Mũhũ sã puhtoro jierara. Mũhũ sãre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ã niriro cjirore Egiptopu warocaa tiha, mari coyea Israe masare yũhdũ witichũ yoah tiro, ã jichũ ti puhtoro jihtiro cjihtore. ã yoa anjo, tirore jãdũpu bajuariro sehe to ã yoah tirore yahua tiha tirore.

³⁶ Moise jia tiha mari coyea, Israe masare Egiptopu jiiinare na wioriro. Tinare na wioro, Egiptopu Cohamacu tuua mehne tiro sehe yoa ño dũcaa tiha tópu jiiinare. Pjiri ma sohãri mapu ãta yoa ñoa tiha tjoa. Baharopu masa marienopu cãhure cuarenta cãmari waro Cohamacu tuua mehne yoa ño mũjaa tiha tiro to masare.

³⁷ ã yoa Moise cjiro jia tiha mari coyea, Israe masare õ sehe ni yahuriro: “Cohamacu cãiro mũsa coyeiro, to yare yahu mũhtahtiro, yu yoaro sehe jiriore warocarohca mũsare”, nia tiha Moise tinare.

³⁸ Moise masa marienopu mari coyea Israe masa mehne jia tiha. Tuhsũ, Sinaí wama tidũ tãcũpu ti cahmachuchũ tirore yahuriro anjo mehne jia tiha. ã yoa mari ñũchũsuma panopu macaina cjiri mehne jia tiha tiro. Cohamacu to dutiare cũriro jia tiha Moise.

³⁹⁻⁴⁰ ã jia tí dutiare tãcũi Moisere to cũno watoi mari ñũchũsuma cjiri Egiptopu tjua duua Moisere yũhdũũcaa tiha. Tina tirore cahmaeraa tiha. ã cahmaeraa tina Moise cjiro wahminore Aarõ

wama tiro cjirore õ sehe nia tiha: “Paina cohamanare yoaga mari yaina cjihti. Tina mari wahalti mahare marine saho naahca. ¿Wiho mejeta marine Egiptopu jiiinare na tariro Moise dohse wahari tiro? Masieraja sã”, nia tiha tina.

⁴¹ ã jia tí dachorire tina wachu masure uru mehne yoaa tiha. ã yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. ã jia tina ti yoariro cjirore wachure ñu, wahche, bose numu yoaa tiha.

⁴² Wachure ti ño payochu ñuno, Cohamacu tinare cohã wahcãa wahaa timaha. “Yuhure cohã, manopu bajuaa, sũ dacho macariro, sũ ñami macariro, ã yoa ñahpichoha poca cùhure ño payowahnojaro”, nino cohã wahcãa wahaa timaha. Cohamacu yare yahu mahtaina cjiri ã ni joaa tiha: “Musa Israe masa, yuhure nu ñano yoare.

Masa marienopu cuarenta cùhmari waro jina wahiquinare musa wajãinare musa wajã, jũ wa manopanahta, yuhure musa ño payoboriro seheta yoamare musa.

Wiho mejeta yuhu sehere musa ño payoerare.

⁴³ ã jina musa Molo wama tiri masure ño payoina jiina, tí masure ño payori wuhure cjuare musa.

ã yoa paio cohamacu ñahpichohaca Refã wama tiria to masure musa yoariare musa cjuare tjoa.

Tí masurine musa yoarire musa ño payore.

Musa ã yari buhiri musare Babilonia sie seheru cohãrocaltja yuhu”,

ni yahu joaa tiha Cohamacu yare yahu mahtaina cjiri.

44 'Ã jia masa marienopu Cohamacu masa mehne to jiri wahuire wahiquina cahsari mehne ti yoari wahuire cjuaa tiha mari ñuchusuma cjiri panopu macaina. Tí wahu Cohamacu masa mehne to durucuri wahu jia tiha. Tí wahupe Cohamacu dutia to joaa pjini tãa pjini jia tiha. Tí wahuire Cohamacu Moiserere to ñoriro seheta, “Õ sehe yoaga”, to ni yoa dutiriro seheta yoaa, tí wahuire cjuaa tiha tina.

45 Ñ yoa ti panamanapu cãhu cjuã turia nãnu tia tiha tí wahuire, wahiquina cahsari mehne ti yoari wahuire. Baharo mari ñuchusuma cjiri Josué mehne Cohamacu mari coyea Israe masare to cãhti yahpãre, ahri yahpãre pu tia taha. Ti pu tia tachu ahri yahpai ji mãhtaina cjirire Cohamacu cohãnocaa tiha. Tí pjare Cohacure ti ño payori wahuire na taa, cjuaa tiha tina ahri yahpãre, mipãre mari jiri yahpãre. Pu Davi cjiro to jiri tjurupu cjuã batóa tiha tí wahuire.

46 Tiro Davi cjiro sehe Cohacure wahchechu yoariro jia tiha. Cohamacu ya wahu cjihtore pa wahu tiro yoa duaro, sinia timaha Cohacure.

47 To ã sinipachuta Salomopu Cohamacu ya wahu sehene yoaa tiha.

48 To ã yoapachuta Cohamacu Jipihina Bui Jiriro sehe masa ti yoari wahupe jierara. Õ sehe nia tiha Cohamacu yare yahu mãhtariro cjiro:

49 “Mãano yu dujiro jira.

Tói dujicu dutija yahu.

Ñ jiro yahpa sehe yu dahporire duhu payoro yoaro sehe jira.

Yuhu tua yuhduariro jija.

Y_u ya w_uh_u cjihtore yoa masierara m_usa.
Cohamac_u y_u jich_u y_u jihti w_uh_ure m_usa yoa
masierara.

50 Y_u basi ahri yahpare jipihtiro yoahi y_uh_u’, ni
durucua tiha Cohamac_u”,
ni joaa tiha Cohamac_u yare yahu m_uhtariro cjiro.

51 M_usa Cohamac_u yare t_uh_upanahta, tirore
y_uhti duaerara. Cohamac_ure masieraina yoaro
sehe t_uhotuina baro jira m_usa. Esp_uritu Santore
y_uhd_ur_uc_uca y_uhd_ur_uara m_usa. M_usa ñ_uch_us_uma cjiri
ti yoariro cjiro sehet_u yoara m_usa c_uh_u.

52 M_usa ñ_uch_us_uma cjiri jipihtina Cohamac_u
yare yahu m_uhtaina cjirire ñ_uano yoaa tiha. Tina
Cohamac_u yare yahu m_uhtaina cjiri “Baharo
c_uiro ñ_uaa buhiri Marieriro tarohca”, ti ni yahu
quih_u m_uhtach_u t_uho_u, m_usa ñ_uch_us_uma cjiri sehe
tinare waj_uaa tiha. Æ yoa mip_u c_uh_ure tiro “Ñ_uaa
buhiri Marieriro”, t_u panop_u ti niyuriro sehe ð_ur_u
to wihich_u, “M_uh_u mehne macaina jija”, ni ji
mah_uño, tirore waj_uh_ure.

53 Cohamac_u dutiare anjoa sehe yahu turia
timaha m_usare. Ti ã yahu turiach_u m_usa tí dutiare
cj_uamaha. Wiho mejeta tí dutiare y_uhd_ur_uc_uara
m_usa –niha Estebã.

Tina Estebãre tãa poca mehne doca wajãha

54 To ã nich_u t_uho_u tina sehe tuaro suaha. Æ
tuaro suaa, cuaina wahaha.

55 Ti ã suapach_uta Estebã sehe Esp_uritu Santo
mehne wac_u tuariro to tuaa mehne m_uanop_u
ñ_uroca m_uo, Cohamac_u si siteare ñ_uha. Æ yoaro
Cohamac_u poto buh_usehei Jesu to ducuch_u c_uh_ure
ñ_uha tiro.

56 Æ ñ_uroca m_uono, ò sehe niha:

—Ñu m̃oga m̃usa. M̃anopu mahanocã to tjuwe m̃achu, Jesu Cohamacu to warocariro Cohamacu poto buh̃sehei to ducuchu ñuja yuh̃u —niha Estebã tinare.

57 To ã nichu tuhoata tina tuaro sañurucu, ti cahmo coparire bihanoca, cãno potori tiro cahapu m̃aroca wahcã, tirore ñahaha.

58 Ñaha tuhsu, tirore na wahcã, tí maca duhtu cahapu cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahm̃anore Saulo wama tirirore ti suhtire cjuabasa dutiha.

59 Estebãre ti tãa docaro watoi, sinino sehe õ sehe niha tiro:

—Jesu, yu puhtoro yu catiare naga —niha tiro.

60 Ni tuhsu, tiro na tuhcuca caha su, õ sehe ni tuaro sañurucuha:

—Puhtoro Jesu, ahrina mipu yuh̃ure ti wajãri buhiri tinare buhiri dahrei tjia —ni sañurucuha Estebã.

Ã ni sañurucu batoarota, yariaa wahaha tiro.

8

Saulo Jesu yainare ñano yoaha

1 Estebã to ã yariachu ñano, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa ducaha Saulo mehne macaina sehe. Ti ã yoa ducachu Jesu yaina Judea yahpapu, Samaria yahpapu yoaropu duhti site wahcãa wahaha. Ti puhtoa, Jesu to cõrina dihta wahaeraha.

² Ñ yoa paina Cohamacure ño payoina Estebã pjacu cjirore tâca copacu, duhu sãa, tiro cjirore tuaro tii payoha tiro cjirore tina.

³ Wiho mejeta Saulo sehe Jesu yainare ñabiaro yoa timaha. Tiro ti wuhusepu sãa, mure, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ Ñ yoa yoropu waha siteina cjiri nohoi ti wahaoroi Jesu yare buheha tiha.

⁵ Cãiro tina mehne macariro Felipe cã maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare.

⁶ To ã buhechu, tó macaina sehe tirore tãho cahmachu, Cohamacu to tuaa mehne to yoa ñochu ñaha tina. Ñ jia tina jipihtina cãno potori to yahuare noano tãho nãna tiha.

⁷ Payu masa watã sãanohrina tiro cahai ti wihichu ñno, watã sehere tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu bhainare, pari yuri tiniina cãhure pjacu noaina wahachu yoa tiha.

⁸ To ã yoa ñochu ñna tí maca macaina payu masa wahchea tiha.

⁹ Tí pjare Simo wama tiriro tí maca macariro yairo jiha. Ñ jiro yaya ti yarire yoa ñoa tiha Samaria macainare. To ã yoa ñochu ñna, tó macaina ñna cãaa waha, tirore cua pisaro ñina jiha.

—Yuhu masi pahñoriro jija —nimaha Simo sehe tinare.

¹⁰ To ã yoachũ ñũa masa sehe õ sehe nia timaha: —Ahriri Cohamacũ ya tuaare cjuariro jira. Cohamacũ yoaro sehe tuariro jira —nia timaha tirore masa, puhtoã mehne. Tina jipihtina noano tuho nuũaha tirore.

¹¹ Tiro yaya ti yoaa mehne yoari pja yoa ñoa tiha tinare. To ã yoa ñochũ ñũa tina cũaã wahaha. ã cũaã waha, tina tirore ño payoa tiha.

¹² Wiho mejeta ti ã ño payopachuta Felipe sehe puhtoro Cohamacũ to suho jiare, Jesucristo yare noaa buheare yahuha. To ã yahuchũ tina tirore noano tuhoaha. Ti ã noano tuhochũ ñũno mũare, numia cũhũre bautisaha Felipe.

¹³ ã jiro Simo cũhũ Felipere noano tuhoa tiha. ã jiro tiro cũhũre bautisaha. To ã yoari baharo Felipe mehne tjuaa tiha tiro. Felipe sehe Cohamacũ tuaa mehne to yoa ñochũ ñũno Simo ñũ cũaã waha tiha.

¹⁴ ã yoa Samaria yahpa macaina Cohamacũ yare ti tuaro cahmachũ tuhoa Jerusalẽpu jiina tuhorocaa tiha tinare. ã ti cahmachũ tuhoa Pedrore, João cũhũre warocaa tiha Samaria yahpapũ.

¹⁵ Tõpu sũa Pedro cũhũ Cohamacũre siniha: “Ahrina Samaria yahpa macaina mũhũre ño payoinare mũ Espíritu Santo sãajaro”, ni sini payoha tina Cohamacũre.

¹⁶ Tina Samaria yahpa macaina Jesucristo yaina jia to bautisarina jiha. Tí dihtare masiha tina. ã jiro Espíritu Santo tinare sãaerasiniha.

¹⁷ ã jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espíritu Santo tinare sãari jire.

18 ã yoa Pedro cãhũ ti wamomacari mehne ti duhu payochũ ñãha Simo. Espíritu Santo tinare to sãachũ cãhũre ñãha tiro. ã ñãriro jiro, tí tuaare cahmano niñeru mehne wapa duamaha.

19 Õ sehe nimaha Simo:

—Yũhũ cãhũre waga ahri tuaare. Yũhũ cãhũ yũ wamomacari mehne masa dapupoca bui duhu payoi tai nija Espíritu Santo tinare to sãahto sehe. ã jicũ ahri yũ yoahti wapare wapa duaja —nimaha Simo tinare.

20 To ã nichũ tãhoro Pedro õ sehe niha:

—Mũhũ niñeru mehne Cohamacũ ya tuaare mũ nuchũ duari buhiri mũ niñeru mehneta pichacaru wahaga mũhũ. Cohamacũ mũ tãhotuare masina. Mũhũ ñãriro jisninina.

21 ã jicũ ahrire sã yoaare yoa masierara mũhũ. Ahri mũ yoa baro jierara.

22-23 Paina ti cãaare ñũcũ suariro jira mũhũ. ã jicũ ñaa yoaare ne duhu masierara mũhũ. ã jicũ ahrire mũ ñaa yoaare cahyaga mũhũ. Cohamacũre mũ ñaa tãhotuare to bohto sehe siniga mũhũ. Mũ ã yoachũ ñũno tiro mũ ñaa buhirire boboca, pa tehe nino —ni yahuha Pedro tirore.

24 To ã nichũ tãhoro Simo õ sehe ni yãhtiha tirore:

—Yũhũre sini payoga mũsa Cohamacũre mũ niriro sehe yũ wahaerahto sehe. Tí buhiri pichacaru waha duaeraja yũhũ —niha Simo tirore.

25 Baharo Pedro João mehne Cohamacũ yare yahuha: “Jesu to masa mũjachũ ñũhi sã”, ni payũ Samaria yahpai jia macari macainare noaa buheare buhehã. Tinare Cohamacũ yare buhe tuhsũ, Jerusalẽru tjuaa wahaha.

Felipe Etiopía yahpa macarirore buheha

26 Ñ yoa Cohamacu yairo anjo Felipere õ sehe ni yahuha:

—Mipure sur sehenu wahaga. Jerusalẽ cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

27 To ã nichu tũhoro tiro sehe tí mahapu wahaa tiha. Baharo tí mahapu cãiro masunore piti bocaro taro niha. To piti bocahtiro jiha Etiopía yahpa macariro puhtoro. Tiro numiare cahmaerariro eunuco masuno jiha. Ñ jiro Candace wama tiricoro Etiopía macaricoro puhtorocoro yare niñerure jipihtiare ñu wihboriro jiha. Wiho jiro jieraha. Tiro Jerusalẽpu Cohamacure ño payoro waha tuhsaha.

28 To ya macapu tunuria mehne tjua taro tiapu wahaparota buhero niha. Cohamacu yare yahu muhtariro Isaia cjiro to joari pũre buhero niha.

29 Ñ jiro Espĩritu sehe Felipere õ sehe ni yahua tiha:

—Siro tunuriapu wahariro cahapu wahaga —niha Espĩritu tirore.

30 To ã nichu tũhoro Felipe sehe tunuria cahapu mũroca wahcã, Isaia cjiro to joarire Etiopía macariro to buhechu tũhoha. Ñ tũhoro Felipe õ sehe ni sinituha tirore:

—¿Mu buheare tũho ñahajari mũhu? —niha tiro.

31 To ã nichu tũhoro Etiopía macariro õ sehe ni yuhtihã:

—Pairo yuhure yahu yuhdoriro mariachu noano masieraja yahu. Ōi yuhure yahu dujii taga ya pari wahpa —ni yuhtiha tiro Felipere.

—Jai —ni nuju saha to cahai.

³² ã yoa Cohamacu yare Etiopía macariro to buheri pũ õ sehe niha:

“Ovejare ti ñaha wajāriro seheta tiro cūhure ñaha wajāhca masa.

ã jiro ovejacā to pjoare ti sachu to sañurucueraro seheta tiro masuno cūhu dihta marieriro jirohca.

³³ Tirore tina bujupeahca.

ã jia tiro to ñano yoaerapachuta tina sehe ñano yoaahca tirore.

Tiro ahri yahpahu to jichu tina tirore wajāhca.

ã jiro tiro pohna marieriro yariaa waharohca”, ni joaha tí pūpūre.

³⁴ Tí pũ to ã ni yahuchu ñano, Etiopía macariro õ sehe ni sinituha:

—Yahuga yuhure. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O paioire yahuro nicari? —ni sinituha Etiopía macariro.

³⁵ To ã ni sinitu ñachu tuhoro Felipe sehe tí pūre ñu, Jesu yare yahuha Etiopía macarirore.

³⁶ ã yoa tina tia mehne waha, mácaru saha.

—Ñuga, õi máca jira. Ahri mácaru yuhure bautisaga —niha Etiopía macariro.

³⁷ [—Jesure mu noano wacū tuachu ñucu mahure bautisaihtja —niha Felipe tirore.

—Jesure wacũ tuaja yuhũ. Tiro Cristo Cohamacũ macano jira. Tíre noano masija yahũ —niha Etiopía macariro.]

³⁸ Æ ninota tiro tunuria uturirore yũũo dutiha. Tia to yũũ caha sũri baharo wijaaha tina. Wijaa, tí mácapũ sũ, ñumurũcũ sũha tina. Tóí ñumurũcũ sũ, Felipe sehe tirore bautisaha.

³⁹ Bautisa tuhsũ ti maja sũrũcũ sũchũ Cohamacũ to Espíritu Felipere naa wahaha. To ã wahari baharo Etiopía macariro noano wahcheriro to ya yahpapũ tjuaa wahaha. To ã yoari bato tichũ ne pari turi Felipere ñũeraha.

⁴⁰ Æ yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesareapũ buhe batoa tiha.

9

Saulo Jesucristore ñũno tirore wacũ tua dũcaha (Hch 22.6-16; 26.12-18)

¹ Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro cahapũ wahaha.

² Tópũ sũro tiro joaa pũrine õ sehe ni siniha sacerdotea pũhtorore:

—Joaa pũrine waga yũhũre yũ tuahti pũri cjihire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahahtja. Tópũ sũ, judio masa mari buhea wũhũsepũ Jesu yaina mũaa, numia cũhũre boca sũcũ, tinare ñaha dũhte, õpũ Jerusalẽpũ na majare tjuaa taihtja —ni siniha Saulo sacerdotea pũhtoare.

³ Ti pūrīne na tuhsu, tiro waha, Damasco cahai to saro cahachu waro manopu wacūenoca si siteroca boroha tirore.

⁴ Wacūenoca to ã si siteroca borochuta tiro yahpapu bora caha saro, õ sehe ni durucuchu tūhoha:

—Saulo, Saulo, ¿dohseacu mahu yuhare ñano yoajari? Mahu yuhu mehne suacu yuhare yuhtieracu, mu basita ñano yuhdara —nino coa taha.

⁵ —Puhtoro, ¿diro baro jijari mahu? —ni sinitu ñuha Saulo sehe.

—Yuhuta jija Jesu, mu ñano yoarucuriro —niha Jesu Saulore.

⁶ [To ã nichu õ sehe ni sinituha Saulo:

—Puhtoro, ¿dohse yu yoachu cahmajari mahu? —niha Saulo.]

—Wahcārucaga mahu. Macapu wahaga. Tí macapu mu suchu tó macariro mu yohtire yahurohca mahare —niha Jesu Saulore.

⁷ To ã nichu Saulo mehne macaina sehe to durucua dihtare tūhoha. Wiho mejeta Jesu sehere ñueraha. To ã wahachu ñua, cuia, tina durucu masieraha.

⁸ Æ jiro Saulo yahpapu coāriro wahcārūca, to ñuchu to capari bajueraha. Æ jia tina to wamomacare ñaha, Damascopu tuã wahcāa wahaha tirore.

⁹ Tópu saro, tiro tia dacho waro ne ñuera, chuera, ne sihniera tiha.

¹⁰ Æ yoa cāiro Jesu to buheriro Anania wama tiriro Damascoi jiha. Æ jiro Jesu bajua tiha Ananiare. Æ bajuaro õ sehe ni pisuha tirore:

—Anania, ¿jimajari mahu? —niha Jesu.

—Jimajã —ni yuhtiha Anania tirore.

11 To ã nichu Jesu sehe õ sehe ni yahuha tirore:

—Potori Maha wama tiri mahapu wahaga. Æ wahacu Juda ya wuhapu cãiro Tarso macariro Saulo wama tirore macaga. Tiro Cohamacure sinino nica.

12 Tiro cahãnopure tirore mu yoahtere ño tuhsuhi yuhu. Õ sehe jiare ñuhre tiro: Muhu mu wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

13 To ã nichu tãhoro Anania sehe õ sehe ni yuhtiha:

—Puhtoro, tiro mu yainare, noainare Jerusalẽ macainare nu ñano yoa mujayuhti. Payu masa yuhure ã ni yahure.

14 Æ yoa õ cãhure tiro jipihtina mahure cahmainare peresu yoaro taro niyuhti. Sacerdotea puhtoã tirore ã yoa dutiyuhti —ni yuhtiha Anania Jesure.

15 To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cãhure buherohca. Æ jicu wahaga muhu.

16 Payu tahari yu yare yoaro tiro ñano yuhdurohca. Tíre tirore masichu yoaihtja —niha Jesu Ananiare.

17 To ã niri baharo Anania sehe waha, su, Saulo to jiri wuhapu sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, mu capari mu ñuhto sehe, Espíritu Santo muhu mehne to jihto sehe, to dutiro seheta mu yoahto sehe, mari puhtoro Jesu

sehe maharᵐ mᵐhure bajuariro yᵐhure waroc-ahre —ni yahuha Anania Saulore.

18 To ã nichᵐta to caparire wahi nᵐturi yoaro sehe bajua to caparipᵐ wahãa pahna borachᵐ ñᵐha Saulo. To ã ñᵐ tuhsuri baharo to wahcãrᵐcᵐ sᵐchᵐ paior sehe tirore bautisaha.

19 Tirore to bautisa tuhsᵐchᵐ, tiror sehe chᵐ, tuariro wahaha.

Saulo Damascoi Jesu yare buhe dᵐcaha

Ã yoa Saulo mahaa dachoricã Damasco macaina Jesu yaina mehne jiha.

20 Dói tí dachorita tiro judio masa buhea wᵐhᵐsepᵐ sᵐ, Jesu Cohamacᵐ macᵐno to jiare yahu dᵐcaha masare.

21 To ã yahuchᵐ ñᵐa jipihᵐtina tirore tᵐhoina cᵐaa wahaha.

—Cho, ahriro Jerusalẽpᵐre Cohamacᵐ yainare Jesure cahmainare ñano yoariro cjiro jira. Ã yoa tirota jimana õ macaina Jesure cahmaina cᵐhure ñaha, dᵐhte, sacerdotea pᵐhtoare wiaboriro. Ã yoa duaro õpᵐre tari jimahre tiro —niha masa tirore tᵐhoina.

22 Wiho mejeta Saulo sehe cui tᵐhoturo marieno buhe mihni wahcãa tiha. “Ahriro Jesu potocãta Cristo, marine yᵐhdohtiro jira”, to ni yahu mihnichᵐ, tó macaina judio masa ti ni yᵐhti yᵐhdᵐrᵐcaborirore bocaeraha.

23 Ã jia payᵐ dachori baharo judio masa tirore wajã duaa, ti basi durucua tiha.

24 Wiho mejeta Saulo tirore ti wajã duachᵐ masiha to basi. Tina tí macare sahrĩno tãa mehne ti yoari sahrĩno macaa sopacarire dachopᵐre ñamipᵐ cᵐhure cohtaa tiha tirore wajã duaa.

25 Ti ã wajã duachũ ñũa ñamirũ Saulo buheina tirore pũhũro pjiri pũhi na sãa, tí maca macari sahrĩno baharo buhũsehei duhu boroha tirore. Tó sehe ti yoachũ yũhdũha tiro.

Saulo Jerusalēi jiha

26 Æ yoa Saulo Jerusalēpũ sũro, tórpũ Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha.

27 Ti ã cuipachũta Bernabé sehe tirore na wahcãha Jesu to cũrina cahapũ. Æ jiro Saulo mahai Jesure to ñũrire, Jesu Saulore to durucurire, ã jichũ Damascopũ cuiro marieno Jesu yare to buhe dũcarire yahuha Bernabé sehe.

28 To ã ni yahuri baharo Saulo sehe tina mehne sãano, Jerusalēpũ tina mehne jia tiha.

29 Tiro cuiro marieno judio masare Jesu yare yahu yũhdũrcaro niha. Tina judio masa griego masa yare durucuina jiha. Æ yoa Saulo to ã yahu yũhdũrcachũ, tina tirore wajã duamaha.

30 Ti ã wajã duachũ ñũa, Saulo mehne macaina Jesu yaina sehe tirore Cesareapũ na duhti wahcãa wahaha. Tórpũ tirore sũho jirucuma Tarsopũ waroçaha tirore.

31 Æ yoa jipihtiorpũ, Judea yahrapũ, Galilea yahrapũ, Samaria yahrapũ cũhũre Cohamacũ yaina noano jia tiha. Tí pjare ne masa ñano yoaera tiha tinare. Æ jia noano buheha tina. Tina Cohamacũ yare buhe, tirore masi namo, noano yũhtia tiha. Æ yoa Cohamacũre cua pisaro ñũa tiha. Espĩritu Santo tinare to yoadohochũ tina sehe payũ wahaa tiha.

Pedro Eneare noariro wahachũ yoaha

³² ã yoa Pedro jipihtia macaripũ waharo, Jesu yaina Lida macaina cahapũ cũhũre sũha tiro.

³³ Tópũ sũro Enea wama tirirore boca sũha. Enea pjacũ buhariro jiro, ocho cãmari waro ti pũpaha cũriro coãa tiha.

³⁴ ã jiro Pedro sehe tirore õ sehe niha:

—Enea, Jesucristo mũhũre noariro wahachũ yoara. Wahcãrũcaga. Mũ pũpaha coãri cahsarore cahnoga —niha Pedro tirore.

To ã nichũta tiro wahcãrũcaha.

³⁵ ã jia jipihtina Lida macaina, Sarón macaina tirore ñũa, tina ti ñaa yoaare duhu, Jesure wacũ tuaa tiha.

Dorca wama tiricorore masoha Pedro Jesu to tuaa mehne

³⁶ ã yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dũsero mehne Dorca jira. Ticoro noaare yoaro payũ waa tiha pjacũoinare.

³⁷ ã jiro tí pjare ticoro dohati wahcõ, yariaa wahaa tiha. To yariachũ ñũa, tina ticorore noano cosa, mũano macari tahtiapũ cũa tiha ticorore.

³⁸ Lida wama tiri maca Jope cahai jire. To ã jichũ Jesu buheina Jope macaina Pedro Lidapũ to jichũ tũhorocaa tiha. ã tũhorocaa, pũaro warocaha Pedro cahapũ. Tiro cahapũ sũa Pedrore õ sehe ni yahuha tina:

—Soaro mehne sã jiropũ wahaga —ni yahuha tina.

³⁹ Ti ã nichũ tũhoro tina mehne wahaa wahaha tiro. Tópũ tirore ti na sũri baharo mũano macari tahtiapũ na mũjaa wahaha tirore. ã jia jipihtina wapewahya tiro cahai sũrũca, tiia tiha. Tabita tina

mehne jisininop_u pay_u suhtire yoaa tiha. ã jia tina to yoari suhti cji_ure ñoha Pedrore.

⁴⁰ Wiho mejeta Pedro tinare tí tahtiap_u jiinare wijaa dutiha. Ti wijaari baharo tiro na tuh_uca caha s_u, Cohamac_ure ticorore sini payoha. ã jiro to pjac_u cji_urore majare ñ_u:

–Tabita wahcãga –niha tiro.

To ã nich_uta ticoro sehe ñ_u wahcõ, Pedrore ñ_u, wahcã nuju s_uha.

⁴¹ To wahcã nuju s_uch_u ñ_u, tiro to wamomacare ñaha, tã wahcõ dapoha ticorore. ã jiro tiro tó macainare Jesu yainare, wapewahyare pjiroca, ticorore catiricorore wiaha tinare.

⁴² To ã yoari baharo jipihtina Jope macaina tíre masia, pay_u masa Jesure wacũ tua d_ucaa tiha.

⁴³ Baharo Jopep_u Simo wahiquina cahsarire cahnoriro mehne pay_u dachori Pedro tiro mehne jia tiha.

10

Pedro Cornelio_ure Jesu yare yahu d_ucaha

¹ Ti pjare Cesareap_u cãiro Cornelio wama tiriro jiha. Tiro cien surara p_uhtoro jiha. Tina surara sehe ti ya curua Italiano wama tiha.

² Cornelio to ya w_uh_u macaina mehne judio masa jieraina jipahta, Cohamac_ure ño payoina, cua pisaro ñ_uina jiha. Tiro judio masa pjac_uoinare yoadohoro pay_u waha. ã yoa dachoripe tiro Cohamac_ure siniha.

³ Cã n_um_u ñamichap_u tres jich_u Cohamac_u yairo anjo tirore bajuaha. ã bajuaro Cornelio cahap_u sãaha.

—Cornelio —niha anjo tirore.

⁴ To ã nichu tãhoro Cornelio tirore ñu, cuiro õ sehe niha:

—Puhtoro, ¿yabare cahmajari muhu? —niha tiro.

—Masa pjasoinare mu warire, Cohamacure mu sinirire Cohamacu noano ñu no nina.

⁵ ã jicu Joperu mu mare warocaga. Tõpu Simo Pedro wama tiriro jira. Tirore na ta dutiga mu mare.

⁶ Tiro paio Simo wahiquina cahsari cahnoriro cahai, pjiri ma dũtu cahai jiri wãhu jira —niha anjo Corneliore.

⁷ Anjo ã ni tuhsu, wijaa wahaha. To wijaari baharo Cornelio puaro tirore dahra cohtainare, ã yoa cãiro to surara mehne macarirore pjirocãha. Surara sehe Cohamacure ño payoriro jiro, dachoripe Corneliore yoadohoa tiha.

⁸ ã jiro Cornelio tinare anjo to yahuri cjirire yahu pahõ, Joperu warocaha tinare.

⁹ ã yoa pa dachoi Joperu ti waharo watoi cohari pja jichu Pedro sehe wãhu buipu Cohamacure sinino wahaha.

¹⁰ To muja suri baharocã tirore jãca purichu chu duaha. Wiho mejeta paina to chure ti dahrero watoi, tiro sehe õ sehe bajuachu ñuãha.

¹¹ Muanore parĩ machu, pjiri cahsaro pititia sohtoarire dũteri cahsaro to duji tachu ñuãha.

¹² Tĩ cahsaro puhichãre payu wahiquina bua tiniina, chihchõina, wãina peri cãhu jiha.

¹³ Tĩre to ñuri baharo, Pedro durucuro coa tachu tãhoha:

—Pedro, wahcãrucaga. Ahrinare wajã chuga —nino coa taha tirore.

¹⁴ To ã nipachuta Pedro õ sehe niha:

—Pũhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihĩ yũhũ —niha Pedro.

¹⁵ To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhũ tinare —nino coa taha Pedrore.

¹⁶ ã yoa tia taha ti ã ni durucuri baharo tí cah-saro mũanopũ mũjaa wahaha tjoa.

¹⁷ To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoi Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina.

¹⁸ Sũ, tina sinitu ñũ bahrañoha. “¿Simo Pedro wama tiriro ahri wũhũi jijari?” ni sinitu ñũha tina.

¹⁹ ã jiro Pedro to tũhoturo watoi Espĩritu Santo tire o sehe ni yahuha:

—Ñũga. Tiaro mũa mũhũre macaa nina.

²⁰ Wahcãrucaga. Dujiaga. Tina mehne wahaga. Jiape ni tũhotuecuta wahaga noano mehne. Yũhũ sehe tinare õpũre warocahi —niha Espĩritu Santo Pedrore.

²¹ To ã nichũ tũhoro Pedro ti cahapũ dujia wahaha.

—Ñũga. Õi jija yũhũ mũsa maca tariro. ¿Dohse yoana tana niri mũsa yũ cahai? —niha Pedro tinare.

²² To ã nichũta tina sehe õ sehe niha:

—Cornelio cien surara pũhtoro, noaare yoariro, Cohamacũre cua pisaro ñũriro, jipihtina judio masa “Noariro”, ti niriro mũhũre pji ta dutiro

warocahre sãre. Cohamacu yairo anjo Corneliore mahure pji dutiyuhti. Õ sehe niyuhti: “Pedrore mu wuhuru na ta dutiga mu mare. Å yoa tiro mahure to yahuchu, noano tuhoga tirore”, ni pji dutiyuhti anjo Corneliore –ni yahuha Cornelio Pedrore to pji dutirina sehe.

²³ Ti ã nichu Pedro sehe tinare sã ta duti, chua wa, to jiri wuhuru carĩ dutiha tinare. Pa dachoi Pedro wahcã, tina mehne wahaa wahaha. Å yoa paina Cristo yaina Jope macaina Pedrore piti ti wahcãha.

²⁴ Pa dachoi tina Cesarearu suha. Ti suhto panocã Cornelio sehe to coyeare, tiro mehne macaina cuhure pji cahmachu, Pedrore cohtaa niha.

²⁵ Å jiro Pedro Cornelio ya wuhu caharu to tachu ñuno Cornelio sehe tirore piti boca wijaa, to dahpori cahai caha suha.

²⁶ Wiho mejeta Pedro tirore na wahcõ õ sehe niha:

–Ducuga muhu. Yuhu cuhu mu yoaro seheta jiriro jija –niha Pedro tirore.

²⁷ To ã ni tuhuri baharo Cornelio tirore na sãa wahaha to ya wuhuru. Tõru sãa suru masa peri tí wuhuru cahmachu tirore cohtainare ñuha Pedro.

²⁸ Tinare ñuno õ sehe ni yahuha tinare:

–Judio masuno jipaihta pa curua macaina masa mehne jicu, masa wuhusepu sãacu, judio masa sã dutiare yuhduracai nija yuhu. Tíre noano masina masa. Wiho mejeta pa curua macainare “Ñaina jira”, yuhure ni dutierare Cohamacu. Tíre ni yahuhre yuhure tiro.

29 To ã nichu tuhocu õpũre musa cahapũre tahi. Musa yuhũre pjirocachu “Ne wahaeraja”, nierahi. ¿Dohse jiro baro yu õpu tachu cahmari musa? — niha Pedro tinare.

30 To ã nichu tuhoro Cornelio sehe õ sehe niha:
—Pititia dachori wahara, Cohamacu yairo anjo yuhũre to bajuari baharo. Tí dachore tres jichu, ahri hora waroihta Cohamacure yu sinino watoi anjo minoa suhti tiriro yu cahai ducuhre.

31 ã ducuro tiro yuhũre õ sehe nihre: “Cornelio, mũhu Cohamacure mu sinichu tiro tuhohre. ã yoa pjacuoinare ti cahmaare mu wachu noano masino, Cohamacu mũhũre yoadohorohca.

32 ã jicu Joperu mu mũare warocaga, Simore, Pedro wama tirirore mu cahapu ti na tahto sehe. Tiro paio Simo wahiquina cahsari cahnoriro ya wuhui, pjiri ma dũhtu cahai jiri wuhui jira tiro. Mu cahapu wihiro mũhũre yahurohca”, ni yahuhre yuhũre tiro.

33 To ã nichu tuhocu dóicãta yu mũare mũhũre na ta duticu warocahi yuhu. ã jicu noano yoacu tari jira mũhu sã cahapũre. ã jina sã jipihtina õre Cohamacu to ñurocaroi jina nija sã. Jipihtiare Cohamacu mũhũre to yahu dutirore tuho duana, cohtahi sã —niha Cornelio Pedroro.

Pedro Jesu yare yahuha

34 To ã nichu tuhoro, Pedro õ sehe ni yahuha:
—Mipu masija. Potocã tjira. Cohamacu cãno potori noano yoara marine.

35 ã jiro jipihtia macari macaina Cohamacure cua pisaro ti ñuchu, noaare ti yoachu Cohamacu sehe tinare ñu wahchera.

³⁶ Cohamacu sã judio masa cahai Jesucristore noaa buheare yahuhtirore warocare. Masa Cohamacu mehne noano ji masica Jesu to yaria masa mujano mehne. Tí buheare musa masina. Jesucristo sehe jipihtina masa puhtoro jira.

³⁷ João bautisariro masare, “Musa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu ducare. Baharo Judea yahpapũ cũhare tí buheare yahu pahñore.

³⁸ Ahriro Jesu Nazare macarirore Cohamacu sehe to tuaare Espíritu Santo mehne to yoa masihtire ware Jesure. ã jiro Jesu noano yoaro wahare. ã waharo watĩa sãanohrinare, ñano yũhdũinare jipihtinare noaina wahachu yoare. Cohamacu Jesu mehne jiri jire.

³⁹ Judea yahpai, Jerusalẽ cũhare jipihtia to yoarire sã ñahi. Baharo tina crusapũ cjã puha wajãhre tirore.

⁴⁰ Wiho mejeta tia dacho wahaboroi Cohamacu tirore masori jire. Maso, Jesure sãre bajuachu yoari jire Cohamacu.

⁴¹ Tí pjare Jesure jipihtina ñũerare. Sã dihtare bajuahre tiro. Cohamacu to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chu, sihnihi.

⁴² ã jiro tiro sãre õ sehe ni dutihre. “Masare õ sehe ni yahuga. Yũhu Jesu jipihtina catiinare, yariaina cjiri cũhare ti ñaa yoari buhiri tiare yahuhtiro buhiri dahrehtiro yũ jichũ yoare yũhare Cohamacu. ã jina tíre masare yahuga”, ni dutihre

Jesu sãre.

⁴³ Dohse jiina baro Jesure ti wacũ tuachũ ñũno Cohamacũ ti ñaa yoari buhiri tiare borohca. Tíre jipihtina Cohamacũ yare yahu mãhtaina cjiri panopũ macaina yahuyuha –ni yahuha Pedro.

Judio masa jierainapũ cãhũre Espíritu Santo sãarũcũ sũa wahaha

⁴⁴ Tí jipihtiare to ã ni yahuro watoi, jipihtina tíre tũhoinapũre Espíritu Santo sãarũcũ sũa wahaha.

⁴⁵⁻⁴⁶ Tinapũre to sãarũcũ sũa wahachũ, tũho mahnoeraa dũseri mehne wahchea mehne durucu dũcaha tina. Tí dũseri mehne Cohamacũre “Tuariro, noariro jira mãhũ”, ñia niha. Tí ã nichũ tũhoha Pedro mehne tarina judio masa, Jesu yaina. ã tũhoa Espíritu Santo judio masa jierainapũ cãhũre to sãarũcũ sũ yoadohochũ ñũa, judio masa sehe cũaa wahaha. ã jiro Pedro õ sehe ni yahuha judio masare:

⁴⁷ –Mari yoaro seheta Espíritu Santore cjũara ahrina cãhũ. ã jina tina bautisa duaa ti sinichũ, tinare, dũcataena tjijihna –niha Pedro tinare.

⁴⁸ ã ni tuhsũ judio masa jierainare Jesu yaina ti jiare ñohto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro cãhũre.

11

Pedro Jerusalẽ macainare Jesu yainare yahuha

¹ ã yoa judio masa jieraina cãhũ Cohamacũ yare ti noano cahmachũ Jesu to cũrina sehe ti coyea Judeapũ jiina mehne tũhorocaha.

2 ã jia Pedro Jerusalẽpũ to tju sũchũ ñũa judio masa Jesu yaina mahainacã tirore õ sehe ni tuhtiha:

3 —¿Judio masa jierainare dohse jiro baro ñũi sũri mũhũ? ¿Dohse jiro baro tina mehne chũri mũhũ? — ni tuhtiha Pedroro tina.

4 Ti ã nichũ tũhoro Pedro to yoari cjrĩre yahu pahñoha tinare. Õ sehe ni yahuha:

5 —Yũhũ Joperũ jicũ Cohamacũre sinii nihi. ã jiro yũhũre õ sehe bajuahre. Pjiri cahsaro pititia sohtoarire dũhteri cahsaro mũanopũ yũ cahai to duji tachũ ñũhi.

6 ã jicũ tí cahsarore noano ñũhi “¿Yaba baro tí cahsaropũre jijari?” nicũ. ã jicũ ñũhi tí cahsaropũre jĩinare: Tí cahsaro puhichapũre payũ wahiquina, bũa tiniina, chihchõina, wũina peri cãhũ jĩre.

7 ã jicũ yũhũre to durucuchũ tũhohi. “Pedro, wahcãrũcaga. Wajã chũga ahrinare”, nino coa tahre yũhũre.

8 To ã nichũ tũhocũ õ sehe nihi yũhũ: “Pũhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihi yũhũ”, nihi yũhũ.

9 Wiho mejeta mũanopũ pari turi yũhũre durucuro coa tahre tjoa. “Cohamacũ ‘Noaina jira’ to niinare, ‘Ñaina jira’, nii tjia mũhũ”, nino coa tahre yũhũre.

10 ã jiro tia taha sã ã ni durucuri baharo tí cahsaro mũanopũ mũjahre tjoa.

11 Yũ ã ñũno watoi tiaro mũa sã jiri wũhũpũ sũri jĩhre. Tina Cesarea macariro to warocarina jiri jĩhre.

12 ã jiro Espíritu Santo sehe yũhũre tina mehne waha dutiro, “ ‘Tina ñaina jira’, nii tjia tinare”, ni yahuhre yũhũre tiro. ã jia ahrina seis mehne yũ coyea Jesu yaina mehne Cesarea macariro ya wũhũpũ sãahi sã.

13 ã jiro tiro sãre õ sehe ni yahuhre: “Anjo yũ wũhũi ducuchũ ñãhi yũhũ. Õ sehe ni yahuhre yũhũre: ‘Jopere Simore Pedro wama tirirore na ta dutiga.

14 Tiro mũhũre mũ coyea mehne mũsare jipi-htinare pichacapũ wahaborina mũsa yũhdũhtore yahurohca’, nihre anjo yũhũre”, ni yahuhre Cesarea macariro yũhũre.

15 ã yoa yũ durucuro watoi Espíritu Santo sehe tinapũre sãarũcũ sũahre, marine to yoa mũhtariro seheta.

16 ã jicũ Jesu to yahurire wacũhi yũhũ. Õ sehe ni yahuhre tiro: “João mũsare bautisaro, copũ yoamahre. Yũhũ sehe tí yũhgoro yoaihtja mũsare. Baharo Espíritu Santore mũsa mehne jirucuchũ yoaihtja mũsare”, ni yahuha.

17 ã jiro Jesucristo mari pũhtoroore mari wacũ tuachũ ñũno Cohamacũ to Espíritu Santore wahre marine. ã jiro Cohamacũ marine to Espíritu Santore to wariro seheta judio masa jieraina cãhũre tiro wahre. Cohamacũ to ã yoachũ ñũcũ tirore yũhdũrũca masieraja yũhũ –niha Pedro tinare, judio masare Jesu yainare.

18 To ã nichũ tũhoa, tina tirore ne ni namoeraha. ã ni namoeraa, Cohamacũre wahche payo, tina õ sehe niha:

–Tí pja pini judio masa jieraina cãhũre Co-

hamac̣ cahĩri jira. Ti ñaa yoari buhiri tiare masi, Cohamac̣re cahma, tina c̣ḥ Cohamac̣ mehne ã catirucuahca —niha tina.

Antioquíai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñano yoaha. Ti ã yoacḥ ṇ̃a Jesu yaina duhti sitea wahaha. ã jia tina Feniciap̣, Chiprep̣, Antioquíap̣ c̣ḥre waha site, tọ́p̣re judio masa dihtare Cohamac̣ yare yahua timaha tina.

²⁰ Wiho mejeta paina Jesu yaina mehne macaina Chipre macaina, Cirene macaina, Antioquíap̣ ṣ, judio masa jierainare Jesu yare buheha Cohamac̣ tinare to ỵḥdohto sehe.

²¹ Ti ã buhecḥ, Cohamac̣ tinare yoadohoha. ã jia masa paỵ Cohamac̣re cahma ḍca, mari p̣ḥtoro Jesure wac̣ tuaha.

²² ã yoa “Antioquía macainap̣ Jesure cahmac̣”, ni ṭhorocaha Jerusalẽ macaina Jesu yaina. Ti ã ṭhorocari baharo Jerusalẽ macaina Bernabé wama tirirore Antioquíap̣ warocaha.

²³ Tọ́p̣ ṣro, Cohamac̣ yoadohoa mehne judio masa jieraina to yaina ti wahacḥ ṇ̃no, tuaro wahcheha. Tuaro wahche, tiro tó macainare õ sehe ni yahuha:

—Jesure ã wac̣ tuarucuga. To yare ne duhuena tjiga —ni yahuha tiro jipihtina tinare.

²⁴ Bernabé noariro jiro, Espíritu Santo dutiare yoariro Jesure noano wac̣ tuaha tiro. ã jia to buheri baharo Jesure wac̣ tuaina paỵ waha namoha tjoa.

²⁵ Baharo tiro Tarso wama tiri macap̣ Saulore macano wahaha.

26 Τόρμ s̄ri tirore boca s̄ha. To boca s̄ri baharo Antioquíarμ na majare tjuaaha Saulore. Τόρμ ti s̄ri baharo c̄ c̄hma waro tina Cohamac̄ yaina mehne cahmachu, payμ masare buheha tina. ã jia Antioquíarμ Cristo yaina Cristiano wama ti d̄caha.

27 Τί pjare Cohamac̄ yare yahu m̄htaina Jerusalēρμ jiina cjiri waha, Antioquíarμ s̄ha.

28 ã ti s̄ri baharo tina mehne macariro Agabo wama tiroro Jesu yaina watoi ducuro, Esp̄ritu Santo to tuaa mehne yahuha tinare. “Jipihtiro yahpap̄re tuaro j̄caro waharohca”, ni yahuyuha tiro. Τί pjare ch̄a marieni pja jich̄a jipihtina bui p̄htoro Claudio jiha.

29 ã jia Cristo buheina, jipihtina ti c̄uaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi.

30 Ti ã niri baharo Bernabé Saulo mehne tí niñerure na wahc̄abasaha. Τόρμ s̄a Judea yahpa macainare Jesu yaina p̄htoare waha tí niñerure pja c̄oinare tju wa dutia.

12

Pedrore peresu yoaha

1 Τί pjare p̄htoro Herode c̄ainare Jesu yainare ñano yoa d̄caha.

2 Tiro João wahminore Santiago sehere yoari pj̄i mehne to wajã dutich̄a paior sehe tirore wajãha.

3 Santiagore to wajãch̄a judio masa wahcheha. Ti wahcheare Herode masino, “ã dihta cahmana

tina”, nino Pedro cãhure peresu yoaha. Tí dachorire bucãaerari pãore ti chũhti bose nũmũri pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mũjaa tiha. ãta yoaha tina diez y seis surara. Herode sehe pascua baharo Pedrore peresupũ jirirore masa panoi duhu dapo duamaha tirore wajã dutiro taro.

⁵ ã jiro Pedro peresupũ jiha. Tópu to jichũ Jesu yaina sehe Cohamacũre tuaro sini payorucua niha tirore.

Cohamacũ peresupũ jirirore Pedrore wioha

⁶ ã yoa ñamine Pedro pũaro surara mehne comaa dari mehne ti dũhteriro jiha. ã ti dũhteriro jiro, ti watoi carĩno niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro.

⁷ Wacũenoca Cohamacũ yairo anjo Pedro cahai to ducuchũ to peresu jiri tahtia buhria pihitia wahaha. ã jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichũta to wamomacarine ti dũhtea dari comaa dari parĩ site boraah wahaha.

⁸ ã yoa anjo tirore õ sehe ni yahuha:

—Tũã dihoga mũ tũã dihori dare. Mũ dahpo suhti cãhure sãaga —niha tiro.

To ã nichũ Pedro sehe to niriro seheta yoaha.

—M_u bui macari suhtirore sãa, y_uh_u mehne wahaga —niha anjo.

⁹To ã nich_u tí tahtiap_u jiriro wijaa, anjo baharo wahaa wahaha tiro. ã wahaparota õ sehe ni t_uhotumaha tiro. “¿Ahri potocã jieracari? ¿Cahãi nicari y_uh_u?” ni t_uhotumaha tiro.

¹⁰ ã yoa tina to jiri tahtia sopacai ducuína surarare y_uhd_u wahcã, paina yoawacũno ducuína cãh_ure y_uhd_u wahcã, p_jiri sopacap_u s_uha. Tí sopa pahma, comaa pahma macap_u wahari mahare d_ucatari pahma jiha. Tí sopa pahma to m_u s_uro parĩch_u tina wijaa wahaha. Wijaa waha, tina mahap_u mahano wahach_uta, anjo sehe buti m_ua wahaha. ã jiro Pedro cãirota tjuaha.

¹¹ ã tirore anjo to wahari baharo to yoarire Pedro masiha. Õ sehe ni t_uhotuha tiro. “Potocã t_jira. Anjo Cohamac_u to warocariro peresup_u jirirore y_uh_ure wioro wihihre. Mip_u tíre masija to ã yoarire. Judio masa sehe y_uh_ure ti ñano yoaborire Cohamac_u sehe tinare yoa dutierare. ã jiro y_uh_ure, Herode to peresu yoarirore wiohre”, ni t_uhotuha Pedro.

¹² To ã ni t_uhoturi baharo María João pocoro ya w_uh_up_u s_uha Pedro. João sehe pa wama Marco wama tira. Tí w_uh_up_u masa pay_u cahmachu, Cohamac_ure sinia niha.

¹³ Tí w_uh_up_u s_uro, Pedro sopa pahmare dotaha. Cãcoro ti cahamacono Rode wama tiricoro to dotach_u t_uhoro, ñ_uno s_uha ticoro.

¹⁴ ã yoaro Pedro ticorore to pisuch_u t_uhoro to durucuarare t_uho masi, tuaro wahche, sopa pahmare p_jõoboricoro p_jõoeraha. Pedro tói to

ducuchata ticoro majareruca muroca sãa wahaha painare yahuro waharo.

—Pedro sopacapu wihihre —ni yahuro sãaha.

¹⁵ To ã nichu tãhoa, tí wãhãi jiina sehe:

—Ã ninocaco nica mahu —niha tina ticorore.

—Potocã tjira. Potocã nicota nija —niha ticoro.

To ã nichu tãhoa:

—Tiro jieraca. To yairo anjo wihiro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoachu tãhoa, tina sopacare pjõo, tirore ñu, cãaa wahaha.

¹⁷ Æ jiro tiro Pedro to wamomaca mehne “Dihta mariaha” ni, Cohamacu peresupu tirore to wiorire yahuha tinare:

—Ahrire yahuga musa puhtoro Santiagore, paina Jesu yaina cãhure —niha tiro.

Æ ni yahu tuhsu tiro pa sehepu yãhdu wahcãa wahaha.

¹⁸ Æ yoa bohrea bora tachu surara Pedro to dohse yoa wijaarire ne masieraha. Æ masieraa cãaa wahaha.

¹⁹ Æ jiro Herode Pedrore maca dutimaha. Æ dutiro tiro surarare peresu cohtainare to sinituri baharo tinare wajã dutiha Herode sehe. Æ jiro Herode Judeapu jiro waha, Cesareapu jiro wahaha.

Herode yariaa wahaha

²⁰ Æ yoa Tiro wama tiri maca macaina mehne, Sidõ macaina mehne Herode sehe suaha. To ã suachu ñuã tí macari macaina sehe Herode tina mehne to suarire cahnoa waha, tiro mehne durucua wahaha. Æ jia to docai jiro puhtorore

Blasto wama tirirore piti tiha. ã jia tina Blasto to yoadohoro mehne Herode cahap_u saha. Tiro cahap_u sua, õ sehe niha:

—Mari noano jijihna. Mari basi ñ_u tuhtiena tjijihna —ni siniha tina Herodere.

Tina ya yahpa macaina Herode ya yahpai ch_uare boca tiha. ã jia Herode tinare ñ_u tuhtich_u cahmaeraha tina.

²¹ ã yoa Herode to quihõri dachoi, puhtoro to sãa suhti noaa suhtire sãa tiha tiro. ã sãano tiro to dujiroi dujitjiãhno, masare durucu ñoa tiha.

²² To ã durucu ñoch_u tãhoa masa sehe õ sehe ni sañurucuha:

—Ahiro durucuriro mas_uno jierara. Cohamac_u jira —ni sañurucu payomaha tina Herodere.

²³ Ti ã nich_uta Cohamac_u yairo anjo Herodere dohatich_u yoaha. Cohamac_ure ño payoeraro, “Cohamac_u jieraja y_uh_u”, ne nieraha Herode. To ã nierari buhiri anjo tirore dohatich_u yoaha. To ã dohatich_u tirore dachoa ch_u wajãnocaha.

²⁴ ã yoa Jesu yaina pay_u masare Jesu ya buheare buhea tiha.

²⁵ ã jia Bernabé, Saulo mehne buhe tuhs_u, Jerusalẽp_u tjuaa wahaha. ã jia João Marco wama tirirore tina na wahcãha tina mehne.

13

Jesu yaina Bernabére Saulo cãh_ure Cohamac_u yare buhe dutia warocaha

¹ Tí pjare Antioquiãp_u Cohamac_u yaina mehne macaina Cohamac_u durucuare yahu turiaina jiha. ã yoa Cohamac_u to joa na dutiri cjirire, Jesu yaina ti yoa tiare yahuina cãh_u jiha. Bernabé,

Simo Negro wama tiri, Lucio Cirene macariro, Menahem, Saulo mehne tina jiha. Menahem sehe p̄htoro Herode cjiro mehne tina p̄aro cūno potori bucuaina jimaha.

² Cū numu tina Jesu yaina chu duhu, Cohamacu yare ti buhero watoí Espiritu Santo õ sehe ni yahuha tinare:

—Bernabé, Saulo mehne cūga yu cahmano sehe yoahinare. Tíre yoahinare bese cūi nija tinare —niha Espiritu Santo.

³ To ã nichu tina sehe chu duhu namo, Cohamacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprep̄u Jesu to cūrina buheha

⁴ ã jia tina Espiritu Santo to warocaina jia, Seleuciapu su, tí macare dohoriapu samu, Chipre wama tiri nucopu pahāha tina.

⁵ ã pahāa, Salamina wama tiri pitamahapu wahā suha. Tí macai judio masa buhea wuhusepu, Cohamacu yare yahu ducaha tina. ã yoa João Marco cūhu tina mehne jiro, tinare yoadohoha.

⁶ Tuhsu, tina tí nucu sohtoai maja, tí nucu topai jiri macapu Pafu wama tiri macapu sua, yairore boca suha tina. Tiro judio masuno, Barjesu wama tiri jiha. Barjesu griego ya mehne nia Elima ti ni pisuriro jiha. “Cohamacu yare yahu m̄htariro jija yuhu” ni, masare mahñoperucuriro jiha tiro.

⁷ ã yoa tiro Sergio Paulo wama tiriro mehne macariro jiha. Sergio Paulo sehe tí nucu macaina p̄htoro masi pahñoriro jiha. ã jiro Cohamacu

yare tũho duaro tinare Bernabé, Paulo mehne pjirocaha tiro.

⁸ Wiho mejeta Elima yairo sehe tinare buhe du-tieraha. Tiro Sergio Paulo Jesu yare to ño payochũ cahmasãaeraha yairo sehe. ã jiro Sergio Paulore Cohamacũ yare cohã dutiro nimaha.

⁹⁻¹⁰ To ã dutipachũta Saulo, Paulo ti niriro Espíritu Santo dutiare yoariro jiro yairore noano ñũ diho cũ tirore õ sehe ni yahuha:

—Mũhũ mahñoa payũriro, ñariro, watĩno to dutiare yoariro, noaare ñũ yabiriro jira mũhũ. ¿Dohseacũ Cohamacũ yare “Ñaa jira. Mahñoa jira”, ã nirucujari mũhũ?

¹¹ Mũhũ ã yoariro jicũ Cohamacũ mũhũre to pihachũ capari bajuerariro jiihca mũhũ. ã jicũ mahaa dachoricã mũhũ ahri dachore ñũsinisi — niha Paulo.

To ã nichũta tiro yairo sehe me yoaro sehe jiare ñũ mũhtano, baharo nahitiano dihtare ñũha. ã jiro tirore tũãhtirore macaha tiro.

¹² To ã wahachũ ñũno, Sergio Paulo sehe Jesu yare “Potocã tjira”, ni masiha. Mari pũhtoro yare tiro tũho, cũaa waha, Jesure wacũ tua dũcaha.

Paulo Bernabé mehne Antioquíai Pisidia yahpai jiri macai jiha

¹³ ã yoa Paulo cũhũ Paforũ jiina dohoria mehne pahã turia waha namo, Pergepũ sũha. Perge Panfilia yahpawũ jira. Tórw sũ, João Marco tinare cohã wahcã, Jerusalērw majare tjuaa wahaha.

¹⁴ To ã wahapachũta tina sehe Pergepũ jiina waha namo, Antioquíarũ sũha. Antioquía Pisidia

yahparu jira. Tóru su, Sabado dacho jichu tina judío masa buheri wuhuru sãa su, tóru dujiha.

15 Tí wuhu macaina puhto Cohamacu dutiare, Moise cjiro masare to cūrire, ã yoa Cohamacu yare yahu muhtaina cjiri ti joari cjirire ti buhe ñori baharo tina pjirocaha Paulo cãhare:

—Coyea, ¿masare wahchechu yoahiti cjihti musa yahu duaa jijari? Tíre yahu duana, yahuga michapucã —niha tí wuhu macaina puhto.

16 Ti ã nichu tuhoro, Paulo wahcãru su, “Duru-cuena tjiga”, nino to wamomaca mehne cã tuha. Ti dihta mariachu ñu, tiro õ sehe niha:

—Israe masa, ã yoa musa Israe masa jieraina, Cohamacu ño payoina, tuhoga musa.

17 Mari ñuchusuma cjiri Cohamacu ño payoa tiha. Tina cjirire Cohamacu besea tiha. ã jia mari ñuchusuma cjiri yoari pja Egiptoru jia tiha paina jipahta. Tóru ti jichu Cohamacu noano yoaa tiha tinare. ã jia payu masaputia tiha tina. Õ sehe yoaa tiha tinare. Tinare Egiptoru jiiinare to tuaa mehne wioa tiha Cohamacu.

18 To ã wiori baharo tina cuarenta cãhmari waro masa marienoru tinia tiha. Tóru tirore ti yuhdurucachu Cohamacu ãta tuhotunocaa tiha.

19 Tuhsu, Canaa wama tiri yahpare siete curuari macainare cohã tuhsu, Cohamacu tí yahpare waa tiha Israe masa sehere.

20 Israe masa Egiptoi ti ji durucachu, pu Cohamacu ahri yahpare to wachuru cuatrocientos cincuenta cãhmari waro yuhdu tiha. Baharo Israe masare dutihtinare cãa tiha Cohamacu tinare. Pu, Cohamacu to cūrina Samue to jichuru ji batoa tiha.

Samue sehe Cohamacu yare yahu mahtariro cjiro jia tiha.

21 Baharo Israe masa sehe ti puhtoro cjihtore macaa tiha. ã jia Cohamacure sinia tiha. Ti ã sinichu ñno Cohamacu Saulo cjirore cãa tiha tinare. Saulo cjiro Cis macano jiro, Benjami ya curua macariro jia tiha. ã yoa cuarenta cãhmari waro ti puhtoro jihtiro cjihtore cãa tiha Cohamacu tiro cjirore.

22 Cohamacu Saulo cjirore to cohãri baharo Davi cjirore cãa tiha tiro. Õ sehe nia tiha Cohamacu Davi cjirore: “Davi Jesé macanore bocahi yuh. Tiro mehne wahcheja yuh. Tiro yu cahmaare yoarohca”, nia tiha Cohamacu.

23 Ahriro Davi cjiro to panamino ji turiariro jira Jesu. Cohamacu Jesure cãri jire Israe masare yuhdohtiro cjihto. “Masare noano yoaihca”, niha Cohamacu. To niriro seheta yoare tiro.

24 To ã yoahito pano Jesu to tahto pano João cjiro õ sehe ni buheri jire: “Musa ñaa tuhutumari cjirore tuhutu cohtota, Cohamacure macaga. ã yoana bautisarina jiga”, ni buheri jire João cjiro jipihtina Israe masare.

25 João cjiro to buhe batoahito pano, to yariahto pano õ sehe ni yahua tiri jire: “¿Diro baro jijari yuh, musa tuhutchu? Cristo jieraja yuh. Pairo jija. ã jipachuta tuhoga yuhare. Yu baharo yu yuhdoro tuariro tarohca. Tiro noa yuhdhariro jira. Tiro yoaro sehe jieraja yuh”, ni yahuha João cjiro masare.

26 Coyea, Abrahã panamana, jipihtina Cohamacure cua pisaro ñina marine ahri

to yũdohtore yahua buheare warocari jire Cohamacũ.

²⁷ Jerusalẽ macaina ti pũtoa mehne Sabado dachori jichũ Cohamacũ yare yahu mũhtaina cjiri ti joarire buhepahta noano tũho ñahaerari jire. ã tũho ñahaera, Jesu tinare yũdohtiro to jichũ cũhũre masierari jire. Tina ã masierapahta Jesure wajã dutiha. ã yoaa Cohamacũ yare yahu mũhtaina cjiri ti joariro seheta yoaa niha.

²⁸ Tirore ti wajãhto pano tina Jesure yahusãmaha. Wiho mejeta to ñaa yoaerapachũta tina Pilatore Jesure wajã dutia taa, siniha.

²⁹ ã yoaa, panopũ ti joariro seheta Jesure yoa tuhsũ, tirore crusapũ jirirore na boro, masa copapũ tãcai ti sahari copapũ na sãa, duhu payoha tirore.

³⁰ Tirore ti ã wajãpachũta tiro to yariari baharo Cohamacũ masori jire tirore.

³¹ ã jia Galileapũ taina Jerusalẽpũ tiro mehne sũina payũ dachori tirore yaria masa bajuarirore ñũa tiri jire. ã jia mipũre tirore ti ñũrire masare yahuhre tina.

³²⁻³³ 'ã jina noaa buheare yahuja sã mũsare. Cohamacũ mari ñũchũsũma cjirire "Masare noano yoaihca", panopũ to niriro seheta mipũre marine tinare ji nũnũ ti turianare yoahre. Tĩre to yahuri cjirire õ sehe yoahre tiro. Cohamacũ Jesure masori jire. ã jina Jesure to masorire yahuja mũsare. Salmo capítulo dosre panopũ to joariro seheta ã wahari jire: " 'Mũhũ yũ macũ jira. Michare mũhũre yũhũ mũ Pũcũ jiare masichũ yoahi', nina Cohamacũ to macũnore", ni joaa tiha panopũ.

34 ã jiro Cohamacu Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “Davire yu pja ñariro seheta tirore yu niriro seheta potocãta noano yoaihtja musa cãhure’, nire Cohamacu”, ni joaa tiha.

35 Tuhsu, pa Salmo cãhure õ seheta ni yahua tiha: “Cohamacu mu yairo ñaa buhiri marieriro to pjacure baa dutierara muhu”, ni joaa tiha.

36 ã jiro Davi Cohamacu to cahmariro seheta to jisiniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa coparu siõ sãaha tiro cãhure. ã jiro tiro baa wahaha.

37 To ã baapachuta ahiro, Cohamacu to masoriro sehe ne baaerare.

38 ã jina musa yu coyea ahrire masiga: Jesu to yariaro mehne Cohamacu mari ñaa yoari buhiri tiare to cohãhtore musare yahuja sã.

39 ã jiro Jesure wacũ tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cãri dutiare musa yoari mehne musa ñaa yoari buhiri tiare ne cohãsi Cohamacu.

40 ã jina noano yoaga. Musa noano yoerachu Cohamacu yare yahu muhtaina cjiri ti joariro seheta musare wahaboca. Õ sehe ni joaa tiha:

41 “Tuhoga musa.

Cayoã payuina, yuhure ñu tuhtiina jira musa.

Yu õ sehe yoachu cuiga musa.

ã jina pichacaru wahaga.

Musa jia dachorire musare yoa ñoihtja.

Yu ã yoa ñochu ñupanahta ‘Potocã tjira’, nisi musa.

Pairo tíre m̄sare to noano yahupach̄ta ‘Potocã tjira’, nisi m̄sa”,
ni joaa tiha Cohamac̄u yare yahu m̄htariro cjiro
—ni yahuha Paulo tinare.

42 To ã ni yahuri baharo judio masa buheri w̄h̄p̄u ti wijaari baharo, masa sehe tinare õ sehe ni siniha:

—Pa somanap̄u Sabado jich̄u sãre ahrire buhega tjoa —ni siniha tina Paulore.

43 Æ yoa tí w̄h̄p̄u jirina wijaa, judio masa paȳu, judio masa jieraina c̄h̄u Paulo c̄h̄u mehne wahaha. Judio masa jieraina sehe judio masa yare Cohamac̄u warore ti ño payoa tiare buheina jiha. Ti ã wahach̄u Paulo, Bernabé mehne noano yahuha tinare: “Cohamac̄u m̄sare cah̄ina. Æ jina tirore ño payoina, wac̄u tuaina ã jirucuga m̄sa”, ni buheha tina.

44 Æ yoa pa somanare Sabado jich̄u jipihtina Jesu yare t̄ho duaina cahmachuha.

45 Wiho mejeta judio masa sehe paȳu masare Jesu yare t̄ho duainare ñ̄u pahsu tia wahaha. Æ pahsu tia tina soro ni durucu, Paulore ñ̄ano quiti dojomehneha. “M̄sare to buhea potocã jierara”, niha tina.

46 Ti ã nich̄u t̄hoa, Paulo, Bernabé mehne tinare quiti dojomehnerinare cuiro marieno õ sehe ni yahuha:

—Cohamac̄u to dutiriro sehetã m̄sare buhe m̄htamahi sã. Wiho mejeta m̄sa sehe tíre cahmaera tuhs̄hre. Cohamac̄u catia mehne ã catirucua c̄h̄ure cahmaera tuhs̄hre m̄sa. Æ jina sã sehe judio masa jieraina sehere buhe d̄canahca.

47 To joa dutiri cjiri mehne ò seheta dutiha Cohamacu sãre:

“Musa judio masa jierainare buhena tinare yu yare noano masichu yoanahca musa.

Ã jicu ahri yahpa mu suro macainare musa buhechu, noano yuhure wacũ tuaina sehere pichacaru wahaborinare yuhdoihca yuhu”, ni yahu dutiha sãre Cohamacu –ni yahuha Paulo, Bernabé mehne.

48 Ti ã nichu tũhoa judio masa jieraina sehe wahcheha. “Cohamacu ya sehe noaa jira”, niha tina. Tópeina Cohamacu to cahmaina, to catia mehne ã catirucuaru to wa duarina Jesure wacũ tua dũcaha.

49 Æ jia mari puhtoro Cristo yare tí yahpapure yahu site pahñoa.

50 Ti ã yahu site pahñochu ñua judio masa ji coaeraha. Æ jia tina Paulo cãhure ñano durucuha. Tópu Cohamacure ño payoa numia, masa ti cua pisaro ñua numia jiha. Æ jia judio masa Paulo cãhure ñano durucuha. Ti ã ni durucuchu tũhoa tí numia Paulo mehne, Bernabé mehne cãhure suaha. Æ yoa tí maca macaina puhtoa cãhu tina mehne suaha. Æ suaa tó macaina ñano yoaha Paulo cãhure. Ti ã yoari baharo Paulo cãhure ti ya yahpai jĩinare cohã wioha.

51 Ti ã yoachu ñua Paulo, Bernabé mehne ti dahpori macaa dihta pohcarire cã site boro cãha tí maca macaina ti ñaa yoari buhiri tiare ñoa. Æ yoa tuhsu tina Iconiõpu wahaa wahaha.

52 Æ yoa tina Jesu yaina pjíro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ ã yoa Iconioꝝ sꝝ, Paulo Bernabé mehne judio masa buheri wꝝhꝝꝝ sãa, Jesu yare noano durucu mihnia mehne yahuha. ã jia payꝝ masa Jesure wacũ tua dꝝcaha, judio masa cꝝhꝝ, judio masa jieraina cꝝhꝝ.

² Wiho mejeta judio masa Jesure cahmaeraina cꝝhꝝ tina mehne jiha. Tina judio masa jierainare Jesu yaina mehne ti suachꝝ yoaha tjoa. Ti ã yoachꝝ judio masa jieraina ñano tꝝhotuha Jesu yainare.

³ Ti ã tꝝhotuchꝝ ñꝝa Paulo, Bernabé mehne tóꝝꝝ yoari pja jia, cuiro marieno mari ꝝꝝhtoro Jesu yare noano buheha. Cohamacꝝ masare to cahĩare buheha. ã buhea Cohamacꝝ to tuaa mehne yoa ñoha tina, “Ahri buhea potocã tjira”, nia.

⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cꝝhꝝ tjuaha. Tina ꝝꝝa curua tjuaha.

⁵ ã jia judio masa jieraina, judio masa ti ꝝꝝhtoa mehne Jesu to cĩrinare ñano yoa duama, tãa mehne doca wajã duamaha tinare.

⁶ Ti ã yoa duarire masia, Paulo Bernabé mehne Licaonia yahꝝꝝꝝ duhti wahcãa wahaha. Tí yahꝝꝝꝝ jia macariꝝꝝ Lистра, ã yoa Derberꝝꝝ sꝝha.

⁷ Tóꝝꝝ sꝝa, noaa buheare buheha tjoa tí macari macainare, tó cahai jiina cꝝhꝝre.

Listrai Paulore tãa mehne docaha

⁸ ã yoa Listrai tini masierariro jiha. Tiro wahma masa bajaropata tini masierariro jiro ne tinieraa tiha.

⁹⁻¹⁰ ã jiro tiro Paulo to buhechũ tũhoha. To tũhoro watoi Paulo sehe tiro dihtare ñũha.

—Ahriro Jesure wacũ tuara. ã jiro tiro noariro waha duara —ni tũhotuha.

ã ni tũhoturo tuaro mehne durucutjiãhno õ sehe niha Paulo tirore:

—Wahcãrũcaga —niha Paulo tirore.

To ã nichũ tũhorota tini masierariro sehe pu sarũcũ sũ, wahaa wahaha.

¹¹ Paulo to ã yoachũ ñũha masa ti ya mehne, Licaonia ya mehne õ sehe ni sañurucuha:

—Ahrina cohamana, mũha yoaro sehe bajuina mũanopũ jiina mari cahapũ duji tari jira —ni sañurucuha tina.

¹² ã jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. ã yoa Paulo buhe mũhtariro to jichũ ñũha, “Hermes”, ni pisuha tina tirore.

¹³ ã jiro Zeusre ño payoina ya wũhũ tí maca dũhtũ cahai jiha. ã jiro Zeus yaina ti sacerdote sehe wachũare cohoru mehne macapũ sãa tari sopaca cahapũ na taha. Zeusre ño payo duaro to wachũare jũ mũono, Paulore, Bernabére wa duamaha tiro, to masa mehne.

¹⁴ Ti ã yoachũ ñũha Paulo, Bernabé mehne ti basi ti ya suhtire tũhrẽrocaha ti cahyaare masare ñoa. Tũhrẽroca tuhsũ masa watoi mũrocaa, õ sehe ni sañurucu wahcãha tina:

¹⁵ —Mũsa õ sehe yoaena tjiga. Sã cũhũ mũsa yoaro seheta masa jija. Õ sehe mũsa yoaa ne yaba

cjihti jierara. ã jina m̄sare buhena tahi m̄sa ò sehe yoaare duhu dutina tana. Ahri cohamana m̄sa niare, m̄sa yoa, wiho jia mas̄ri jira. Tí mas̄rine cohãga. ã jina Cohamac̄re catiriro sehere ño payoga. Cohamac̄ sehe m̄anore, yahpare, pjiri mare, jipihtiare yoariro jira.

16 Panop̄re tiro jipihtia macari macaina ti yoarire ã ñ̄nocaha.

17 Wiho mejeta tiro to jia tiare ñona masare. Tiro masare noaare yoa, coro tach̄ yoa, dichare wa, masare ch̄are ã warucura. To ã wach̄ masa wahchera. Tó sehta tiro to jia tiare ñona masare —niha Paulo, Bernabé mehne.

18 Wiho mejeta ti ã nich̄ t̄hopahta masa wach̄are wajã jã m̄o tinare ño payo duamaha. Tó sehe ti ño payo duach̄ ñ̄a tinare ã yoa dutieraha Paulo c̄h̄. Ti ã yoaare duhu duaerapahta duhuha tó macaina sehe.

19 ã yoa paina judio masa Antioquía macaina, Iconio macaina c̄h̄ Listrap̄ s̄ha. Tóp̄ s̄, Paulore ñano durucuha tjoa judio masa. Ti ã ni durucuch̄ t̄hoa masa tiro mehne suaha. ã suaa tãa mehne docaha tirore. Tãa mehne tirore doca tuhs̄ “Ahr̄iro yariaa wahara” nia, tí maca d̄ht̄ cahap̄ tirore waja s̄ c̄noc̄a, wahaa wahaha.

20 Ti ã yoari baharo Jesu yaina Paulore ñ̄a wahaha. Tiro cah̄i ti cahmachur̄c̄ s̄ch̄ waro Paulo wahc̄r̄ca, tina mehne macap̄ wahaa wahaha. ã yoa pa dachoi tiro Bernabé mehne Derber̄ wahaha.

21 Tóp̄ s̄, tina noaa buheare tó macainare ti yahuri baharo, paȳ masa Jesure wac̄ tuaina ji

dūcaha. ã yoa baharo tina ti sua macaripe Listra, Iconio, Antioquíap̄u majare tjuaa wahaha.

22 Tí macarip̄u sua tí macari macainare Jesu yainare noaa buheare yahua, tinare noano yajeripohna tich̄u yoaha. ã Jesure wacū tuarucu dutia õ sehe ni yahuha tinare:

—Cohamac̄u to jirop̄are mari s̄h̄to pano, tuaro marine ñano ȳhd̄uro cahmana —ni yahuha.

23 ã jia macaripe macainare Jesu yainare ti p̄h̄toa cjihtire cūha Paulo Bernabé mehne. Cū tuhs̄u, ti ch̄u duhuri baharo Cohamac̄ure õ sehe ni sini payoha:

—P̄h̄toro, ahrina m̄u yainare ñ̄u wihboga —ni sini payoha tina Cohamac̄ure ti wacū tuarirore.

Paulo Bernabé mehne Antioquíap̄u ti ji m̄h̄tari macap̄u tjuaa wahaha

24 Ti ã yoari baharo tina Pisidia yahpap̄u jirina cjiri waha wahaha Panfilia yahpap̄u.

25 Tóp̄u s̄u, Pergep̄are tina buhe tuhs̄u Atalia wama tiri macap̄u waha wahaha.

26 Tí macap̄u s̄u, Antioquíap̄u tjuaa, dohoria mehne pahãa wahaha. Tí macaihta panop̄u ti jisnich̄u Jesu yaina Cohamac̄u yare buhe dutia Paulo c̄h̄ure warocaha. ã warocaa:

—Cohamac̄u m̄u cahã mehne ahrinare ñ̄u wihboga —ni warocaha tina.

ã tju sua tinare ti buhe dutirire buhe tuhs̄aha Paulo, Bernabé mehne.

27 Antioquíap̄u ti tju s̄uri baharo Jesu yaina mehne cahmachu, Cohamac̄u to tuaa mehne ti yoarire yahu pahñoa tina. Judio masa jieraina c̄h̄u Cohamac̄u yaina ti waharire yahuha tina.

28 ã jia Paulo cãhũ tóprẽ Jesu yaina mehne yoari pja jiha.

15

Jerusalẽpũ Jesu yaina cahmachuha

1 ã yoa Judea yahpa macaina mahainacã Antioquiãpũ sua, Jesu yainare õ sehe ni buhe dũcaha tina:

—Cohamacũ to dutiare Moise cjirore cũno õ sehe ni cũha. Jipihtina ti pjacũre mahari cahsarocãre ti yihsohtore yahu cũha Moise cjirore. Mũsa tíre yoerachũ Cohamacũ mũsare yũhdosi —ni buheha tina tó macainare.

2 Ti ã ni buhechũ tũhoa Judea yahpa macaina sehe cahma sayoha Paulo cũhũre Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cũhũre Jerusalẽpũ warocaha. Judea yahpa macaina ti buherire Jesu to cũrinare Jesu yaina pũhtoa cũhũre sinitu ñũ dutia warocaha Paulo cũhũre.

3 ã jia Jesu yaina tinare ti warocachũ waha, Fenicia yahpare su, yũhdũ wahcã, Samaria yahpãpũ sua. Tí macaripũ sua, judio masa jieraina Cohamacũ yare ti cahma dũcarire yahuha tina tó macainare. Ti ã yahuchũ tũhoa tó macaina Jesu yaina tuaro wahcheha.

4 ã yoa tina Jerusalẽpũ ti sũchũ ñũ tó macaina Jesu yaina, Jesu to cũrina, to yaina pũhtoa mehne wahchea mehne noano piti bocaha tinare. Ti ã piti bocachũ Paulo, Bernabé mehne Cohamacũ to tuua mehne ti yoarire yahuha tina Jerusalẽ macainare.

5 Wiho mejeta tóꝑꝢ fariseo curua macaina Jesu yaina mahainacã jiha. ã jia tina tóꝑꝢre wahcãꝛꝢca, õ sehe ni yahuha:

—Tinare judio masa jierainare ti ꝑjacꝢre mahari cahsarocãre yihsoro cahmana. “CohamacꝢ Moise cjirore to dutirire yoaga mꝢsa cãhꝢ”, nino cahmana tinare —niha tina fariseo curua macaina cãhꝢ.

6 Ti ã nichꝢ tãhoa Jesu to cãrina, to yaina ꝑãhtoa mehne ti ã nirire cahnoa taa, cahmachuha.

7 ã cahmachua tina ꝑayꝢ ti durucuri baharo Pedro wahcãꝛꝢca, õ sehe ni yahuha tinare:

—Coyea, ꝑanopꝢ yãhꝢre mꝢsa mehne jirirore CohamacꝢ õ sehe yoa dutiro yãhꝢre cãre. Tiro yãhꝢre noaa buheare judio masa jierainare yahu dutiro cãre. Tinare Jesure wacũ tua dutiro yãhꝢre tinare buhe dutire.

8 CohamacꝢ masa ti tãhotuare masina. ã jiro tiro judio masa jierainare to yaina to yoarire ñono taro tiro Espiritu Santore ware tinare, marine to yoariro seheta.

9 ã waro tiro marine tina cãhꝢre cãno potori noano yoare. Tina tirore ti wacũ tuachꝢ ti ñaa buhirire bore tiro.

10 Mari sehe CohamacꝢ Moise cjirore to cãri dutiare cãno ꝑjaeraja. Mari ñãchꝢsꝢma cjiri cãhꝢ cãno ꝑjaeraha. ¿ã mari cãno ꝑjaerapachꝢta dohse yoana Jesu yainare judio masa jierainare tíre yoa duti duajari mꝢsa? ã yoa dutina CohamacꝢ tinare to yoarire “Quihõno wahaerara”, nina nica mꝢsa.

11 Wiho mejeta õ sehe sã tãhotuja. MipꝢre judio masa jieraina yoaro seheta mari cãhꝢre mari ꝑãhtoro Jesu cahã mehne CohamacꝢ yãhdorohca.

Dutiare mari yoaa mehne marine yuhdosi –niha Pedro tinare.

12 To ã nichu tuhooa jipihtina dihta mariea wahaha. Ti ã dihta mariachu Paulo, Bernabé mehne judio masa jieraina watoi Cohamacu tuaa mehne ti yoa ñorire yahuha tinare.

13 Æ ti yahu tuhsari baharo Santiago õ sehe ni yahuha:

—Coyea, tuhoga yuhure.

14 Cohamacu judio masa jierainare to yaina cjihtire to coã yoarire yahu tuhsahre Pedro.

15 Panopu macaina Cohamacu yare yahu mahtaina cjiri ti yahuriro seheta ã wahahre judio masa jierainare. Õ sehe ni Cohamacu yare joaa tiha tina:

16 “Panopu Davi cjiro ya curua macaina ti puhtoajiri cjiri pihtia wahare.

Baharo tjua taihca yuhu.

Æ jicu pari turi to ya curua macarirore puhtoro sõiha.

17 Yu ã yoari baharo jipihtina paina judio masa jieraina yuhure puhtoro tiahca tina.

‘Yu yaina jiga’, yu ni pjirocarina sehe yuhure cahmaahca.

18 Æta nina mari puhtoro.

Panopu tiro ahrire masare yahua tiri jire”, ni joaa tiha Cohamacu yare yahu mahtaina cjiri.

19 Æ jicu õ sehe ni tuhoutuja yuhu. Judio masa jierainare Cohamacu yare wahma cahma ducainare payu yoa dutiena tjijihna mari.

20 Wiho mejeta tinare joa, warocajihna mari. Õ sehe ni joarocajihna: “Ñaa chure, ‘Cohamacu jira’, ti nia masurine ti waa chure chena tjiga.

Tuhsu, numia mehne ñano yoaena tjiga. Numia cūhu msa mehne ñano yoaena tjiga. Ñ yoa wamua ti ñaha wajāinare wahiquinare chena tjiga. Dire sihniena tjiga”, ni yahu joarocajihna.

²¹ Yoari pja judio masa buhea wuhusepu Sabado jichu Cohamacu Moise cjirore to cūri dutiare buhea tire masa. Ñ yoa jipihtia macaripu Moise cjiro to yahuaire buhea tire. (Ñ jina yu niriro sehetajudio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

²² Tí pjare Jesu to cūrina, Jesu yaina puhto, jipihtina Jesu yaina mehne puaro tina mehne macainare beseha ti warocahtinare. Antioquíapu Paulo, Bernabé mehne ti wahachu wahahtinare tinare bese warocaha. Ñ jia tina Judare, Sila mehne warocaha. Juda sehe Barsaba puaro wama wama tiha. Ti coyea Jesu yaina tinare ño payoha.

²³ Tinare ti beseri baharo Jesu yaina joarocari pūre warocaha tina mehne. Ō sehe ni joaha tina:

“Jesu to cūrina, to yaina puhto, msa coyea Jesu yaina mehne sã noa dutija msare. Jipihtina judio masa jierainare Antioquíapu, Siriapu, Ciliciapu jinare msare Jesu yainare noa dutija sã.

²⁴ Sã mehne macaina msa cahapu sa, msare payu dutiare yoa dutiyuhti. Ñ yoaa msare cariboyuhti. Tina Cohamacu dutiare Moise cjirore to cūri cjiropure, mahari cahsarocāre yihsoa cūhure yoa dutiyuhti. Wiho mejeta sã sehe tinare tíre buhe dutina warocaerahi.

²⁵⁻²⁶ Ñ jina sã jipihtina cāno potori msa cahapu warocahtinare sã besehi. Mari cahñinare Paulo,

Bernabé mehne Cristo Jesu mari p̄htoro yare cuiro marieno ti buhech̄u paȳu tahari paina tinare wajãmoñoha. Ti ã wajãmoñoch̄u mahanocã mehne ȳhd̄uha tina. Tina mehne sã beserinare mip̄ure warocaja.

27 ã jina Judare, Sila mehne m̄usa cahap̄u warocaja. Sã joarocarire tina sehe m̄usare yahuahca.

28 Esp̄ritu Santo to wacũno seheta sã c̄h̄u t̄hotuja. Õ sehe jira tí: Paye dutiap̄ure c̄eraja m̄usare. Ahri dutia dihtare c̄nahca m̄usare:

29 Ñaa ch̄are, ‘Cohamac̄u jira’, ti nia mas̄urine ño payo ti duhu payoa ch̄are ch̄ena tjiga. Dire sihniena tjiga. Wam̄are ti ñaha wajãinare wahiquinare ch̄ena tjiga. ã jina numia mehne ñano yoaena tjiga. Numia c̄h̄u m̄ua mehne ñano yoaena tjiga. Ahri ȳu yoa dutierare yoaerana noaare yoana nica m̄usa. Tó puro tjira m̄usare sã yahu duaa”, ni joarocaha Jesu yaina Jerusal̄ep̄u jiina.

30 Tí p̄ure joa tuhs̄u, waha Antioquíap̄u wainare. Ti wari baharo waha, Antioquíap̄u s̄uha. Ti tórp̄u s̄uri baharo paȳu masare cahmachu duti, ti joari p̄ure wiaha tinare.

31 Tí p̄ure ti buheri baharo tina yajeri sãa, noano wahcheha.

32 ã jia Juda, Sila mehne Cohamac̄u yare yahu m̄htaina jia, yoari p̄ja Jesu yainare Cohamac̄u yare yahuha. Ti ã yahuch̄u t̄hoa, Jesu yaina sehe wahche, noano t̄hotuha.

33 ã jia Juda, Sila mehne tórp̄u mahaa dachoricã ti jiri baharo Jerusal̄ep̄u ti tjuaa wahach̄u tó macainare ti coha sitich̄u, “Noano wahaga m̄usa”,

niha Antioquía macaina. ã jia Juda cãhure warocarinare noa dutirocaha. Ti ã niri baharo Juda sehe tjuaa wahaha.

³⁴ [Wiho mejeta Sila sehe tóputa tjuanocaha Antioquíaputa.]

³⁵ ã jia Paulo Bernabé cãhure mahaa dachoricã tjuasiniha tí macai tjoa. Tói tina paina payure mehne Jesu yare buheha.

Pari turi Paulo noaa buheare buhe tinino wahaha

³⁶ ã yoa mahaa dachoricã baharo Paulo õ sehe ni yahuha Bernabére:

—Jipihtinare mari buhe ducarinare “¿Dohse jijari tina?” ni, ñurena wahajihna tjoa —niha Paulo cãhure ti basi.

³⁷ ã ni tuhsure, Bernabé sehe João Marcure tina mehne naa duamaha.

³⁸ To ã naa duapachuta tó pano tiro tina mehne Panfiliapure saro tina mehne tjuaeraha. Ti yoaare cãno pjaeraro tjuaa wahaha. ã jiro Paulo pari turi tirore naa duaeraha.

³⁹ To naa duaerachure ñureno Bernabé Paulo mehne puraro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nurecopure Marcure na pahãa wahaha.

⁴⁰ Paulo sehe Silare piti ti wahcãa wahaha. Ti buheha wahahto pano Jesu yaina tinare waroca, “Cohamacure mure sare noano ñure wihbojaro”, niha. Ti ã niri baharo Paulo Sila mehne wahaa wahaha.

⁴¹ ã wahaa, Siria yahpapurure, Cilicia yahpapurure cãhure sura, tópure Jesu yainare noano yajeripohna ti, Jesure wacũ tua namochure yoaha tinare.

16

Timoteo Paulo mehne wahaha

¹ Ti ã yuari baharo Paulo cãhũ Derberpũ, Listrapũ sũa, Timoteore boca sũa. Timoteo Jesu yairo jiro, judio masono macũno jiha tiro. To pocoro cãhũ Jesu yacorota jiha. To pũcũro sehe griego masũno jiha.

² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha.

³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo pũcũro griego masũno to jichũ masiha. ã jiro Paulo judio masare “Suari” nino, Timoteo pjacũre mahari cahsarocã yihso naha. Judio masa ti dutia ti niriro seheta yoaha.

⁴ To ã yuari baharo tina ti sũa macari macainare ti joarocari pũ macaare yahuha. Tí pũ Jesu to cũrina, to yaina pũhtoa mehne Jerusalẽpũ jiina ti joarocari pũ jiha. ã jia tí dutiare noano yahu turiaha tó macainare Jesu yainare.

⁵ Ti ã yahuchũ tũhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

Paulo cahãnopũ Macedonia macarirore ñũha

⁶⁻⁷ ã yoa Asia yahparũ sehere noaa buheare buhe dutieraha Espíritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai sũa. Tópũ sũ, Bitinia yahpa sehe waha duamaha tina. Wiho mejeta Espíritu Santo sehe tinare tópare waha dutieraha.

8 To ã niri baharo tina sehe Misia yahpare yuhdɯa, Tróadepɯ buhtɯ wihire.

9 Tóɣɯ ti buhtɯ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchɯ ñuri jire tiro. “Sãre Macedonia yahpa macainare yoadohoi taga” ni, pjiri jire tiro Paulore.

10 To cahãri baharo wahcã wihi, sã yare cahno tuhsɯ, Macedoniapɯ wahaahawai sã. “Cohamacɯ tí yahpapɯre noaa buheare buhe dutiro nina marine”, ni tɯhotui sã.

Paulo, Sila mehne Filipopɯ jiha

11 ã jina sã Tróadepɯ jiina dohoria mehne Somatracia wama tiri nɯcopɯ pahã sui sã. ã yoa pa dachoi Neapolipɯ pahãa wahi sã.

12 Tí macare yuhdɯana, Filipopɯ Roma macaina ya macapɯ sui sã. Tí maca Macedonia yahpai jiri maca jire. Wiho jiri maca jierare. Tóɣɯre mahaa dachoricã sã jii.

13 Tóɣɯ jina Sabado jichɯ sã tí maca duhtɯ cahapɯ, dia duhtɯ cahapɯ sui. Tói Cohamacɯ mehne ti durucuro jire. Tói dujina tói cahmachua numia mehne sahɯdui sã.

14 Cãcoro sãre tɯhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacɯre ño payoricoro jire. ã jiro Paulo to yahuare noano tɯhochɯ yoare Cohamacɯ ticorore.

15 To quihõno tɯhochɯ ñuno ticorore to wɯhɯ macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira m̄h̄h̄ c̄h̄h̄”, nina m̄sa ȳh̄h̄re. ã jina ya w̄h̄h̄i s̄a tasinia m̄sa. Ȳh̄h̄ mehne tjuasinia —nire ticoro s̄are.

To ã nich̄h̄ t̄h̄ona to w̄h̄h̄i tjuasinii s̄a.

¹⁶ Pa dacho Cohamac̄h̄ mehne ti durucurop̄h̄ s̄a wahach̄h̄ wat̄no to cohtotaricoro piti bocare s̄are. Ticoro paina cahamacono jire. Ticoro wat̄no yoadohoro mehne masare “Õ sehe waharohca m̄sare”, ni yahuyuricoro jire. ã yahuro pj̄iro wapatabasare to p̄h̄toare.

¹⁷ ã jiro Paulo mehne s̄a wahach̄h̄, s̄are n̄h̄h̄ ti, sañurucure ticoro:

—Ahrina Cohamac̄h̄ Jipih̄tina Bui Jiriro to yoadohoina jira. Cohamac̄h̄ marine to noano ȳh̄h̄dohtire yahura tina —ni sañurucure ticoro.

¹⁸ Paȳh̄ dachori ã ni cariborucure Paulore. To ã ni sañurucuch̄h̄ Paulo majare ñ̄h̄, õ sehe nire wat̄nore:

—Jesucristo tuaa mehne dutija m̄h̄h̄re. Ticorore wijaahga. Waharisa m̄h̄h̄ —nire Paulo.

To ã nich̄h̄ta wat̄no sehe wahaa wahare.

¹⁹ To ã wahari baharo ticoro p̄h̄toa sehe niñ̄eru to wapataeraricoro to wahach̄h̄ ñ̄h̄a, tina Paulore, Sila c̄h̄h̄re ñ̄ahare. Ñ̄aha tuhs̄h̄, tinare naahre tí maca dacho macap̄h̄ jiina p̄h̄toa cahap̄h̄.

²⁰ ã naa wahc̄ã, buhiri tiare cahnoina cahap̄h̄ tinare c̄ure tina.

—Ahrina judio masa mari ya macare cariboa nina.

²¹ Tina mari dutiare cohã dutia, paye buheare buhea nina. Mari ya dutiare ȳh̄h̄d̄h̄r̄h̄cach̄h̄ yoa duaa nina. Mari Roma macaina jina ahrina ti yahua sehere yoa masieraja mari. ã jina ti

buheare mari cahmaeraja —nire ticoro p̄h̄toa buhiri tiare cahnoinare.

²² Ti ã nich̄u t̄h̄oa masa paȳu Paulo c̄h̄u mehne sua ȳhd̄u wahare. ã jia buhiri tiare cahnoina sehe Paulo c̄h̄u suhtire ti t̄hr̄e coh̄ari baharo, yuc̄ari was̄ori mehne tjana dutire tinare.

²³ Tuaro tjana tuhs̄u peresu yoare tinare. Ti ã peresu yoari baharo peresure cohtarirore noano ñ̄u wihbo dutiha tina.

²⁴ Ti ã dutiri baharo tinare cohtariro sehe tí w̄h̄u puhicha macari tahtiap̄u tinare c̄u, taboa pahtari mehne ti dahporire biha dapoha.

²⁵ Ñ̄ami dacho macai Paulo, Sila mehne Cohamac̄u sine, tirore basa payoha. Ti ã basach̄u t̄h̄oha paina peresup̄u jiina.

²⁶ Ti ã ni basach̄uta tí w̄h̄u tuaro ñ̄uhmiha. To ã ñ̄uhmich̄u c̄ano potori jipih̄tia sopa pahmari par̄i m̄u, peresup̄u jiinare ti d̄h̄tea dari comaa dari nuhnu site boraa wahaha.

²⁷ To ã wahach̄u tí w̄h̄u cohtariro sehe wahc̄a wihi, “Peresu jiina duhti tuhs̄ari jire”, ni t̄hotumaha. ã ni t̄hoturo to ñ̄osari pj̄ine naroca, to basi ñ̄osamaha.

²⁸ To ã yoach̄u ñ̄ano Paulo tirore tuaro sañurucu õ sehe niha:

—M̄u basi ñ̄ano yoai tjiga. Jipih̄tina õre jija sã — niha tiro tinare cohtarirore.

²⁹ To ã nich̄u t̄h̄oro tinare cohtariro sehe sih̄a buhria duti, tina cahap̄u m̄uroca wahc̄a Paulo, Sila ti dahpori cahap̄u tetere, caha s̄uha tiro.

³⁰ Tuhs̄u, tiro tinare tí tahtiap̄u jiinare na wijaa, sinituha tinare:

—¿Dohse yoaicari ȳh̄u Cohamac̄u yairo ji duacu, to ȳhd̄ohtiro ji duacu? —ni sinituha tiro.

31 –Jesucristore wacũ tuaga mũhũ. Mũ coyea cãhũ tirore wacũ tuajaro. Mũsa ã yoachũ mũsare pichacapũ wahaborinare Cohamacũ yũhdorohca –ni yahuha tina.

32-33 Ti ã niri hora ñami dacho maca baharocã jiha. Ti ã niri baharo tinare cohtariro to ya wũhũpũ naaha tinare. To ya wũhũpũ na sũ ti camine cosaha tiro. To ã cosa tuhsũri baharo to coyea mehne Cohamacũ yare buheha Paulo cãhũ. Ti buheri baharo bautisaha tinare.

34 Ti bautisa tuhsũri baharo tinare cohtariro cjiro Paulo cãhũre chũare payoha. ã jia tiro to coyea mehne noaa buheare ti tũhori baharo tuaro wahcheha, Cohamacũre masi dũcaa.

35 Bohrea parĩ cahachũ ñaa pũhtoa sehe surarare peresupũ warocaha Paulo cãhũre wio dutia.

36 Ti ã wio dutiri baharo tí wũhũre cohtariro Paulo cãhũre yahuha:

–Pũhtoa mũsare wio dutire. ã jina cuienata wijaahga –niha tiro Paulo cãhũre.

37 Ti ã wio duapachũta Paulo õ sehe ni yahuha surarare:

–Sã ñano yoaerahi. ã jina sã ne buhiri cjueraja. Wiho warota tina pũhtoa sehe masa ti ñũrocaroi yucũri wasõri mehne tjanahre sãre, Roma macaina sã jipachũta. Tjana tuhsũ peresu yoahre sãre. ã jia mipũ masa ti ñũeraroi wio duara sãre, sãre ñano ti yoarire “Bũoro yũhdũri”, nia. Pũhtoa ti basita ta, wioa tajaro sãre –niha Paulo surarare.

38 To ã nichũ tũhoa surara sehe pũhtoare yahua wahaha. Ti ã ni yahuri baharo Paulo, Sila mehne Roma macaina tí jichũ masia pũhtoa sehe cui niha.

39 Ñ jia tina Paulo cãhũ cahai sũ, õ sehe niha:

—Ñano yoahiti sã m̄sare. Ne pari turi ã yoasi — niha pũh̄toa Paulo cãh̄ure.

Ñ ni tuhsũ pũh̄toa tinare peresupũ jiiinare wio, tinare pa sehẽpũ waha dutiha.

40 Ti ã niri baharo Paulo, Sila mehne peresupũ jiiina wijaa, Lidia wama tiricoro ya wũh̄upũ wahaha. Tí wũh̄upũ ti sũri baharo Jesu yainare piti bocaaha. Ñ jia tina Jesu yainare noano buhea, noano yajeripohna tichũ yoaha tinare. Ti ã yoari baharo Paulo, Sila mehne wahaa wahaha.

17

Tesalónica macaina suaha Jesu yaina mehne

1 Ñ yoa tina Anfipolipũ sũ, yũhdũa, Apoloniapũ sũ, yũhdũa, Tesalónicapũ suha tina. Tói judio masa buheri wũh̄ũ jiha.

2 Somanaripe to yoariro seheta Paulo buheri wũh̄upũ wahaa tiha. Tórpũ sũ, tia somana waro sabado dachoripe tiro panopũ macaa ti joari cjiire Cohamacũ yare masare buhe, tíre tina mehne sũh̄ũdua tiha Paulo.

3 Ñ yoaro tiro Cohamacũ yare õ sehe ni yahuha: —Judio masa, m̄sa pũh̄toro m̄sa cohtariro Cristo tari jire ñano yũhdũhtiro. Cohamacũ to ni cũriro cjiro seheta tiro yariaa wahaha masa m̄jano taro. Ñ jiro ahr̄iro Jesu, yũ yahur̄iro, tiro Cristo warota jira marine yũhdũhtiro. Tirota jira m̄sa cohtariro. Ñ seheta nina Cohamacũ yare ti joari pũ —ni yahuha Paulo.

4 To ã nichũ tũhoa, cãina tói jiiina “Potocã tjira”, niha. Ñ jia tina Paulo cãh̄ũ mehne wahaha. Ñ

jia paina cãhũ griego masa payũ Cohamacũre ño payoina sehe Paulore quihõno tũhoa, ã yoa tina mehne macaa numia cãhũ payũ pũtoa numia masa ti cua pisaro ñũa numia cãhũ tirore quihõno tũhoa Jesu yaina tjuaha. ã jia tina cãhũ Paulo cãhũ mehne wahaha.

⁵ Wiho mejeta judio masa sehe ti ã wahachũ ñũa, pahsu tiha. ã jia tina ñaina dahraerainare payũ pji cahmachu õ sehe ni dutiha: “Ahrina ñano yoaa nina”, ni sañurucu dutiha tinare. ã sañurucua jipihtina tí maca macainare suachũ yoaha Paulo cãhũ mehne. ã jia judio masa Jasõ ya wũhũpũ sãa, Paulo cãhũre macamaha, tinare masapũre waa taa.

⁶ Wiho mejeta tinare bocaeraha. ã jia Jasõre, paina Jesu yaina cãhũre ñaha, waja wijaa wahaha tinare. Pũtoa cahapũ na sũ õ sehe ni yahusãha tina:

—Paulo cãhũ masare jipihtiropũre caribobiara. ã jia mipũre tina mari ya macare wihi tuhsũhre.

⁷ ã jiro ahriro Jasõ tinare to ya wũhũpũ sãa ta dutihre. Tina jipihtina mari bui pũthoro Roma macariro to dutiare yũhdũrũcara. “Pairo mũsa pũthoro jira. Jesu tirota jira” nia, mari pũthoro dutiare yũhdũrũcara tina —ni yahusãha judio masa sehe pũtoare.

⁸ Ti ã ni yahusãchũ tũhoa, jipihtina masa, pũtoa cãhũ sua, tuaro sañurucuha.

⁹ Wiho mejeta pũtoa Jasõre, tiro mehne macaina cãhũre, niñerure wapa duti, wioha.

Paulo Sila mehne Bereapũ sũha

10 Tí pjata ñamipɩ Paulo c̄hure Jesu yaina nɔo warocaha Bereapɩ. Tóɩɩ sɩa tina judio masa buheri wɩhɩpɩ s̄a wahaha.

11 Berea macaina sehe Tesalónica macaina yɩhɔro Jesu yare noano tɩhoina jiha. Á jia tina Jesu yare ti tɩhori baharo “¿Potocã tjiari?” ni masi duaa, dachoripe Cohamacɩ yare ti joari p̄re ã buherucua tiha tina.

12 Á jia tina payɩ Jesure wacũ tua dɩcaha. Griego masa c̄hɩ, mɩa, pɩhɔta numia mehne Jesure wacũ tuaina jiha.

13 Wiho mejeta Paulo Bereapɩ Cohamacɩ yare to buhechɩ c̄hure tɩhorocaa Tesalónica macaina judio masa tóɩɩ sɩa. Tóɩɩ sɩa, Berea macainare quti dojomehnea, Paulo c̄hɩ mehne suachɩ yoaha tina.

14 Ti ã yoachɩ ñɩa Jesu yaina Paulore soaro mehne pjiri ma dɩhtɩ cahapɩ warocaha. Wiho mejeta Sila, Timoteo mehne Bereapɩ tjuaha.

15 Paina sehe Paulore Atenapɩ na wahcã soha. Tirore so tuhsɩ majare tjuaa wahaha Bereapɩ tjoa.

—Soaro mehne waha, piti tina wahaga Paulore —ni yahuha Silare, Timoteo c̄hure.

Á ni yahu dutiha Paulo tinare.

Paulo Atenai jiha

16 Á jiro Paulo Atenapɩ cohtaro niha Sila, Timoteo c̄hure. Tinare cohtaro Atena macaina ti “Cohamana jira”, ti nia masɩrine payɩ ti c̄ɩachɩ ñɩno Paulo tuaro cahyaha tina mehne.

17 Á cahyaro, judio masa buheri wɩhɩpɩ judio masa mehne, ã yoa judio masa jieraina mehne c̄hure durucuha tiro. Judio masa jieraina sehe

Cohamacure ño payoina jiha. ã yoa Paulo tí maca dacho macai dachoripe tiro cahapũ ã tini majare sãaina mehne durucuha.

18 Paina Epicureo yare buheina, Estoico yare buheina cũhũ Paulo mehne durucuha:

—¿Ahriro durucua pihierariro dohse ni durucuro nijari tiro? —niha tina.

Paulo Jesu yare, to masa mũjarire to yahuchũ tũhoa õ sehe ni tũhotumaha masa: “Tiro paina cohamanare yahuro nica”, ni tũhotumaha tina.

19 Ti tũhori baharo tina Areópago wama tiropũ Paulore naaha.

—Ahri buhea, wahma buheare mũ mipũ yahurire masi duaja sã.

20 Mũ buhea soro sehe jira. ã jina sã tíre masi duaja —niha tina Paulore.

21 Jipihtina Atena macaina, ã yoa paye yahpari macaina cũhũ Atenapũ jiina dachoripe wahma buheare durucurucu duaha. ã jia Paulo to yahuare tũho duaha tina.

22 ã jiro Paulo Areópago wama tiroi wahcãrũca õ sehe ni yahuha:

—Atena macaina, payũ mũsa cohamanare mũsa tuaro ño payoina mũsa jichũ masija yũhũ.

23 Ahri maca mũsa ya macare cohamanare mũsa ño payoa altarire ñũ tinihi yũhũ. ã ñũ tinicũ yũhũ cũ altarpũ, cohamanare ño payona mũsa waare mũsa cũnoi ahrire buhehi. “Cohamacũ, mari masimahnoerariro ya altar jira”, ni joari jire mũsa tíre mũsa cũnoi. Mũsa tirore masierapanahta tirore ño payori jire mũsa. Tiroreta mũsa masierarirore yahu potoi nija yũhũ mũsare.

24 'Cohamacu jipihtiri yahpare, jipihtiare ba-juamehneriro jira. Tiro manore, yahpare pūhtoro jiro, tiro masa ti yoaa wahusei jierara.

25 ã jiro tiro mari jiare, mari yajeri naare, jipih-tia marine paye barore wariro jiro, mari yoado-hoare cahmaerara. Tiro pjacūoriro jierara.

26 'Tiro cūiro manore yoa dūcaha. Tiro mehneta jipih-tia yahpari macaina cjihtire masare yoaha. ã masare yoaro jipihtiro yahpare marine cūha tiro. "Õ puro yoari pja õpūre jahca", nino quihõ cūha marine.

27 "Tina yūhūre maca, bocaboca", ni tūhotuha Cohamacu. Wiho mejeta Cohamacu yoaropū jier-ara. Mari mehneta jira. Õ sehe ni joaa tiha paina:

28 "Marine jichū yoara tiro. Mari masapere catiina, ñuhmiina jichū yoara tiro", ni joaa tiha. Mūsa mehne macaina panopū macaina basaare noano joaina quiti yahuina cjiri ti joariro seheta nii nija. "Mari cūhū Cohamacu pohna jija", ni joaa tiha tina.

29 ã jina mari to pohna jina õ sehe ni tūhotuena tjiga mūsa. Masūrine, uru, plata, tãa mehne mūsa mū sūro mūsa yoari masūrine "Cohamana jira", ni tūhotuena tjiga mūsa.

30 Panopū masa ti masieraina jisnichū ti ñaare yoapachūta Cohamacu ã ñūnocasiniha. Wiho mejeta mipūre jipihtiri yahpa macainare ti ñaa yoari buhiri tiare masi, cahya dutira Cohamacu.

31 Baharo Cohamacu to quihõri dachoi jipihtiri yahpa macainare potocã beserohca noaina, ñainare. Tiro to bese duti to cūiro Jesu sehe besero-hca. Jesure yariarirore masoha tiro. ã masono

“Ahriro y_u cūriro jira” ni, ñono niha Cohamac_u masare —ni yahuha Paulo Atena macainare.

³² To ã nich_u masa m_ujarire to durucuch_u t_uhoa paina tirore b_uj_upeha. Wiho mejeta paina sehe ò sehe niha:

—Pari turi ahrire m_u yahuch_u sã t_uho duaja — niha tina Paulore.

³³ Ti ã niri baharo Paulo wahaa wahaha.

³⁴ To ã wahach_u, cãina tiro mehne waha, Jesure wacū tua d_ucaha. Dionisio Areópago macariro p_uh_utoa mehne macariro Jesure wacū tua d_ucaha. ã yoa Damari wama tiricoro cūh_u, paina mehne Jesure ãta wacū tua d_ucaha.

18

Paulo Corinto wama tiri macai jiha

¹ ã yoa, Paulo Atenap_u jiriro waha, Corinto wama tiri macap_u s_uha.

² Tóp_u s_uro, judio mas_uno Aquila wama tirirore boca s_uha tiro. Jipihtina bui p_uh_utoro Claudio wama tiroro judio masare Romap_u j_iinare to cohãch_u Aquila sehe to namono Priscila mehne waha, Corintop_u s_uha. Aquila sehe Ponto wama tiri yahpai masa bajuariro jiha. ã jia tina Corintoi ti jich_u, Paulo tina cahap_u s_uha.

³ Aquila cūh_u suhti w_uh_usere yoaina jiha. Paulo cūh_u suhti w_uh_usere yoarirota jiha. ã jiro tiro tina mehne dahra, tói tjuaha.

⁴ ã jiro Paulo sabado jich_u somanaripe judio masa ti buheri w_uh_up_u judio masare, judio masa jieraina cūh_ure Cohamac_u yare yahuha. To ã ni yahuch_u t_uhoa, “Potocã tjira”, niha tina cãina.

⁵ Ñ yoa Sila, Timoteo mehne Macedoniapɯ jiina, Paulo cahapɯ sɯha. Tópɯ ti sɯri baharo Paulo sehe jipihitia dachoripe judio masare noano buhea tiha.

—Jesu, Cristo masare yɯhdohtiro mari cohtariro jira —ni yahua tiha.

⁶ To ã ni buhepachɯta, judio masa sehe tirore tɯho duaeraha. Ñ jia tina ñano ni quitu dojomehneha tirore. Ti ã yoachɯ Paulo tinare to tuhtiboriro seheta, to suhti macaa mene cjã site-roca cɯha.

—Mɯsa ya buhiri pichacapɯ wahanahca. Cohamacɯ to dutiriro seheta mɯsare buhemahi yɯhɯ. Wiho mejeta mɯsa yɯhɯre tɯho duaerare. Mipɯre judio masa jieraina sehere buhei wahahtja —niha Paulo judio masare.

⁷ To ã niri baharo tiro tópɯ jiriro waha, Ticio Justo wama tiroro ya wɯhɯpɯ sɯha. Justo Cohamacɯre ño payoriro jiha. To ya wɯhɯ sehe judio masa buheri wɯhɯ cahai jiha.

⁸ Ñ jia Crispo wama tiroro buheri wɯhɯ pɯhtoro, to namono, ti pohna cɯhɯ Jesure wacɯ tuaina jiha. Ñ yoa paina Corinto macaina payɯ Cohamacɯ yare tɯhoa, Jesure wacɯ tuaha. Ti ã wacɯ tuaina jichɯ tinare bautisaha.

⁹⁻¹⁰ Cɯ ñami Cohamacɯ cahãnopɯ õ sehe ni yahuha Paulore:

—Mɯhɯ mehne jija. Ahri maca macaina yɯ yaina masa payɯ jira. Ñ jia paina masa mɯhɯre ñano yoa masierara. Ñ jicɯ cuiēcɯ tjiga mɯhɯ. Wiho mejeta yɯ yare tuaro yahu namoga mɯhɯ. Yahu duhuēcɯ tjiga —ni yahuha Cohamacɯ Paulore.

¹¹ Æ yoa cã cãhma noano, pa cãhma dacho maca waroi Paulo Corintopũ ji, tó macainare Cohamacũ yare buhea tiha.

¹² To ã buhero watoi Galiõ wama tiriro Acaya yahpa macaina pũhtoro to jichũ, judio masa jip-
ihtina cãno potori Paulore yahusãa taa, tire
buhiri tiare cahnoina cahapũ naaha tina.

¹³ —Ahriri Paulo masare Cohamacũre ño payo dutiro ahri yahpa macaa dutia sehere cohã dutiro nina —ni yahusãha judio masa buhiri tiare cah-
noinare.

¹⁴ Ti ã ni yahusãchũ tãhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriri sã Roma macaina ya dutiare yũhdũrũcariro to jichũ, mũsare yũhtiboa yũhũ.

¹⁵ Wiho mejeta mũsa judio masa ya dutia sehere ahriri yũhdũrũcariro to jichũ mũsa basi ahrire cahnoga. Ahrire masieraja yũhũ mũsa mehne —ni yahuha tiro judio masare.

¹⁶ Æ ninota tinare judio masa Paulore yahusãmarina cjirire to ya tahtiapũ jĩinare cohã wioha tiro.

¹⁷ To ã cohã wiori baharo jipihtina tí wũhũ jĩina Sostenere judio masa buheri wũhũ pũhtorore Jesu yairore ñaha, buhiri tiare cahnoina cahapũ cããha tire. Ti ã cãchũ ñũno Galiõ ã ñũnocaha.

Paulo Antioquíapũ tjuaa wahaha

¹⁸ Æ yoa Paulo Corintoi yoari pja jiriro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria

yahparu pahãa taa niha. Ti pahãhto pano Cencia wama tiri macaru su, tóru jisino Paulo Cohamare “Õ sehe mure yoabasaitja”, to nirire yoa tuhuriopu jiha. ã jiro tó sehe yoaina judio masa ti yoarucuro seheta to pjoarire waha pahão dutiha.

¹⁹ Tíre to yoari baharo tina Efeso wama tiri macaru pahã su, Priscilare, Aquila cãhure cã, judio masa ti buheri wãhãwahaha Paulo. Tí wãhãhã su, Cohamare yare yahuha. ã yahuro judio masa mehne sãhãduha.

²⁰ To ã sãhãduri baharo tirore tina mehne tjua dutimaha.

—Tjuaeraja mãsa mehne.

²¹ Wiho mejeta Cohamare cahmachã, pari turi tjuaa taihtja —niha tinare Paulo.

ã ni tuhsã, Efesopu jiri cjiro pahãa wahaha tiro.

²² Pahãa, Cesarearu pahã su, yãhdã wahcã, Jerusalẽru sãha. Tóru su, tó macaina Jesu yainare “¿Ne jimajari mãsa?” ni, tinare ñã yãhdã Antioquiãru sãha.

²³ Tóí mahaa dachoricã jiha. Tóí jiri cjiro yãhdãha. Galacia yahpai jia macaripã, Frigia yahpai jia macaripã pari turi su, tí macari macainare Jesu yainare buhero, Jesure wacũ tua namo wahchechã yoaha tiro.

Apolo wama tiriro Efesoi buheha

²⁴ Tí pjare, judio masãno Apolo wama tiriro, Alejandría macaruro Efesopu sãha. Tiro noano yahu mihniro jiha. ã jiro tiro Cohamare to joari cjiro noano masiha.

²⁵ Pairo tirore Cohamacu yare yahu tuhsua tiha. ã jiro tiro João masare bautisariro to buhea dihtare masiha. ã jiparota tiro tuaro wahchea mehne Cohamacu yare noano buheha.

²⁶ ã jiro judio masa ti buheri wuhuru tiro cuiro marieno tinare buhe ducaha. To ã buhechu ti tuhori baharo Priscila, Aquila mehne tirore tina mehne naaha. Cohamacu yare to quihõno yahu pahñoerachu ñua quihõno yahu pahñoaha tina tirore.

²⁷⁻²⁸ ã jia tiro Apolo sehe Acaya yahpuru to waha duachu Jesu yaina tirore “Noano wahaga”, ni joaa pürine waha tirore. Tí püri Acayuru jiina Jesu yainare Apolore noano piti boca dutia püri jiha. ã jiro Apolo törü suro, tó macainare noano yoadohoha. Tó macaina Cohamacu cahña mehne Jesure wacü tuaina jiha. Judio masare tí macai jainare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamacu yare ti joari cjiri mehne to noano quihõno yahuchu tãhoa tina “Potocã jierara”, ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe tãyucuru mija yuhdua, Efesopu suha. Törü suro cãina Jesu yainare bocaha.

² Tinare boca suro tiro tinare õ sehe ni sinitu ñuha:

—¿Musa Jesure wacũ tuari baharo musa sehe Espíritu Santore cjua ducari? —ni sinitu ñaha Paulo.

To ã nichu tãhoa tirore õ sehe ni yahuha tina:

—“Espíritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñaha tjoa:

—¿Noa ya buheare musa tãhori baharo bautisari musare? —niha tiro tjoa.

—João ya buheare sã tãhori baharo bautisahre sãre —ni yahuha tina.

⁴ Ti ã nichu tãhoro õ sehe niha Paulo:

—Masa ti ñaa yoarire cahya, tíre ti duhuchu ñuno bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhare yahu namoha João. “Yu baharo tariro sehere wacũ tuaga musa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tãhori baharo, Jesu wama mehne to tuaa mehne bautisaha tinare.

⁶ ã to bautisachu, Paulo tina cãina bui to wamomaca to duhu payochu, Espíritu Santo sehe wihiha tinapure. To ã wihiri baharo tina sehe tãhomahnoera duseri mehne durucu, Cohamacu yare yahuha.

⁷ Tina jipihtina doce mua jia jiboa.

⁸ Baharo Paulo judio masa ti buheri wãhupã sãa, tia sã waro cuiro marieno pãhtoro Cohamacu to saho jiare yahu, durucuha tina mehne. Tirore ti ã tãhori baharo “Ahri potocã jira”, niha tina.

⁹ Wiho mejeta paina sehe tũho duaeraha. ã jia tina masa ti tũhoro noaa buheare ñano ni ñoha. Ti ã nichũ tũhoro Paulo sehe Jesu yainare pji wijaa, pa seherũ wahaha. Waha, Tirano wama tiriro to buheri wũhũpũ dachoripe masare Cohamacũ yare yahuha Paulo.

¹⁰ Pũa cũhma waro buhea tiha tinare. To ã buhechũ jipihtina Asia yahpa macaina judio masa, judio masa jieraina mehne mari pũhtoro Jesu yare tũhoha.

¹¹ ã yoa Cohamacũ tuaa mehne Paulo masare ñũ cũa yũhdũachũ yoa barore yoa ñoha.

¹² Masa sehe suhti cahsari Paulo to pjacũre pihaa cahsari cjirire, ã yoa tirore pihaa suhti cũhũre naa, dohatiinare pihoha masa. Tĩ suhtire dohatiinare ti pihochũ noaa wahaha. ã jichũ watĩa tinapũre jirina cjiri wijaa wahaha, tĩ suhtire ti pihori baharo.

¹³ Wiho mejeta paina judio masa, ã tinirucuina, watĩare cohãina jiha. ã yoa pũhtoro Jesu wama pisuro mehne watĩare cohã duamaha. ã jia watĩare õ sehe ni dutimaha tina:

—Paulo to yahuriro Jesu to wama mehne dutija mũsare. Wijaahga. Ahriro mehne pari turi jiena tjiga —nimaha tina watĩare warocaa.

¹⁴ Esceva wama tiriro siete to pohna sehe ãta yoamaha. Esceva sehe judio masũno sacerdotea pũhtoro jiha.

¹⁵ To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cũhũre masija. ã masipacũta mũsa sehere masieraja —niha watĩno tinare.

16 To ã nichuta watĩno to cohtotariro sehe tuaro mehne tinare ñaha m̄aa wahaha. Tinare ñaha, ñaabiaro yoa, ȳhdurucanocaha. To ã yoach̄ Esceva pohna sehe suhti marieina, cami tiina m̄roca wijaa wahaha tina tí w̄hure.

17 Ti ã yoari baharo jipihtina Efeso macaina, judio masa, judio masa jieraina mehne tíre t̄ho, cui ȳhd̄aha tina. ã jia p̄htoro Jesu yare b̄j̄pero marieno durucuha masa sehe.

18 ã yoa masa paȳ Jesure wacũ tuaina ti ñano yoari buhirire yahu ȳhd̄a taha.

19 Tina mehne macaina paȳ yaya puti siteina jiha. ã jia tina ti joaa tjurire yaya ti yoaare yahua tjurire t̄p̄ na ta, masa ti ñ̄rocaroi tí tjurire j̄ coh̄nocaha tina. Tí tjuri ti wapa tirire tina ti quih̄ch̄, jipihtia tjuri cincuenta mil t̄ri plata mehne ti yoa t̄ri posa waro wapa timaha tí tjuri.

20 ã jia Cohamac̄ yare cahmaina paȳ wahaha. Cohamac̄ tuaa mehne to yaina wahaha.

21 Ti ã wahari baharo Paulo õ sehe ni t̄hotuha: “Macedonia yahp̄ s̄ m̄hta, tí yahpare ȳhd̄a Acaya yahpare s̄ihtja. Tí yahpare ȳ s̄ri baharo Jerusal̄p̄ wahaihtja. Tí macare ȳ s̄ri baharo Romap̄ wahaihtja”, ni t̄hotuha Paulo.

22 P̄aro tirore yoadohoinare to pano waroca m̄htaha Macedonia yahp̄. Timoteo, Erasto c̄h̄ jiha tina. ã jiro Paulo sehe c̄irota tjua n̄n̄ t̄siniha Asia yahp̄.

Efesoí masa sua, sañurucuha

23 Tí pjare Efesoí Jesu yare paina cahmaeraa, Paulo c̄h̄re paȳ masa tuhti, sañurucuha.

²⁴ Cũiro platare dahrariro Demetrio wama tiriro plata mehne cohamaco Artemisa wama tiricoro ya wuhũ masũri yoariro jiha. ã jiro tiro paina plata dahraina mehne tí masũrine dua, pjíro wapataha tina.

²⁵ ã jiro Demetrio paina plata dahrainare pji cahmachu õ sehe ni yahuha tinare:

—Tũhoga mũsa. Ahri dahraa mehne pjíro mari wapatarire masina mũsa.

²⁶ Ahriro Paulo to yoarire to buheri cũhũre masina mũsa. Õ sehe ni buhera tiro: “Cohamana masũri masa ti yoari catiina jierara”, ni yahua tire tiro. To ã nichũ tũhoa payũ Efeso macaina, jipihtiroi paina Asia yahpa macaina cũhũ tí buheare “Potocã tjira”, nia tire.

²⁷ ã nia mari dahraare masa ñano durucuhto cua yũhdũara. ã yoa masa mari cohamaco Artemisa ya wuhũre “Wiho jiri wuhũ jira”, ni cohãboca. Ti ã cohãchũ ticoro jipihtina Asia yahpa macaina, jipihtiri yahpa macaina ti ño payoricoro to jipachũta to tuaa butiarohca. ã jia masa baharopũ jiina ticorore masieraboca —niha Demetrio tinare.

²⁸ To ã nichũ tũhoa tina sehe tuaro sua, sañurucuha:

—Artemisa Efeso macaina mari yacoro cohamaco tuaricoro jira —ni sañurucuha tina.

²⁹ ã jia Efeso macaina jipihtina sañurucu yũhdũa, tũho masia pihtia wahaha. ã wahaa, Gayore, Aristarco cũhũre ñaha, masa ti cahmachunopũ tinare waja wahcãha. Gayo, Aristarco mehne Macedonia macaina jia, Paulo mehne tiniina jia tihã.

30 ã jia Paulore masa cahai to waha duach_u, Jesu yaina sehe tirore waha dutieraha.

31 ã jia paina tí yahpa macaina p_uhtoa, Paulo mehne macaina jia, ti cahamacare yahu dutiha Paulore:

—Masa ti cahmachunop_u wahai tjiga —ni yahu dutiha p_uhtoa Paulore.

32 ã jia tói cahmachuina mehne macaina sehe pay_u “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie seh_u jina soro ni, sañurucuha. Paina c_uh_u soro ni sañurucuha.

33 ã jia judio masa sehe Alejandro wama tirirore masare yahu dutimaha. ã jiro Alejandro “Dihta mariahga”, nino to wamomaca mehne c_uãtuha. “Ahrina sãre judio masare tuhtia nina”, ni t_uhoturo judio masare d_ucata duaro, durucumaha.

34 Wiho mejeta tiro judio mas_uno to jich_u ñ_ua masa jipihtina cãno p_utori p_ua hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

35 Ti ã ni sañurucuch_u ñ_uno, Efeso macaina p_uhtoare yoadohoriro masare, “Dihta mariahga”, ni yahuha tinare.

—M_usa Efeso macaina t_uhoga. Efeso macaina tuaricoro cohamaco Artemisa ya w_uh_u cohtaina mari jich_u jipihtia yahpari macaina masina. ã jia m_uanop_u bora tari mas_ure ñ_u wihboina mari jich_u cãh_ure masina masa.

³⁶ Ñ jia paina “Ahri potocã jierara”, ni masierara. Ñ jina suaena tjiga m̄sa. Noano t̄hotuga m̄sa.

³⁷ Ahrina m̄sa ñaha taina mari cohamacore ñano ni durucuerare. Ñ yoa tina cohamana w̄h̄sep̄ure s̄a, yacaerare. Ñ jina noano yoaga m̄sa.

³⁸ Ñ jia Demetrio, plata dahraina mehne ahrinare m̄sa ñahainare yahusã duaa, buhiri tiare cahnoina sehere yahusãjaro tina.

³⁹ Pari turi cahmachuna noano mehne cahmachuga. M̄sa yoariro sehe yoaena tjiga.

⁴⁰ Michare m̄sa sua, sañurucurire mari p̄h̄toa t̄hoa, “Marine cohãa nica”, ni t̄hotuahca tina. Ñ jina m̄sa ni sañurucurire tinare noano potu yahu masieraja mari —niha p̄h̄toare yoadohoriro masare.

⁴¹ Ñ ni yahu tuhs̄, “Tó puro tjira. Wahaga”, niha tiro masare.

20

Macedonia yahpap̄ c̄h̄re, Grecia yahpap̄ c̄h̄re Paulo s̄ha

¹ Ti ã wahari baharo, Paulo sehe Jesu yainare pji cahmachu yahu quihõha. Yahu quihõ tuhs̄, tinare wahchech̄ yoa, tinare coha sitiha. Coha siti tuhs̄, Macedonia yahpap̄ waha wahaha.

² Tó p̄ s̄ buhe, tí yahpai jia macari macainare Jesu yainare wahchech̄ yoaha tiro. Tinare buhe tuhs̄, Grecia yahpap̄ s̄ha tiro.

³ Tói tiro tia s̄ waro jiha. Tói jirucuma, Siria yahpap̄ pahãa waha duamaha. Wiho mejeta judio masa cohtamaha tirore ñaha duaa. Ñ jiro

Paulo pa maharᵐ, Macedoniarᵐ wahari maharᵐ mᵐnanopᵐta majare tjuaa wahaha tjoa.

⁴ ã waharo Asiarpᵐta sᵐha. Tóí Berea macariro Sópatro wama tiroiro Pirro macᵐno Paulore piti ti wahcāha. ã yoa Tesalónica macaina Aristarco, Segundo cāhᵐ tirore piti ti wahcāha. Tuhsᵐ, Derbe macariro Gayo wama tiroiro Timoteo cāhᵐ tiro mehne wahaha. Asia macaina Tíquico, Trófimo cāhᵐ Asiarpᵐ tirore piti ti wahcāha.

⁵ Tiro mehne macaina to pano waha, Tróade wama tiri macarpᵐ tirore cohtari jire.

⁶ Ti ã cohtachᵐ bᵐcᵐaerari pāore ti chᵐa bōse nᵐmᵐri baharo sã sehe Filipoi jiina dohoria mehne waha, cinco dachori pahã, Tróaderᵐ sã tinare mᵐ sᵐi. Siete dachori waro jii tóprᵐe.

Tróaderᵐ Paulo tinino wahaha

⁷ Domingo jichᵐ Jesu yaina cahmachu pāore duhu payore Santa Cena yoa taa. Ti ã yoahito pano Paulo tinare buhere. ã yoaro Paulo pa dachoi wahahtiro jiro yoari pja tiro buhere. Ñami dacho macarpᵐ buhe duhuro taro nimare.

⁸ ã jina mᵐano macari tahtiai payᵐ poca sihãa poca jiri tahtiai cahmachui sã.

⁹ Paulore to tᵐhoro watoi, cāiro wahmᵐno Eutico wama tiroiro mahari sopaca cahai mᵐja pja dujire. Duji, Paulo tinare yoari pja to buhe namochᵐ wahmᵐnore wᵐjo tare. Wᵐjo ta, tiro carī mᵐa, tia casario buirᵐ dujiriro majare bōraa wahare. Bōraa waha, yaria yᵐhdᵐa wahare. To yariari baharo tina tirore yariariro cjiropᵐre na wahcō dapore.

10 Ti ã yoachũ ñũno Paulo dujia, wahmũnõre cãã suhsure. To ã yoari baharo Jesu yainare õ sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

11-12 To ã nichũ wahmũno yariariro cjiro masaa wahare. To ã masachũ ñũna tina wahche yũhdũare. ã wahchea mũano macari tahtiarũ mũja, pãore duhu payore Santa Cena yoaa taa. Ti ã yoari baharõ yoari pja Paulo tinare buhe namore tjoa. Pũ bohreahto panocãrũ tinare buhe duhure. To buhe tuhsũchũ wahaa wahai sã.

Paulo Tróade rũ jiro waha, Miletõ rũ sũha

13 Paulo pano dohoria mehne Asõrũ sã sehe sũ mũhtai. Paulo sehe maharũ waha duare. Paulo to niriro seheta Asõrũ tirore sã piti bocai.

14 Tirore sã piti bocachũ, sã mehne tiro samure dohoriarũ. Tia mehne waha, Mitilenepũ sã sũi.

15 Tõrũre sũ yũhdũa pa dachoi Quío wama tiri nũcore yũhdũai sã. Pa dachoi Samõrũ sũi sã. Pa nũmũ sehere Miletõ rũ sũi sã.

16 Paulo Pentecoste dacho waroi Jerusalẽrũ sũ duare. ã jiro Asia yahparũ yoari pja ji duaerare. ã jiro Efesore poto yũhdũa, Miletõ rũ wahã sũi sã.

Paulo Efeso macainare Jesu yainare pũhtoare yahuha

17 ã jiro Paulo Miletõ rũ jiro, Efeso macainare Jesu yaina pũhtoare pjirocare tiro.

18 ã to pjirocari baharo tina Paulo caharũ wi-hire. Ti wiwichũ ñũno tinare Paulo õ sehe ni yahure:

—Asiapu coã wihicu musa mehne yu yoarire masina musa.

¹⁹ Musa mehne jicu ne soro nino marieno Jesu, mari puhtoro yare yoaa tii yuhu. ã yoacu musare pja ñai. “Musare yuhdurucaja”, nierahi yuhu. Judio masa yuhure ñano ti yoapachuta Cohamacu yare yoaa tii yuhu.

²⁰ Musa noano wahahtore cahmacu musare buhe pahñonocai yuhu. Masa ti ñurocaroi, ã yoa musa wuhuserpu cãhure buhei yuhu.

²¹ ã yoa judio masare, judio masa jieraina cãhure cãno potori buhei yuhu. “Musa ñaa yoari buhiri tiare masi, Cohamacu mehne tjuaahga. ã yoa Jesu mari puhtore wacũ tuaga”, ni yahui yuhu.

²² ã yoa mipure Espiritu Santo to dutiriro seheta Jerusalẽpu wahai nija. Yuhu tõpu wahacu yu dohse wahahtore masieraja yuhu.

²³ Espiritu Santo to yahuri dihtare masija. Õ sehe nihre Espiritu Santo yuhure: “Nohoi mu sua macaripepu mahu ñano yuhduihca. ã jia mahure peresu yoaaahca”, nihre Espiritu Santo yuhure.

²⁴ To ã nipachuta noaa buheare, Cohamacu masare to cahã buheare yahuhtiro cjihto jija. Jesu mari puhtoro to yoa dutirire yoa pahño duaja. Ahrire yoariro jicu, yu yariahtore cuieraja yuhu.

²⁵ Musa mehne jicu puhtoro Cohamacu to suho jiare yahua tii yuhu musare. Mipure ne musare pari turi ñusi yuhu. Ahrire masija yuhu.

²⁶⁻²⁷ ã masicu michare ahrire yahuja musare. Jipihtia Cohamacu yare yahui yuhu musare. ã jiro jipihtina musa mehne macaina Cohamacu yare

cahmaeraina ti jichu ya buhiri jierara.

28-29 MUSA basi noano yoaga. Ñ jina Jesu yainare Espíritu Santo musare to ñu wihbo dutiinare ñu wihboga. Ovejare ñu wihboina ovejare ti ñu wihboro seheta Jesu yaina cãhare ñu wihboga musa. Cohamacu macuno to yariaro to di cohãno mehne Cohamacu tinare to yaina cjihti yoare. Yu õre wahari baharo paina ñaina sehe yairo ovejare to chu cohãno seheta Jesu yare musa yoaborire dojomehneahca. Ñ jina Jesu yainare noano ñu wihboga.

30 Baharopure paina musa mehne macaina sehe Jesu yainare mahño, paye buheare tuho dutiahca. Ti ã dutichu tina tuhohto cua yuhdara.

31 Ñ jina noano yoaga musa. Tia cãhma waro dachoripe, ñaminipe pja ñua mehne buhei yuhu musa jipihinare. Tíre noano wacũga musa.

32 'Mipure yu wahari baharo, Cohamacu musare ñu wihborohca. Masare to cahã buheare musa basi cahma buhena, noano jinahca musa. Cohamacu to buhea mehne musare wacũ tua namochu yoarohca. Baharopure to yainare “Noano yoaitja”, to niriro seheta musa cãhare noano yoarohca.

33 MUSA niñerure, musa suhti cãhare “Yuhure waga”, nierahi musare.

34 Yu basi dahra wapatai yu ya cjihtire. Ñ yoa yu cahmaare, yuhu mehne macaina ti cahmaa cãhare yu dahraa wapatai mehne nahi. Yu ã yoarire masina musa.

35 Mari õ sehe tuaro dahrana paye baro cãerainare yoadohoro cahmana marine. Ahrire musare yoa ñoi yuhu. Jesu mari puhtoro to niri

cjirire wacũga m̄usa. “To wach̄u ñahariro ȳhdoro wariro sehe wahchera”, niri jire Jesu to basi —ni yahure Paulo Jesu yainare.

³⁶ ã ni batoa Paulo tina mehne na tuhcuca caha s̄u, Cohamac̄ure sinire.

³⁷ To ã sini batoach̄u tina jipihtina Paulore cjã suhsu, wahsupu wihmi, tihre.

³⁸ “M̄sare pari turi ñ̄si ȳh̄u”, pano to nich̄u t̄hoa tuaro cahyare tina. ã jia tirore tju n̄n̄u ti buhare p̄u pitamahap̄u. Tó̄p̄u s̄are ñ̄u n̄n̄u tire sã wahach̄u.

21

Paulo Jerusalē̄p̄u pari turi wahaha

¹ Jesu yainare “Wahana nija” ni, dohoria mehne Cos wama tiri n̄scop̄u poto waha, pahã s̄u sã. Pa dachop̄u Roda wama tiri n̄scop̄u pahã s̄u, ȳhd̄ua, Pátara wama tiri macap̄u s̄u sã.

² Pátarai jina, Feniciap̄u wahahtiare, dohoriare bocai sã. ã jina tia mehne wahi sã.

³ ã wahana Chipre wama tiri n̄core poto ñ̄u ȳhd̄uai sã. Cõ b̄h̄usehe sehe jire tí n̄co. Tí n̄core ȳhd̄ua, Siria wama tiri yahpap̄u s̄u sã. ã jina dohoria macaa pachere dohoria macariro Tiro wama tiri macai to dure moch̄u, tói pah-sasinii.

⁴ Tói Jesu yainare ñ̄una, siete dachori waro tjuasinii sã tí macai. ã jia tó macaina Jesu yainare Espíritu Santo to yahuriro seheta tina Paulore Jerusalē̄p̄u waha dutieramare.

⁵ Ti ã nipach̄uta tí macare siete dachori sã jiri baharo, wahi sã. Sã wahahto panocã jipihtina Jesu

yaina, ti namosãnumia mehne, ti pohna mehne, tí maca dũhtũ cahai sãre ñũ tjuaa wahare. ã jina jipihtina sã padũroi sũ, na tuhcuca caha sũ Cohamacũre sinii.

⁶ Sã ã siniri baharo, “Wahana nija” ni, tinare cjã suhsu batoa, wahai sã. Sã wahachũ ñũ nũnũ ti, tina sehe majare majaa wahare ti ya wũhũsepũ.

⁷ Tiro wama tiri macai jiina wahana Tolemaidapũ wahã sũi sã. Tóihũ p̄jiri mare waha batoai sã. Tí macai sũ, Jesu yainare “Coyea, ¿jimajari?” ni, cã dacho sã tina mehne jisinii.

⁸ ã yoa pa dachoi tjoa Cesarea wama tiri macapũ sũi sã. Tórpũ sũ, noaa buheare yahuriro Felipe wama tiroiro ya wũhũrpũ sũi. ã jina tiro mehne tjuai sã. Felipe Jesu yaina ti siete beseina mehne macariro jire.

⁹ Tuhsũ, tiro pititiaro numia pũcũro jire. Tí numia sehe Cohamacũ yare yahua numia jire. Nuhmia jire.

¹⁰ Tórpũ sã mahaa dachoricã sã jiri baharo, Agabo wama tiroiro Cohamacũ yare yahu turiariro Judeapũ jiriro sãre ñũno wihire.

¹¹ ã wihiro tiro Paulo ya dare tũã dihori dare na, to basi to dahporire, to wamomacarine dũhte cayo õ sehe ni yahure:

—Õ sehe nire Espíritu Santo: “Ahri dare cjũariro Jerusalẽrpũ to sũchũ, judio masa ãta dũhteahca tirore. Dũhte tuhsũ, judio masa jierainare waahca tina tirore”, nire Espíritu Santo —ni yahure Agabo.

¹² To ã nichũ tũhona, sã Cesarea macaina mehne Paulore tuaro cahĩ sã. Tirore Jerusalẽrpũ waha dutieramai.

13 Sã ã nichu Paulo sehe õ sehe ni yuhtire:

—¿Dohse ni tiina nijari musa? Yuhu sehere cahy-achu yoaca musa. Tina yuhure peresu ti yoachu noanohca. Yuhu Jerusalẽpu Jesu mari puhtoro yare yu yoari buhiri yu yariachu noanohca —nire Paulo sare.

14 “Wahaeraja”, to nichu tuho duana nimai sã. To “Wahaihtja” to nichu, ã tuhotunocahi sã. Õ sehe nii:

—Mari puhtoro to cahmano seheta yoajaro —nii sã.

15 Tíre sũhũdu batoa, sã yare cahno, wahaa waha sã Jerusalẽpu wahana.

16 Tõpu sã wahachu mahainacã Cesarea macaina Jesu yaina sehe sã mehne wahare. ã yoa tina mehne macariro Chipre macariro Mnasõ wama tiriro ya wuhupu sui sã. Tiro yoari pja Jesu buheriro jire. ã jiro to ya wuhu sã carĩhti wuhu jire. Tí wuhi sã carĩni baharo, Jerusalẽpu sui sã.

Paulo Santiagore ñũno waha

17 Jerusalẽpu sã sũchu, tó macaina Jesu yaina sehe “¿Wihimajari?” ni, wahchea mehne piti bocare sare.

18 Pa numui Paulo sã mehne Santiagore ñũno sare. Sã tõpu sũchu tói jipihtina Jesu yaina puhtoa jire.

19 Tói ti jichu ñũno Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacu to yoado-hoa mehne to yoirire yahu pahñore.

20 To ã ni yahuchu tuhoa, “Cohamacu noariro, tuariro jira”, ni ño payore tina sehe. Ñ ni tuhsu tina Paulore õ sehe ni yahure:

—Coyeiro, mipure payu judio masa Jesure wacũ tuaina jira. Tíre masina mahu. Ñ jia tina õ sehe ni tuhotura: “Cohamacu to dutiare, Moise cjiropu marine to cõrire marine yoa pahõono cahmana”, nia nina.

21 Õ sehe ni namona tina. “Pa sehepu jijnare judio masa jieraina watoi jijnare judio masare Cohamacu Moise cjirore to cõri cjiire cohã dutiha Paulo”, nimare õ macaina judio masa mahure. “Paulo judio masa pohnare mahari cahsarocãre yihso na dutierara”, nimare mahure tina. “Judio masa ti yoaa tiare Paulo duhu dutira”, ni ahri cãhure ni yahuwajara mahure.

22 Ñ jia mu õre wihichu tuhoa tina cahmachuahca mahure tuhtia taa. Ñ jicu õ sehe yoaro cahmana mahure.

23 Mahure sã dutiro seheta yoaga. Mipure õre pititiaro ma Cohamacure wacũina “Õ sehe yoanahtja”, niina jira.

24 Tina mehne wahaga. Ñ jia Cohamacu Moise cjirore to dutiriro seheta ti basi Cohamacu yare yoaa taa ti dutiare yãhdurãcaare cosaa nina. Mahu cãhu ãta yoaga. Ñ yoacu ti ã yohti wapare wapaga mahu sehe. Mu ã wapari baharo ti pjoarire wãha duti masina tina. Mu ã yoachu ñna masa mahure ti nia mahõori jichu masiahca jipihtina. Cohamacu Moise cjirore to cõri dutiare yoariro mu jichu masiahca tina.

25 Wiho mejeta judio masa jieraina Jesu yaina

sehere sã joari pũre waroca tuhsũi. Õ sehe ni, joai sã. “ ‘Cohamacũ jira’, ti nia masurine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoarena tjiga. Numia cãhũ mũa mehne ñano yoarena tjiga”, ni yahu joahi sã joari pũrũre — nire tina Paulore.

Cohamacũ wũhũrũ judio masa Paulore ñahaha

²⁶ Ti ã ni durucuri baharo pa dacho Paulo sehe pititiaro mũa mehne ti basi Cohamacũ yare yoaa taa ti dutiare yũhdũrũcaare cosaa taa, Cohamacũ wũhũrũ sãa wahaha. Tí wũhũrũ sãa sũro, tinare yahuha Paulo: “Õpe dachori dũhsara mũsa cosahto”, ni yahuha tiro pititiarore. ã jia ti cosa batoari dachoi tina cãina Cohamacũre wahiquinare ti wahti dacho jire.

²⁷ ã yoa ti cosa pahñoboriro mahanocã dũhsachũ waro Cohamacũ wũhũrũ Paulo to jichũ Asia yahpa macaina judio masa sehe ñũha tirore. ã ñũa Paulore quititi dojomehne, tí wũhũrũ jiina jipihinare tiro mehne suachũ yoaha tina. ã suaa judio masa Paulore ñaha,

²⁸ Õ sehe ni sañurucuha:

—Mũsa sã coyera Israe masa sãre yoadohona taga. Ahriro jira marine dojomehneriro. Ahriro Cohamacũ Moise cjirore to cũri dutiare ahri wũhũ cãhũre “Wiho jia jira”, ni buhe sito tara jipihinare. ã yoa tiro Cohamacũ wũhũrũre judio masa jieraina cãhũre na sãare. ã yoaro ahri wũhũre ñaa marieni wũhũre tiro dojomehnere — ni sañurucuha judio masa Asia yahpa macaina tó macainare.

29 Tó pano Jerusalēi Paulo Trófimo wama tiriro mehne to jichu judio masa ñha tiha. Trófimo sehe Efeso macariro judio masuno jierariro jire. To ã jichu masia õ sehe ni tũhotuha tina: “Paulo Trófimore Cohamacu wũhũre na sãano nica”, ni tũhotumaha judio masa.

30 Masare ã ni yahu ti sañurucuri baharo tí maca macaina payu tuaro suaha. Payu mũroca ta, Cohamacu wũhũi jirirore Paulore ñaha waja wijaa wahaha. Æ wijaa tuhsu, tí wũhũ sopacarire bihaha tina.

31 Æ yoaa tina tirore wajãa taa nimaha. Ti ã yoachu ñha paina sehe “Jipihtina Jerusalē macaina sua, sañurucua nire”, ni yahua wahaha surara pũtorore.

32 Ti ã nichu tũhoro surara pũtoro sehe to surarare, ti dutiina cãhũre cahmachuroca, tina mehne Paulore wajã duaina cahapu mũroca wahcã, sũha. Surara ti sũchu ñha Paulore cjãmaina cjã duhunocaha.

33 Æ jiro surara pũtoro Paulo cahapu su, tirore ñaha, pu da comaa dari mehne tirore duhte dutiha. Ti duhte tuhsuchu ñu, surara pũtoro Paulore cjãmainare sinitu ñha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñha tiro tinare.

34 To ã sinituchu tũhoa masa sehe “Õ sehe yoare tiro” ni, paina cãhũ soro ni sañurucu, yahua surara pũtorore. Æ ni ti sañurucuchu surara pũtoro noano tũhoeraha. Æ jiro tiro surara ya wũhũpu Paulore naa dutiha.

³⁵ Tí wuhupɩ sɩ, Paulo mɩjari escadai to mɩjano cahachɩ masa sehe tirore cǎ duaɩ nimaha. Ti ã yoachɩ surara sehe tirore na wɩa, na mɩjaa wahaha.

³⁶ Masa tinare payɩ nɩnɩ ti, sañu nɩnɩ tihaa:

—Tirore wajãnocahga —ni sañurucuha tina Paulore.

Paulo “Ne masare ñano yoaeraja yɩhɩ”, ni yahuha

³⁷ Æ yoa Paulore tí wuhupɩ ti peresu yoahto pano, Paulo sehe surara pɩhtoro ò sehe ni siniha:

—Yɩhɩ mɩhɩ mehne sɩhɩdu duaɩ —ni siniha Paulo.

—¿Mɩhɩ griego masa yare durucujari?

³⁸ ¿Sohõ jiriro, Egipto macariro jierajari mɩhɩ? Tiro masare ti pɩhtoare cohã dutiro, cuatro mil pɩhtoare cohã duaina sehere masa marienopɩ naari jire. ¿Tiro jierajari mɩhɩ? —niha surara pɩhtoro Paulore.

³⁹ To ã nichɩ tɩhoro Paulo ò sehe ni yɩhtiha:

—Tiro jieraja yɩhɩ. Judio masɩno jija. Tarsoi Cilicia yahpai jiri macai masa bajuai yɩhɩ. Wiho jiri maca macariro jieraja yɩhɩ. Yɩhɩ ahrina masa mehne durucu duaɩ yɩhɩ —niha Paulo tirore.

⁴⁰ To ã nichɩ tɩhoro surara pɩhtoro sehe tirore durucu dutiha masa mehne. Æ jiro Paulo mɩjari escadai ducuro to wamomacari mehne “Dihta mariaha”, niha masare. To ã yoachɩ ñɩa, dihta mariea pihtia wahaha. Ti dihta marieachɩ ñɩ, Paulo judio masa ya mehne yahuha tinare.

22

¹ –Y_u coyea, y_u yoarire yahuihtja m_usare. Y_u yahuch_u t_uhoga m_usa –niha Paulo.

² To ã nich_u Paulo judio masa ya mehne to durucuch_u t_uhoa masa sehe dihta marieina tjuaha. Æ jiro Paulo tinare õ sehe ni yahuha:

³ –Y_uh_u judio mas_unota jija. Tarso wama tiri macai, Cilicia yahpai jiri macai masa bajuai y_uh_u. Wiho mejeta ahri maca Jerusal_uihta b_uc_uai y_uh_u. Tuhs_u, y_uh_ure Gamalie wama tiriro buhea tire. Æ jic_u y_uh_u mari ñ_uch_us_uma cjiri dutiare noano buhei. Mip_ure Cohamac_ure m_usa yoaro seheta y_uh_u c_uh_u ño payoa timai.

⁴ Æ jic_u Jesu yainare ñ_uano yoaa tic_ur_u y_uh_u. Cãina tinare wajãa tic_ur_u y_uh_u. M_uare, numia c_uh_ure ñaha, peresu yoaa tii y_uh_u.

⁵ Sacerdotea bui p_uh_utoro, judio masa b_uc_una mehne y_u tuahti p_uri cjihtire Jesu yainare ñaha dutia p_urine y_uh_ure joabasare. Mari coyeare Damasco macainare tí p_urine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusal_uẽp_u tinare na ta duamai buhiri dahrei tai. Õ sehe y_u nich_u sacerdotea bui p_uh_utoro, judio masa b_uc_una c_uh_u noano masina –ni yahuha Paulo.

*Paulo Jesu yairo to waha d_ucarire yahuha
(Hch 9.1-19; 26.12-18)*

⁶ Æ ni tuhs_u õ sehe ni yahu namoha:

–Æ yoa cohari pja jich_u, Damascop_u y_u sui cahach_u waro m_uanop_u wac_uenoca si siteroca boroa tire y_uh_ure.

7 To ã si siteroca borochuta yuhũ yahpapũ bora caha sũai yuhũ. Yũ bora caha sũri baharo durucuro coa tare yuhũre. “Saulo, Saulo ¿dohseacu yuhũre ñano yoajari?” ni durucuro coa tare yuhũre.

8 “Puhtoro, ¿diro baro jijari mũhũ?” ni sinitui yuhũ. “Yuhũ Jesu Nazare macariro, mũ ñano yoariro jija yuhũ”, ni yũhtire yuhũre tiro.

9 Yũ ã wahachũ yuhũ mehne macaina buhriarore ñũre. Wiho mejeta yuhũ mehne to durucuchũ tũhoerare tina.

10 “Puhtoro, ¿dohse yoaihcarĩ yuhũ?” ni sinitui Jesure. “Wahcãrũcaga. Damascorũ wahaga. Tóĩ mũ wahachũ, mũhũre jipihtia yũ yoa dutihtire paio yahurohca mũhũre”, nire tiro yuhũre.

11 Tuaro to minoa siterocachũ, yũ capari wapoa wahare yuhũre. ã jia, yuhũ mehne macaina yũ wamomacare ñaha, Damascorũ tũã wahcãre yuhũre.

12 Tóĩ Anania wama tiriro, Cohamacũre ño payoriro, marine Cohamacũ dutiare yoa pahñoriro jire. Tó macaina judio masa jipihtina ti ño payoriro jire.

13 ã jiro tiro yũ cahai wihi tarũca yuhũre yahure. “Coyeiro Saulo, ñũga pari turi tjoa”, nire tiro. To ã niri baharo pari turi ñũi yuhũ. ã ñũ dũcacũ tireore ñũi yuhũ.

14 Yũ ã ñũchũ tiro Anania yuhũre yahure: “Cohamacũ to cahmaare noano masihtirore panorũ bese tuhsũyuhti mũhũre. ã jiro ‘Yũ macũ noarirore ñũ, tũhorohca’, ni yahuyuhti mũhũre Cohamacũ panorũ. Tiro jira mari ñũchũsũma mũna ti ño

payoriro.

15 ã jicũ mãũ mã ñũrĩre, mã tũhorĩre yahũihca mãũ jĩpihtĩnare.

16 ã jĩna mĩpũre yoari pja jĩena tjijĩhna. Wahcãrũcaga. ã jicũ bautĩsarĩro jĩga. Jesure mã sinichũ mã ñãare yoari buhirĩre cohãnohca”, nĩre yũhũre tiro –nĩha Paulo.

Paulo judio masa jierainare to buherire yahũha

17 ã ni tuhsũ Paulo õ sehe ni yahu namoha:

–ã yoa tuhsũ yũhũ Jerusalẽpũ tjua ta, Cohamacũ wũhũpũ Cohamacũre sinĩ sũĩ.

18 Yũ tõi jichũ Jesu yũhũre bajua tire. ã bajuaro yũhũre yahure. “Jerusalẽ macaina yũ yare mã yahuchũ tũho duaerara. ã jicũ cjero pa sehepũ wahaga”, nĩre Jesu yũhũre.

19 To ã nichũ tũhocũ yahũ tirore: “Pũhtoro, mã yainare judio masa buhea wũhũsei jĩinare yũ ñaha, cjãri cjĩrĩre masina Jerusalẽ macaina.

20 ã jicũ mãhũre yahũrĩrore Estebã sehere ti wajãchũ ñũcũ ‘Noano yoa wajãna’, nĩmai. Tĩrore ti wajãchũ ti suhtire cjũabasai yũhũ. Tĩ cãhũre masina ahri maca macaina. ã jia yũ yahuchũ tũhoboca yũhũre”, nĩ yahũ yũhũ Jesure.

21 Yũ ã nichũ tũhoro Jesu yũhũre õ sehe ni yahure: “Yoaropũ judio masa jierainare buhehtĩrore warocaihtja mãhũre. ã jicũ wahaga mãhũ”, nĩre yũhũre yũ pũhtoro –nĩha Paulo masare.

Surara pũhtoro Paulo mehne durucuha

22 To yahu mãhtari dihtare noano tũhomaha masa. Wiho mejeta judio masa jieraina cahai

Jesu Paulore to warocahtire to yahuch_u t_uhoa tina sañurucu d_ucaha tjoa:

—Ahriro mip_u pinihtare yariawahnojaro —ni sañurucuha tina.

²³ ã jia tina sañurucu namo, sua mehne ti suhtire wahba siter_uca, dihta mehne docaha.

²⁴ Surara p_uhtoro surara ya w_uh_up_u Paulore na sãa dutiha to surarare. ã jiro surara p_uhtoro “¿Dohse yoa Paulo mehne sua ã ñaca sañurucua nijari masa?” ni sinitu duamaha. Paulore tíre sinituro taro, yuta dari mehne tjana dutimaha tirore.

²⁵ Wiho mejeta tirore ti d_uhteri baharo, tiro cahai jirore surara p_uhtoro ò sehe ni yahuha Paulo:

—Y_uh_u Roma macariro jija. ã jina “Ñano yoariro jira ahriro”, y_uh_ure ni yahusã masierara m_usa. ã yahusã masierana yuta dari mehne y_uh_ure tjana masierara m_usa —niha Paulo tirore.

²⁶ To ã nich_u t_uhoro surara p_uhtoro, to bui p_uhtoro ò sehe ni yahuro wahaha:

—Ahriro Roma macariro jira. ã jic_u noano yoaga tirore —ni yahuha tiro to p_uhtoro.

²⁷ To ã niri baharo surara bui p_uhtoro sehe Paulore sinituro wahaha:

—¿Potocãta m_uh_u Roma macariro jijari? Yahuga y_uh_ure tíre —niha tiro.

—Tiro tjija y_uh_u —ni y_uhtiha Paulo.

²⁸ To ã nich_u t_uhoro surara bui p_uhtoro sehe tirore ò sehe ni yahuha:

—Y_uh_u Roma macariro ji duac_u niñeru pjíro wapai —niha tiro.

—Yuhũ Roma yahpa macari macaru masa ba-juai. ã jicu Roma macariro jija —niha Paulo.

²⁹ To ã nichũ tuhõa tirore tjanaborina wahaa wahaha.

Ã jiro Paulo Roma macariro to jiro jichũ masino, tirore comaa dari mehne ti duhteri cjirire wacũno, cui niha surara puhtoro sehe.

Paulo judio masa puhtorore yahuha

³⁰ ã yoa surara puhtoro judio masa Paulore ti yahusãrire noano masi duaha. ã masi duaro pa dachopũ comaa darire tirore to pjã dutiri baharo, sacerdotea puhtoare, judio masa bucũna mehne cahmachu dutiha surara puhtoro. To ã cahmachu dutiri baharo tiro tũpũ Paulore na wahcã, ti pano duhu dapõa tirore.

23

¹ ã jiro Paulo judio masa bucũnare ñũ piti boca, õ sehe ni yahuha:

—Coyea, Cohamacũ to ñurocaroi jipihtia dachoripe noano yoarucuja yuhũ —niha Paulo.

² To ã nichũ tuhõro jipihtina sacerdotea bui puhtoro jiro Anania sehe Paulo duhserore cjã dutiha.

³ To cahai ducũnare cjã dutiha. Tirore ti cjãri baharo Paulo Ananiare tuhtia:

—Masa ti ñurocaro dihtare noano yaro jira mũhũ. Masa ti baharo buhũsehei ñano yoa cohtariro jira mũhũ. “Cohamacũ dutiare yuhduhũcaĩ nina”, yuhũre nipaihta yuhũre cjã dutira mũhũ. ã cjã duticũ mũhũ sehe dutiare yuhduhũcaĩ nica —niha Paulo tirore.

⁴ To ã nichu tuhoa Paulo cahai ducuina õ sehe niha tirore:

—Cohamacu to beseriro sacerdotia bui puhtorore ñano durucui tjiga muhu —niha tina Paulore.

⁵ Ti ã nichu tuhoro Paulo õ sehe ni namoha tjoa:

—Coyea, tiro to sacerdotia bui puhtoro to jiare masierahi yuhu. ã jii ã nimacanocati yuhu. Cohamacu yare ti joari cjiri õ sehe ni yahura tirore: “Mu ya maca macaina puhtorore ñano ni, durucui tjiga”, ni joaa tiha —niha Paulo tinare pjãno.

⁶ ã yoa tói puca curua macaina jiha. Cã curua saduceo curua macaina jiha. Pa curua sehe fariseo curua macaina jiha. Pucacurua ti jichu masino, Paulo judio masa bucunare tuaro sañurucu õ sehe ni yahuha:

—Coyea, yuhu fariseo curua macariro jija. Fariseo curua macariro macano tjija yuhu cãhu. “Yariaina masa mujaahca”, yu ã niri buhiri yuhure ñano yoa duara musa —niha Paulo.

⁷ To ã nichu tuhoa fariseo curua macaina, saduceo curua macaina ti basi cahma tuhtiha. ã jia ti basi puca curua tju waha.

⁸ Saduceo curua macaina õ sehe niina jiha: “Yariaina masa mujasi. Espiritua, anjoa cãhu ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mujaahca” to nichu tina ti basi cahma tuhtiha.

⁹ ã cahma tuhtia, tuaro sañurucuha. ã yoa fariseo curua mehne macaina judio masa buheina wahcãruca, tuhti, õ sehe ni yahuha:

—Ahriro Paulo ñano yoaerare. Ñ jiro espíritu o anjo, potocã tiro mehne durucuriro jiboca. [Ñ jina ahrirore buhiri dahrena, Cohamacure ñu tuhtiina jiboca mari. Ñ yoaina jiena tjiga masa] —niha tina.

¹⁰ Ti ã niri baharo, tina jipihina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara puhtoro sehe. Ñ jiro Paulore, masa watoi ducurirore na wio, to ya wuhuru na ta dutiro warocaha to surarare.

¹¹ Pa ñamihni puhtoro Jesu Paulo cahai ducuro, ñ sehe ni yahuha tirore:

—Wacũ tuaga. Mipure õre Jerusalẽi yu ya buheare yahure mahu. Tó sehetã Romapuru cãhure yahui wahaihca mahuru —niha puhtoro Jesu Paulore.

Judio masa Paulore wajã duamaha

¹²⁻¹³ Pa dacho bohrearo judio masa cahmachu, ti basi ñ sehe ni cahma durucuha:

—Õ sehe yoajihna. Paulore wajãjihna. Cohamacure ñ sehe ni yahu cãjihna. Ne mari sihnisi. Ne chusi, pu tirore mari wajãri baharopuru. Tirore mari wajãerachuru, mari sehere Cohamacuru buhiri dahrejaro —niha tina ti basi.

Tina cuarenta bui curero judio masa jiha.

¹⁴ Ti ã niri baharo tina sacerdotea puhtoare, bucuna cãhure yahua wahaha:

—Paulore sã wajãhto pano chure sã chueraja. “Tirore sã wajãerachuru Cohamacuru sã sehere buhiri dahrejaro”, nihi sã.

¹⁵ Ñ jina masa, bucuna mehne ñ sehe ni pjirocaga. “Paulore pari turi sinitu duaja”, niga surara bui puhtoro. Masa ã niri baharo

surara bui p̄h̄torore na ta dutiga Paulore. Wiho mejeta Paulo to òre to wihiro cahach̄u waro tirore wajānahca sã —niha tina sacerdotea p̄h̄toare.

¹⁶ Wiho mejeta Paulo pjacamac̄uno ti ã ni durucuch̄u t̄h̄oha. Ti ã nich̄u t̄h̄oro waha, surara ya w̄h̄up̄u Paulore yahuro sãaha.

¹⁷ To ã yahuri baharo Paulo sehe cãiro surarare pjiroca, ò sehe ni yahuha tirore:

—Ahr̄iro wahm̄n̄ore p̄h̄toro cahap̄u naahga. Ahr̄iro m̄u p̄h̄torore yahu duaro nina —niha Paulo.

¹⁸ To ã nich̄u t̄h̄oro surara sehe Paulo pjacamac̄unore to p̄h̄toro cahap̄u na s̄u, ò sehe ni yahuha:

—Peresup̄u jiriro Paulo sehe ȳh̄ure pjiroca, ahr̄iro wahm̄n̄ore m̄u cahap̄u naa dutihre. Ahr̄iro m̄h̄ure yahuro taro nihre —niha surara to p̄h̄torore.

¹⁹ To ã nich̄u t̄h̄oro p̄h̄toro sehe wahm̄no to wamomacare ñaha t̄h̄ã wahcã, masa marienop̄u tirore sinitu ñ̄aha:

—¿Dohse nii tai niri m̄h̄u ȳh̄ure? —niha tiro Paulo pjacamac̄unore.

²⁰ To ã sinituch̄u t̄h̄oro ò sehe ni yahuha:

—Judio masa cãno potori, “Ò sehe yoajihna” ni, ñamichacap̄u judio masa b̄uc̄na cahap̄u m̄h̄ure Paulore naa dutiahca. “B̄uc̄na Paulore pari turi sinitu duara”, ni mahñoahca.

²¹ Wiho mejeta cuarenta bui curero m̄ua tirore wajã duaina b̄uc̄na caha duara. Tina tirore ti wajãhto pano ch̄uare ch̄usi. ã yoa sihnisi. “Tirore mari wajãerach̄u, Cohamac̄u mari sehere buhiri dahrejaro”, nire tina ti basi. ã jia mip̄u m̄h̄ure

Paulore na ta dutia tina sehe duhti cohta tuhs_uhre, Paulore wajãa taa. ã jic_u ti yahua wihich_u tinare y_uhtii tjiga m_uh_u –ni yahuha wahm_uno surara p_uhtorore.

²² To ã nich_u t_uhoro surara p_uhtoro õ sehe niha: –Y_uh_ure m_u yahurire painare yahui tjiga –ni yahuha wahm_unore.

ã ni tuhs_u wahm_unore “Wahaga”, niha tiro.

Paulore p_uhtoro Feli wama tiriwo cahap_u waroc-aha

²³ ã ni tuhs_u, surara p_uhtoro p_uaro to surarare pji wahcã, tinare õ sehe ni dutiha:

–Dos cientos surarare, setenta cawaloa bui pi-sainare, dos cientos doca yuc_u cj_uaina mehne ti yare cahno dutina wahaga. Micha ñami nueve jich_u Cesareap_u wahanahca m_usa.

²⁴ Paulore cawaloare to pisahtinare cahnobasaga. Cesareap_u p_uhtoro Feli cahap_u, noano ñ_u n_un_u sogã tiriwo –niha surara p_uhtoro.

²⁵ ã ni tuhs_u papera joaro, õ sehe ni joaha tiro:

²⁶ “Y_uh_u Claudio Lisia m_uh_ure tuariwo p_uhtoro Felire noã dutija.

²⁷ Judio masa ahriwo Paulore ñaha, wajãmare. ã jic_u tiro Roma macariwo to jich_u masic_u, y_u surara mehne tiriwo yoadohoi s_uhi.

²⁸ ã jic_u tiriwo ti yahusãrere masi duac_u judio masa b_uc_una cahai nahi tiriwo.

²⁹ ã jic_u tiro judio masa ya dutia dihtare to y_uhd_ur_ucach_u mari ya dutiare to y_uhd_ur_ucaerach_u ñ_uc_u, tiriwo peresup_u c_u duaerahi. Yaba buhiri yariwo mariahna tiriwo.

³⁰ Ñ jiro judio masa tirore wajã dua, ti bꝛꝛꝛa cahachꝛ tãhoro pairo yahure yãhꝛe. To ã yahuri baharo Paulore mipꝛe mꝛ cahapꝛ warocai nija. Ñ jicꝛ tirore yahusãrinare to ñaa yoarire mãhꝛe yahu duti tuhsãhi yãhꝛ”, ni joaha surara pãhtoro.

³¹ Ñ yoa surara ti pãhtoro to dutiriro seheta yoaha. Tí ñamine Antipatri wama tiri macapꝛ Paulore na sãha.

³² Pa dachoi paina surara cawaloa bui pisaeraina tí macai tjua taha ti ya macapꝛ. Paina surara cawaloa bui pisaina dihta tirore na yãhdꝛ wahcãha.

³³ Pꝛ Cesareapꝛ na sãha Paulore. Ñ jia surara pãhtoro to warocari pũre pãhtoro Felire waha. Ñ jia Paulore na sãha pãhtoro cahapꝛ.

³⁴ Ti ã wari baharo pãhtoro tí pũre to ñari baharo tiro painare sinitu ñãha:

—¿Di yahpa macariro jijari ahriro Paulo? —ni sinitu ñãha tiro.

—Cilicia yahpa macariro jira —ni yahuha tirore.

³⁵ Tinare sinitu tuhsã, Feli Paulore õ sehe ni yahuha:

—Mũhꝛe yahusãrina õre ti wihichꝛ mꝛ yahuchꝛ tãhoihtja —niha Feli Paulore.

To ã niri baharo Herode ya wãhꝛpꝛ tirore cũha. Ñ jiro to mãare tirore cohta dutiha pãhtoro.

24

Paulo “Ñano yoaerahi yãhꝛ”, ni yahuha Felire

¹ Cinco dachori baharo, Anania sacerdotea bui pãhtoro, paina judio masa bꝛꝛꝛa, dutiare mih-niriro Tértulo wama tiriro mehne Cesareapꝛ sãha.

Ã jia tina Paulore yahusã dua, puhtoro Feli cahapu suha.

² Ã jiro Paulore tópure ti na sari baharo Tértulo tireore yahusã ducaha. Ã yahusã ducaro õ sehe ni yahusãha Felire:

—Muhu noano masiriro, sã puhtoro mu noano dutichu sã ahri yahpa macaina noano jinocaja sã cahmacheno marieno. Mu dutia mehne noaa sehere cohtotaro nina ahri yahpa.

³ Ã jina sã noano jinocahna wahcheja. Ã jina muhu mehne noano wahcheja.

⁴ Mipure mahanocã muhure cariboihtja yuhu. Mahanocã muhu mehne suhudu duaja. Sãre tuhhorocasinia muhu.

⁵ Ahriro sãre caribobiara. Jipihtia yahpari macainare judio masare ti sua sañurucuchu yoara ahriro. Ã jiro masa ti basi cahma tuhtichu yoara ahriro. Ã jiro nazareno wama tiri curua puhtoro jira.

⁶ Ã jina Cohamacu wuhure ñano to yoa duachu ñuna sã ñahahi ahriore. [Sã ñahari baharo sã ya dutiare to yuhduducariro jichu tireore buhiri dahre duamahi sã.

⁷ Wiho mejeta surara puhtoro Lisia wama tiriore tireore sãre tuaro mehne manocahre.

⁸ Baharo tireore yahusarinare mu cahapu waha dutihre Lisia. To ã nichu tuhona tahi sã.] Muhu pinihta ahriore sinitucu, jipihtiare to ya buhirire masicuhca muhu —niha Tértulo Felire.

⁹ To ã niri baharo paina judio masa “Tértulo to niriro seheta potocã tjira”, niha tina cãhu.

¹⁰ Ti ã ni yahusãri baharo puhtoro Feli Paulore yahu dutiha. Õ sehe ni yahuha Paulo:

—Payu cūhmari ahri yahpa macainare mu dutirire masija yuħu. Ā jicu yu yoarire muħure yahucu wahcheja.

11 Doce dachorita wahara Jerusalēpu Cohamacure yu ño payori baharo. Muħu ahri potocā ti jichu masi duacu painare sinitu ñuga.

12 Judio masa yuħure Cohamacu wuħuħure boca ti ñahachu masare ñano ni sañurucui nierahi. Ā yoa masare sua sañurucuchu yoai nierahi. Ā yoacu judio masa buhea wuħusere, ti ya maca cūħure ne ti nino sehe ñano yoaerahi.

13 Ā jia yuħure yahusārina sehe ti yahusāri cjirire “Ō sehe yoare ahriro”, ni yahu masierara muħure.

14 Mipu yu yoarire yahuihtja muħure. Dóihita sã ñuchusuma ti ño payorirore Cohamacure ño payoja yuħu cūħu. Ā jicu to yare yoaja Jesu ya noaa buhea ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamacu dutia, Moise cjiropure to cūri cjirire tí cūħure ño payoja yuħu. Cohamacu yare yahu muhtaina cjiri ti joari cūħure ño payoja yuħu.

15 Ahrina paina judio masa ti tuhoturo seheta Cohamacu jipihtina masare yariainare noaina, ñaina mehne ti masa mujachu yoarohca. Yuħu cūħu āta ni tuhotuja.

16 Ā jicu buhiri mariaja yuħu. Cohamacu yuħure tíre masina. Ā yoa masa cūħu tíre masina. Ā jii potocāta yahuja yuħu muħure. Ā jicu noano tuhotunocaja.

17-18 'Paye cūħmarine pa sehepu tiniriro jicu Jerusalēne tju wihi, yu coyeare judio masa pjacuoinare niñerure wai tai nihi. Tju wihi

Cohamacure ño payoi tai to ya wuhuru samahi. Ñ jicu Cohamacu to cosa dutiro sehta yu basi yu yuhurucarire yu cosari baharo wahiquirore wa duamahi tirore ño payoi tai. Tóru yu jichu ahrina judio masa yuhure bocahre. Ti bocachu paina yuhu mehne mariahre. Sua, sañurucuina mariahre.

¹⁹ Wiho mejeta paina judio masa Asia yahpa macaina tói jihre. Tina yu ñano yoachu ñarina jia yahusãa tajaró.

²⁰ Ahrina óru jiina sehta judio masa bucuna mehne yu jichu ñaina yu ñano yoarire masia, tina cãhu yahusãjaro.

²¹ Cãnocã pinihtare yuhure tina yahusã masina: Pano tina mehne jicu ó sehta ni tuaro sañurucuhi yuhu: “ ‘Yariaina masa mÿjaahca’, yu niri buhiri, buhiri dahrera mÿsa”, nihi tinare –ni yahuha Paulo Felire.

²² To ã ni yahuri baharo Feli ó sehta ni yahuha Paulore:

–Mipuru tó puro tjira. Surara puhtoro Lisia to wihiri baharo mÿhure yu yoahtore masihca yuhu –niha Feli Paulore.

Feli sehta Jesu yaina ti yoarire noano masi pahñoriro jiha.

²³ Ñ ni tuhsu, Paulore cohtariro surarare Feli noano ñu nuñu dutiha “Peresupu jiro duhtiri”, nino. Wiho mejeta mahanocã ware to tinihtore. Paulo mehne macainare tirore peresupu jirirore yoadoho dutiro ã dutiha Feli.

²⁴ Mahaa dachoricã baharo Feli to namono Drusila wama tiricoro mehne ta, Paulore pjiha. Feli namono sehta judio masono jiha. Paulore ti

ppiri baharo, Jesucristore to wacũ tuaare Paulo sehe yahuha tinare.

²⁵ Ñ yahuro quihõno yoaare, ñaare yoa dua-parota yoaeraare, pihtiri dacho jichũ Cohamacũ masare to buhiri dahrehtore yahuha Paulo. To ã ni yahuchũ tũhoro Feli cuiro, Paulore õ sehe ni yahuha:

–Mipũre waharisa. Baharo yũhũre dahraa mariachũ mũhũre pjihtja tjoa –niha Paulore.

²⁶ Ñ nino Paulo to niñeru wachũ cahmamaha Feli. Ñ jiro tiro niñerure cahmano, payũ tahari Paulore pji, tiro mehne durucua timaha Feli.

²⁷ Pũa cũhma baharo Porcio Festo wama tiriro pũhtoro Felire cohtotariro jiha. Wiho mejeta Feli sehe judio masare tiro mehne wahchechũ yoa duaha. Ñ jiro pũhtoro Feli to pũhtoro wijaahito pano, tiro Paulore peresui ji dutisiniha.

25

Paulo Festore to yoarire yahuha

¹ Ñ yoa Festo tí yahpapũ tia dacho to jiri baharo, Cesareapũ jiro waha, Jerusalẽpũ suha.

² Tói to jichũ sacerdotea pũhtoa, judio masa pũhtoa mehne Paulore ti yahusãire yahuha Festore.

³ Paulo to mahapũ wahachũ tirore bucua caha, wajã duaa nimaha tina. Ñ jia tina Festore tuaro sinimaha:

–Paulore Jerusalẽpũ warocaga –ni sinimaha tina Festore.

⁴ Ti ã nichũ tũhoro, Festo õ sehe ni yahuha tinare:

—Mipure Paulo Cesareapu peresu jira. Yuhu tópu wahai tai nija.

⁵ Paulo to ñano yoariro jichu, musa puhto Ce-sareapu yuhu mehne waha, tirore yahusāga —niha Festo.

⁶ Ñ jiro Festo ocho o diez dachori tina mehne to jiri baharo Cesareapu tjuaa wahaha. Pa dachoi tiro buhiri tiare cahnoru wuhui dujiro, Paulore na ta dutiha.

⁷ Ñ jia Paulo Festo cahapu to wihichu, judio masa Jerusalēpu tarina sehe Paulo cahai ducu, tirore tu-aro mehne yahusā ducaha. Ñ yahusāpahta “Ahriro to ñano yoachu ñuhi”, ni yahu masieraha.

⁸ Ti ñ ni yahusāri baharo Paulo to yoarire yahuha:

—Judio masa ti dutiare, Cohamacu wuhu macaa dutiare, Roma puhtoro to dutiare yuhdurucaerahi —niha Paulo.

⁹ Festo sehe judio masare wahchechu yoa duaro, Paulore ñ sehe ni sinituha:

—¿Jerusalēpu waha duajari mahu? Mu yoarire yuhure tópu yahuihca mahu —niha Festo Paulore.

¹⁰ To ñ nichu tuhoro Paulo ñ sehe ni yahuha:

—Jipihtina bui puhtoro César to ya wuhui buhiri tiare cahnoru wuhui jija mipure. Ahri wuhu baroi yu yoarire tuhoga. Judio masare yu ñano yoaer-are noano masina mahu.

¹¹ Dutiare yuhdurucariro yu jichu, yuhure wajāchu noaboa. Wiho mejeta ahrina ti yahusāri sehe mahñoa ti jichu yuhure yahusārinare yuhure wiho waro wia masierara mahu. Yu yoarire jipihtina bui puhtoro César yahu duaja. Tiro

sehe y_u buhiri tiare to cahnoch_u cahmaja –niha Paulo.

¹² To ã nich_u tuhoro Festo sehe noano masi yahuinare sinitu tuhs_u, ò sehe ni yahuha Paulore:

–M_uh_u jipihtina bui p_uhtorore m_u yoarire m_u yahu duach_u, tiro cahap_u warocanahtja sã m_uh_ure –niha Festo Paulore.

Paulo p_uhtoro Agripare to yoarire yahuha

¹³ Baharop_u p_uhtoro Agripa, Berenice wama tircoro mehne Cesareap_u Festore ñ_ua s_uha.

–¿Ne, wihimari m_uh_u cãh_u? –niha tina Festore piti bocasinia.

¹⁴ Tóí pay_u dachori ti jiri baharo Festo ò sehe ni yahuha Agripare Paulore:

–Õre Feli to peresu yoariro jira.

¹⁵ ã jia Jerusalēp_u y_u wahach_u judio masa ti sacerdotea p_uhtoa, ti b_uc_una mehne ahrirore yahusãhre. “To ya buhirire wajãga tirore”, ni sinihre tina y_uh_ure.

¹⁶ Ti ã nich_u tuhoc_u y_uh_u tinare ò sehe ni yahui: “Roma macaina sehe peresu ti yoainare masare waerara. ã jic_u tirore waeraja m_usare. Sã ñaharirore tirore yahusãrinare to ñ_uhto pano tirore buhiri dahre masieraja sã. To basi to yoarire to yahuerasinich_u tirore buhiri dahre masieraja sã”, nihi tinare.

¹⁷ ã jic_u tina òre ti wihich_u ñ_uc_u yoari pja yoaerahi y_uh_u. Wiho mejeta pa dachoi buhiri tiare cahnorí w_uh_ui dujic_u, ti yahusãrirore pjirocahi.

¹⁸ ã jia tí w_uh_ui to wihich_u ñ_ua tirore ñ_u tuhtiina wahcãr_ucare. Ti ã wahcãr_ucach_u ñ_uc_u “Ñabiaro

ni yahusãhca”, ni tãhotumahi yãhã tinare. Tirore yahusã duapahta yahusã masierare tina.

¹⁹ Wiho mejeta ahrirore Cohamacã yare to yahuri buhiri judio masa tirore tuhtihre. Jesu wama tiroro yariariro cjiro to masa mũjarire to yahuri buhiri yahusãhre ahrirore. Ahri dihtare yahusãhre.

²⁰ Ahrire masieracã tirore noano sinitu ñãhi. “¿Jerusalẽpã waha duajari yãhã mehne? Tôpã yahuga mũ yoarire yãhãre”, nimahi tirore.

²¹ Wiho mejeta tiro waha duaerare. “Yã yoarire jipihtina bui pãhtoro Césare yahu duaja”, nire tiro yãhãre. To ã niri baharo õihita tirore cohta dutihi jipihtina bui pãhtoro cahai tirore yã waroc-ahto pano —niha Festo Agripare.

²² —Yã basi tãho duaja tirore —niha Agripa Festore.

—Ñamichacãpã tirore tãhoga mũhã —ni yãhtiha Festo.

²³ Pa dachoi Agripa, Berenice mehne ti buhiri tiare cahnoru wãhãpã sã, “Pãhtoa jija sã”, nia cua pisaro yoa ñoha tina, surara pãhtoa, tí maca macaina pãhtoa mehne. Tó sehe yoa sãa tiha tí wãhãpã sãa. Ti sãa sãri baharo Paulore pjirocaha Festo.

²⁴ Æ jiro Festo õ sehe ni yahuha:

—Pãhtoro Agripa, mũsa jipihtina ahri wãhãre cahmachuina tãhoga. Õre ahriro payã judio masa ti yahusãriro jira. Jerusalẽpã, Cesareapã cãhãre tina tirore yahusãhre. “Tirore wajãga”, ã nirucua nina tina.

²⁵ Ti ã nipachãta õ sehe tãhotuja yãhã. Ahriro ne ñano yoariro jierara. ¿Yaba buhiri wajãbocari mari

tirore? Æ jic_u jipihtina bui p_uhtoroce César Augustore ahriro to yoarire to yahu duach_u jipihtina bui p_uhtoro cahap_u warocaihtja tirore.

26-27 Æ jic_u ahriro to yoarire noano masierasinija y_uh_u. Æ masierasinic_u mari p_uhtoroce yahu joa masieraja. Æ jic_u m_usare to yahuch_u t_uho dutii nija mip_ure. P_uhtoro Agripa mip_u pinihtare ahriro jira m_u sinitu ñ_uhtiro. M_u sinitu ñ_u tuhs_uch_u mari masiri baharo ahrirore ti yahus_urire noano yahu joaihtja. Ahriro to ñ_uano yoarire y_u masierapach_uta mari p_uhtoro cahap_u tirore y_u warocach_u noaerara. Æ jic_u mip_ure ti yahus_urire noano masi duai nija –niha Festo tinare.

26

Paulo Agripare to yoarire yahuha

¹ To ã niri baharo Agripa Paulore õ sehe ni yahuha:

–M_u basita yahuga –niha tiro Paulore.

To ã niri baharo Paulo sehe, “Dihta mariahga”, nino to wamomacarine wahc_urc_u, to yoarire yahuha:

² –P_uhtoro Agripa, y_uh_ure judio masa ti yahus_urire, y_u yoarire m_uh_ure yahuc_u, mip_ure noano yajeripohna tija.

³ M_uh_u judio masa sã yoaa tiare, sã buhea c_uh_ure m_u noano masich_u pinine wahcheja y_uh_u. Æ jic_u m_uh_u y_uh_ure noano t_uhoga –ni d_ucaha Paulo.

Paulo Jesuyairo to jihto pano to jia tirire yahuha

⁴ Æ ni tuhs_uro õ sehe ni namoha tiro:

—Wahmanono yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtarure, Jerusalēru cūhure yu jiri cjirire masina tina.

⁵ Fariseo curua macaina paina yuhdoro sã dutiare yuhdaruca dutieraina jira. Wahmanopure fariseo curua macariro jimai. ã jicu fariseo curua macaina ti dutiare, ti yoaa barore yoa pahñoriro yu jichu tina masina. Tina mūhure yahu duaa, tíre yahu masina tina.

⁶ Ahri buhiritu yuhure yahusã mūjana. Sã ñuchusuma cjirire “Yariainare masoihtja”, Cohamacu to ni cūrire “Potocã tjira”, yu niri buhiri ahрина yuhure yahusã mūjana.

⁷ Yu coyea judio masa jipihtina doce curuari macaina Cohamacu masare to masohtore wahche cohtarucura. ã yoa Cohamacure ño payorucura. ã cohtarucuina jia sã yoaro seheta yoara tina. Puhthoro Agripa, ã cāno potori yoaina sã jipachuta tina sehe to masohtore yu cohtari buhiri yuhure yahusã mūjana judio masa.

⁸ ¿Dohse yoana Cohamacu to masorire sã yahuchu tūho duaerajari mūsa judio masa? — ni yahuha Paulo.

Paulo Jesu yainare to ñano yoari cjirire yahuha

⁹ ã ni tuhsu õ sehe ni yahu namoha:

—Jesure Nazare macarirore ñherasinicu, ñaa dihtare yoa duamai to yainare.

¹⁰ ã jicu Jerusalēru ã yoaa timai yuhu. Sacerdotea puhthoa yuhure ti dutiri baharo payu Jesu yainare peresu yoaa tii. ã jicu puhthoa tinare ti wajã dutichu, wajã dutii yuhu cūhu.

11 Payu tahari jipihtia judio masa buhea wuhusei Jesu yainare ñano yoa dutia tii. Ñ yoacu Jesu yaina Jesure ti cohāchū yoa duai nimai. Tina mehne tuaro suai yuhū. Ñ jicu paina masa ya macaripū cūhure tinare ñano yoi sūa tihī yuhū –ni yahuha Paulo.

Paulo Jesu yairo to waharire yahuha

12 Ñ ni tuhsū ō sehe ni yahu namoha:

–Damascopū Jesu yainare ñano yoa duacu sūmai. Tinare ñano yū yoa duachū ñūa sacerdotēa pūhtoa yūhure waha dutire.

13 Ō sehe jire pūhtoro Agripa: Cohari pja jichū waroi mahai yū wahachū mūano macaa si sitea, sū dacho macariro yūhdoro, yūhure yūhū mehne wahaina cūhure si sitere.

14 Sā jipihtina yahrapū bora caha sū, judio masa ya mehne yūhure to durucuchū tūhoi. “Saulo, Saulo, ¿dohseacu mūhū yūhure ñano yoajari? Mūhū yūhū mehne suacu yūhure yūhtieracu, mū basi ñano yūhdura”, nire yūhure.

15 “Pūhtoro, ¿diro baro jijari mūhū?” ni sinitui. “Yūhū Jesu, mū ñano yoariro jija.

16 Wahcārūcaga mūhū. Mūhure yū cahamacūno cjihto yoi tai mipū bajuaja yūhū. Michare yūhure mū ñūrire, baharo mūhure yū ñohti cūhure painare yahuihca mūhū.

17 Judio masare judio masa jieraina cūhure mūhure buhe duticū, warocaihtja. Ti cahai mū jichū, mūhure ti ñū tuhtichū mūhure yoadohoihtja.

18 Yū yare tinare masichū yoaga mūhū. Ñ jicu nahitianopū tiniina yoaro sehe jīinare ti ñaare duhuchū yoaga. Buhriaropū tiniina yoaro sehe

noaa sehere cohtotach_u yoaga tinare. Watĩnore cahmaerach_u yoaga m_uh_u. ã yoac_u Cohamac_u ya sehere y_uhtich_u yoaga m_uh_u tinare. M_u ã yoach_u tina y_uh_ure wac_u tuaahca. Ti ã wac_u tuach_u ñ_uc_u ti ñaa yoari buhirire boihca. ã jia tina Cohamac_u to beserina mehne macaina jiahca. To wahtire c_uh_uhtina jiahca tina”, nire Jesu y_uh_ure – ni yahuha Paulo.

Paulo to yoarire to dahraare yahuha

¹⁹ ã ni tuhs_u õ sehe ni yahu namoha:

–P_uhtoro Agripa, m_uano macaa y_u t_uhoare y_uhd_ur_ucaerahi.

²⁰ Damascoi buhe m_uhtai. Baharo Jerusalēi buhei tjoa. Baharo Judea yahpai, judio masa jieraina cahap_u c_uh_ure masare “Ñ_uano yoaeraja sã”, ni ti t_uhotumari cjirire t_uhotu cohtota duti, Cohamac_u yare cahma dutii. “Noaare m_usa yoach_u ñ_uã ‘Noaina jija sã’ ni, m_usa t_uhotumari cjirire m_usa t_uhotu cohtotarire paina masiahca” nic_u, tinare noaare yoa dutic_u buhei.

²¹ Cohamac_u ya w_uh_ui y_u jich_u y_u ã ni yahuri buhiri judio masa y_uh_ure ñaha, wajã duamare.

²² Wiho mejeta dachoripe Cohamac_u to yoad-ohoro mehne ã buherucuja. ã jic_u mip_ure m_usa jipihtina p_uhtoare wiho jiina c_uh_ure to yare yahui nija. Panop_u macaina Cohamac_u yare yahu m_uhtaina cjiri, Moise cjiro mehne ti yahu m_uhtariro seheta yahuja y_uh_u c_uh_u. Õ sehe ni yahu m_uhtaa tiha tina:

²³ “Cristo Cohamac_u warocariro sehe ñano y_uhd_urohca. ã jiro yariaro masa m_uja m_uhtariro

waharohca tiro. Ñ jiro masare to yũdohtore judio masare, judio masa jieraina cũhare masichũ yoarohca”, ni yahu mũhta joaa tiha panopũ macaina cjiri. Yũhũ cũhũ ti yoaro seheta yahuja –ni yahuha Paulo Agripare.

Paulo Agripare Jesu yairo cjihto yoa duamaha

24 To ã ni yahuri baharo Festo tirore tuaro sañurucu õ sehe ni durucuha:

–Paulo, mũhũ tũho masierariro jira. Mũhũ payũ buhecũ tũho masierariro wahara –ni sañurucuha tiro Paulore.

25 To ã nichũ tũhoro Paulo õ sehe ni yũhtiha Festore:

–Pũhtoro tũho masierariro jieraja yũhũ. Yũ yahua potocã tjira. Ñ jicũ yũhũ ahrire cua pisaro mehne nija.

26 Pũhtoro Agripa sehe, ahri yũ yahurire noano masina. Ñ jicũ yũhũ tirore cuiro marieno yahuja. Ahri yahua jipihtina masa masina. Ñ jicũ jip-
ihtia ahrire yũ nirire pũhtoro Agripa to masichũ masija yũhũ –niha Paulo Festore.

Ñ ni tuhsũ õ sehe niha Agripare:

27 –Pũhtoro Agripa, Cohamacũ yare yahu mũhtaina cjiri ti yahuri cjirire tũhoro mũhũ. Ti yahua mũ tũhochũ masija yũhũ –niha Paulo Agripare.

28 –¿Ahrire yũhare yahucũ mahanocã mũ yahua mehne Jesu yairo yũ wahachũ yoa duai nijari mũhũ? –niha Agripa Paulore.

To ã nichũ Paulo õ sehe ni yũhtiha:

29 –Mahanocã durucucũ o yoari pja durucucũ mũsa, jipihtinare “Yũ jiro seheta Jesu yaina jijaro”,

ni sini payoja Cohamacure. Wiho mejeta yu yoaro sehe peresupu musa jichu cahmaeraja yuhu –niha Paulo Agripare.

³⁰⁻³¹ To ã niri baharo Agripa, Festo, Berenice jipihtina paina mehne wahcãruca, wijaa, ti basi õ sehe ni durucuha:

–Ahriro to yoari buhiri ne peresu yoa masieraja mari. ¿Ã jina mari yaba buhiri tirore wajãbocari? –ni durucuha tina ti basi.

³² –Ahriro “Jipihtina bui puhtorore Césare yu yoarire yahu duaja”, to nierachu mari wioboa tirore peresupu jirirore –niha Agripa Festore.

27

Paulo tirore ti yahusãrire Romapu yahuro waha

¹ Paulore Italiapu dohoria mehne warocaa taa, tirore paina mehne ti peresu yoarina mehne Julio wama tirirore cüre tina. Julio cien surara puhtoro jiro, to ya curua “César yaina surara”, wama tire.

² ã jina Adramitio wama tiro macaria dohoriai samui sã. Tia Asiapu wahahtia jire. Samu tuhsu, tia mehne waha. Aristarco Tesalónica wama tiri maca macariro sã mehne wahare. Tesalónica Macedonia yahpai jira.

³ Pa dachoi sã Sidõpu sui. Tõpu suro Julio Paulore noano yoare. ã yoaro Paulore tó mehne macaina cahapu ñno waha dutire. ã jiro Paulo mehne macaina tirore to cahmaare ti wachu “Noanohca”, nire Julio.

⁴ Dohoria mehne sã pahãchu tuaro wihnono sãre pa sehepu wãroca pjohõre. ã jina Chipre wama tiri nũco dũcataroi poto buhusehei waha sã.

⁵ P_u Ciliciare y_uhd_ua, Panfilia c_uh_ure y_uhd_ua, Mira wama tiri macap_u Licia yahpai jiri macap_u wahã s_ui.

⁶ Tó_u s_una, Alejandriap_u tariare, Italiap_u wa-hahtiare dohoriare bocai. ã jiro sãre tiap_u surara p_uhtoro naare.

⁷ Pay_u dachori pjiro dero waha, “Nu wap_uoca” ni, waha, Gnido wama tiri maca potoi s_ui sã. Tó_u s_u y_uhd_ua, wihnono tuaro wã, sã waha duariroi sãre wãrocaerare. ã jina sã cõ b_uh_useher_u majare paa wahi. ã jina Creta wama tiri n_uco to d_ucatari pah_urẽ sehe sã pahãa waha, Salmo wama tiri ñoacare y_uhd_uai sã.

⁸ Tó_u y_uhd_u, tí n_uco d_uht_u cahai waha, “Nu wap_uoca” ni, waha, Noari Pitamaha wama tirop_u wahã s_ui. Pitamaha Lasea wama tiri maca cahap_u jira.

⁹ Tó_u yoari pja sã jiri baharo, sã wahahto sehe cuabiare. ã jiro ti ch_u duhuri dacho bose n_um_u y_uhd_uri baharo, Paulo tinare õ sehe ni yahure:

¹⁰ —T_uhoga m_usa. Ch_u duhuri dacho bose n_um_u baharo mari wahach_u marine minihto cuabiara. Ahria dohoria, dohoria macaa, m_usa pache c_uh_u mari mehne macaina c_uh_u mari butiboca wahana —nire Paulo.

¹¹ Wiho mejeta surara p_uhtoro dohoria p_urore t_uhoro, oturiro c_uh_ure t_uhoro, Paulo to yahua sehere t_uho duaerare waha duaro.

¹² Ti pahsari pitamaha noari pitamaha puhiro jich_u ti pahsari pitamaha jierare. To ã jiri pitamaha jich_u dohoria macaina pay_u waha dua, Feni-cep_u yoja duamare. Fenice Creta wama tiri n_uco macari pitamaha jiro, wihnono to tarirop_u s_u

maja taro seheru cõ buhuseheru, poto buhuseheru cãhure ñuroca, wihnono tachu noano ducadari maca jire. To ã jiri pitamaha jichu masia tina tóru cã puhiro ji duamare.

Pjiri mapu wihnono, coro pjíro taha

¹³ ã yoa sur sehe pjiroca wihnono ta ducare. “Michare noari dacho mari wahahti dacho jira”, ni tuhutumaha tina. ã ni tuhutua tina comaa tañore tuã wahcõ, Creta nucõ dũhtu caha cahi yojai sã.

¹⁴ Wiho mejeta baharo curero wihnono noreste wama tiri wihnono tuaro wãre.

¹⁵ ã jiro dohoriare wihnono tuaro wahã wihire. Wihnono to wãrucarore waha masierana, majare paha, wihnono mehne wahi sã.

¹⁶ Cauda wama tiri nucocã cahapu sur seheru waha, tí nucocã sãre mahanocã ducatare. “Marine nu wapuro wahara”, nina tóre pjiria dohoria macaria mahariacã busocare noano waja payo dũhteí sã.

¹⁷ Tiare dohoriai sã waja payo dũhteri baharo pjiria dohoriapu pjiri da mehne tina wahma ñaha payore. Sirte wama tiri padure “Dohoria doca wahã suri”, nia cui nire tina. ã jia tina co turure ti duhu miori baharo dohoria dihtare wihnono wãrocare.

¹⁸ Wihnono, coro mehne tuaro tare. Pa dacho cãhure wihnono mananota tjoa to tachu ñua tina ti pachere diapũ dureroca ño tuhsu pahãa wahi sã.

¹⁹ Pa dacho dohoria macaare diapũ cohãre tina ti basi.

²⁰ Pay_u dachori ñichua dachori jich_u, sã dacho macariro ñahpichoha poca cãh_u ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tãhotumai sã.

²¹ ã jia tina yoari pja ti ch_u duhuri baharo Paulo ti pano ducu, õ sehe ni yahure tinare:

—Pano m_usare y_u yahuch_u tãhoerare m_usa. “Cretap_u jiina mari wahach_u cua nica”, y_u nich_u tãhoerare m_usa. Y_uh_ure tãhona, ahria macaa jipihtiare boeraboa m_usa.

²² Wiho mejeta mip_u m_usare yahuja. Cuiena tjiga. Jipihtina mari y_uhd_unahca. Ahria dohoria dihta marine wahtiabasarohca.

²³ Micha ñamine Cohamac_u yairo anjo y_uh_ure bajuahre. Cohamac_u yairo jija y_uh_u. ã jic_u tirore dahra cohtariro jija y_uh_u. Anjo sehe y_u cahai taro, õ sehe ni yahuhre:

²⁴ “Paulo, cui_uej_u tjiga. Jipihtina bui p_uhtorore m_u yoari cjirire m_uh_ure yahuro cahmana. Cohamac_u noariro jira. ã jiro tirore m_u siniriro seheta mip_ure m_uh_u mehne macaina cãh_ure yoadohorohca”, nihre y_uh_ure anjo.

²⁵ ã jina cuiena tjiga m_usa. Anjo y_uh_ure to niriro seheta waharohca. Cohamac_ure wacũ tuaja y_uh_u. ã jic_u to yahuriro seheta “Potocã tjira”, ni tãhotuja y_uh_u.

²⁶ Wiho mejeta marine n_ucop_u wihnono wãroca, cohãnohca —ni yahure Paulo tinare.

²⁷ Cã ñami p_ua somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina m_ua sehe “D_uht_u cahap_u jija mari”, ni tãhoture tina.

28 Æ ni tuhotua nuçuri taño comaa tañore yuta da mehne duhte, duhuroca mio, quihõre. Treinta y seis metro waro cuãre. Mahanocã waha, quihõre tjoa. Tí pjare veintisiete metro waro cuãre.

29 Æ jia tãare “Doca wahã sari”, nia dohoria oturopu pititia tañori comaa tañorine yuta dari mehne duhte, duhuroca miore diapu. Æ jia “Cjero bohreaajo” ni, tuaro sinire tina.

30 Dohoria macaina mua sehe duhtimare. Tina mahariacãre dohoria macariare diapu waja boro, dohoria quenoí comaa tañorine ti boroboriro se-heta yoare tina mahariacãre “Marine ñari”, nia.

31 Wiho mejeta Paulo surara puhtorore, to surara mehne yahure:

—Ahrina mua mahariacã busocai ti wahachu musa yarianahca —nire Paulo.

32 To ã nichu tuhoa surara sehe mahariacãre duhte darire yihso ta, tiare cohãre.

33 Bohreahto panocã Paulo tinare tuaro chu dutire.

—Pua somana waro ne chuerare musa.

34 Æ jina mipare chuna taga. Tuaro musare chu dutija. Musa cati duana chuga. Jipihtina musa yuhdunahca —nire Paulo tinare.

35 To ã niri baharo Paulo pãore na, jipihtina ti pano Cohamacare “Noana” ni, duhu payo, tíre chu ducare tiro.

36 To ã chuchu ñua tina cuiro marieina waha, jipihtina tina cãhu chure.

37 Sã jipihtina doscientos setenta y seis masa dohoriapu jii sã.

38 Tina jipihtina yapia waha “Ahria dohoria nuçu nica” ni, payu trigo chure diapu cohãre.

Dohoria paduroꝝ doca pja sꝝha

³⁹ Bohreachꝝ dohoria macaina mꝝa nꝝcore ñꝝa, “Õ sehe wama tiri nꝝco jira ahri nꝝco”, ni ñꝝ masierare. Wiho mejeta tina pari tucũi paduro jichꝝ ñꝝa, “Mari tí tucũꝝ wahana, tóꝝare doca pja suboca paduroi”, nire tina.

⁴⁰ Æ nia, comaa tañorine duhteá darire yihso taroca mioha. Oturi pjĩ duhteá dari cũhure yihso tanocare tina. Ti ã yoari baharo dohoria queno macari suhtirore wahcõ dapore poto wihnono wãrocachꝝ cahmaa.

⁴¹ Wiho mejeta dohoria queno sehe pa paduroꝝ caha sꝝ, nꝝja masierare. Æ jiro oturore tuaro pahcõri cjã wahcõchꝝ tia oturo wahtia wahare.

⁴² To ã wahachꝝ ñꝝa õ sehe nire surara:

—Ahria minichꝝ mari peresu yoaina duhtꝝ cahapꝝ ba wahã sꝝ duhtinocaahca. Æ jina tinare wajã pahñonocajihna —nire surara.

⁴³ Wiho mejeta surara puhtoro sehe Paulore wajã duaeraro, jipihtina peresu jinare wajã dutierare. Æ jiro jipihtina ba masiinare surara puhtoro poto duhtꝝ cahapꝝ ba wahã sꝝ dutire.

⁴⁴ Æ jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba nꝝjare. Sã tó sehe yoana sã jipihtina duhtꝝ cahai wahã sꝝi.

28

Paulo Malta wama tiri nꝝcoi jiha

¹ Æ yoa tí nꝝcopꝝ sã jipihtina maja sꝝꝝꝝ sꝝna tí nꝝco wamare masii. Malta wama tiri nꝝco jire.

² Tí nꝰco macaina masa sãre noano yoare. ã jina sã coro waari baharo yꝰsꝰa yꝰhꝰare sãre. ã jia tó macaina sehe pichaca wijã tuhsꝰ, sãre sohma dutire.

³ Paulo pichare na ta, na tiãre. To na tiãri baharo tí picha puhichapꝰ sãariro agã tuaro sichꝰ tꝰhoturo wijaa taro, Paulo wamomacai bahca wãha sꝰre yahawero marieno.

⁴ To bahca wahã sꝰchꝰ ñꝰa tí nꝰco macaina ti basi õ sehe ni durucure:

—Ahiro masa wajãriro jiboca. ã yoaro tuari-coro buhiri dahrerico mꝰano macaricoro tirore buhiri dahrero, cati dutierara. Tiro pjiri mapꝰ minino yꝰhꝰ tuhsꝰri jimare. Mipꝰre ticoro sehe tirore cati dutierara —nimare tina ti basi.

⁵ Wiho mejeta Paulo agãre pichacapꝰ wajã site-rocure. Tirore agã purĩerare.

⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purĩerare. Yoari pja baharo to wipierachꝰ ñꝰa, to purĩerachꝰ ñꝰa, soro tꝰhoture tina. “Ahiro cohamana mehne macariro jiboca”, nimare tina.

⁷ Ti ba wahã sꝰriro cahacãi Publio wama tiroro ya weseri jire. Tiro tí nꝰco macariro pꝰhꝰoro jire. ã jina tiro sãre to noano yoachꝰ, tia dacho waro to ya wꝰhꝰi jii sã.

⁸ Publio pꝰcꝰro yojaro ti, juaro tiroro jire. ã jiro tiro camai coãre. ã jiro Paulo dohatiroro ya tahtiapꝰ sãa, Cohamacꝰre sini, to wamomacarine tiro bui duhu payo, noariro wahachꝰ yoare tirore.

⁹ To noariro wahachꝰ ñꝰa jipihtina paina tí nꝰco macaina dohatiinare Paulo cahapꝰ na tare. Ti ã

na tachu ñno Paulo noaina wahachu yoare tina cãhure.

¹⁰ Baharo tina payu sãre wapa marieno ware. Sã wahahto panocã jipihtia sã cahmaare, sã wahana sã chãhtire dohoriapu dure sãare tina.

Paulo Romapu sãha

¹¹ Tia sũ tí nãcopu sã jiri baharo dohoria mehne wahi sã. Tia dohoria quenoĩ puaro cohamana Cástor, Pólux wama tiina ti masu ducure. Alejandro taria jire tia. Puhiro puro tí nãcopu tia dohoria pahsare.

¹² Waha, Siracusa wama tiri macapu suna, tia dacho waro tí macare jii sã.

¹³ Tí macare wijaa, waha, Regio wama tiri macapu sã sui. Pa dachoi surpu wihnono ta, sãre wãrocure. Pua dacho baharo Puteoli wama tiri macapu sui.

¹⁴ Tõpu Jesu yaina mahainacã sãre piti bocare.

—Cã somana waro sã mehne tjuaga —nire tina sãre.

Ti ã nichu tuhona cã somana waro tina mehne tjuasinii. Baharo mahai maja, Romapu sui sã.

¹⁵ Tõ macaina Jesu yaina sehe Romapu sã sãhtire tuhoa, Apio wama tiropu pache duaropu sãre piti bocare. Paina Jesu yaina Tia Wuhu wama tiropu sãre piti bocare. Ti ã piti bocachu ñno Paulo wahchea mehne Cohamacure “Noana” ni, noano yajeri sãa wahare.

¹⁶ Romapu sã sãri baharo ti peresu ti yoarinare tã macarirore peresu cohtaina puhtoro yahure. Wiho mejeta Paulo sehere cãirota cãre tã macaina puhto. ã jiro tirore cãirota surara cohtare.

Paulo Romai buheha

17 Tia dacho baharo Paulo judio masa p̄h̄toa mehne cahmachuno taro, tinare pjire. Ti cahmachuri baharo tiro tinare ò sehe ni yahure:

—Coyea, mari coyeare soro yoaerahi ȳh̄h̄. ã yoa mari ñ̄ch̄h̄s̄h̄ma cjiri ti yoaa tirire, marine ti buheri c̄h̄h̄re ȳh̄d̄h̄r̄h̄c̄h̄aerahi ȳh̄h̄. ã ȳh̄ ȳh̄d̄h̄r̄h̄c̄h̄aerapach̄h̄ta Jerusal̄p̄h̄ ȳh̄h̄re ñ̄ah̄h̄re judio masa. Ti ñ̄ahari baharo Roma macainare ȳh̄h̄re peresu yoa dutihre tina.

18 Ti ã yoach̄h̄ Roma macaina ȳh̄h̄re sinitu, ȳh̄ ñ̄ano yoarerairo ȳh̄ jich̄h̄ ȳh̄h̄re “Buhiri tiroiro jira”, ni masierare. “¿Ne yaba buhiri wajãbocari mari tirore?” nihre ȳh̄h̄re tina. ã jia ȳh̄h̄re sinituina sehe ȳh̄h̄re wio duamahre.

19 Wiho mejeta judio masa sehe ȳh̄h̄re wioch̄h̄ cahmaerare. Ȳh̄ coyeare judio masare ȳh̄h̄re ti yoarire yahusã duaeraja. Wiho mejeta ȳh̄h̄re ti wio duaerach̄h̄ ñ̄h̄c̄h̄, “Jipihtina bui p̄h̄toro Césare ȳh̄ yoarire poto yahu duaja ȳh̄h̄”, ni sinihi.

20 ã jic̄h̄ m̄h̄s̄are ahr̄ire yahu duac̄h̄ pjih̄i. Cristo marine ȳh̄d̄ohtiro judio masa mari cohtariro to yare ȳh̄ yahuri buhiri ȳh̄h̄ peresup̄h̄ jija. ã jic̄h̄ tíre m̄h̄s̄are yahui tai pjih̄i —nire Paulo judio masa p̄h̄toare.

21 To ã nich̄h̄ t̄h̄hoa tina sehe tirore ò sehe ni yahure:

—Judea yahpa macaina Judio masa m̄h̄h̄re quiti yahua p̄̄rine s̄̄re ne warocaerare. ã yoa t̄̄p̄h̄ tarina c̄̄h̄h̄ mari coyea s̄̄re m̄h̄ ã waharire yahuera tire. Tina “Tiro ñ̄ano yoariro jira” ni, m̄h̄h̄re yahuera tire.

22 Wiho mejeta Jesu yare m_u yahuri curua macainare jipihtirop_u masa ñano ti durucuch_u sã masija. Ñ masina m_u buheare m_u yahuch_u t_uho duaja sã –nire tina tirore.

23 Ñ ni tuhs_u, “Pa dachop_u jijihna”, nire tina. Pa dachop_u Paulo mehne cahmachu m_uhtaina y_uhdoro masa pay_u to jirop_u wihire. Ñami cure-rocã puhtoro Cohamac_u to s_uho jiare noaa buheare tiro buhe d_uca, p_u, ñamip_u Moise cjirore Cohamac_u to c_uri dutiare, ã yoa Cohamac_u yare yahu m_uhtaina cjiri ti joari cjiri c_uh_ure buhere. Ñ buhero, tinare Jesure “Tiro tjica mari cohtariro”, ni masich_u yoa duaro nimare Paulo.

24 Cãina to buherire noano mehne t_uhore. Wiho mejeta paina sehe t_uho duaerare.

25 Ñ jia tina ti basi p_ua curua tju wa, wahaa taa nire. Ti wahahto pano Paulo Isaia cjiro to durucuri cjirire tinare yahure. Ñ sehe nire tinare:

–Isaia Cohamac_u yare yahu m_uhtariro cjiro to yahuri potocãta jira. Mari ñ_uch_us_uma cjirire yahuro taro Espíritu Santo Isaia cjirore ñ sehe ni yahu joa dutiha:

26-27 “Ahrire ahrinare yahui wahaga:

‘Dapu butiina jira m_usa.

Y_u yare t_uho duaerara m_usa.

Cahmo copari susueraina yoaro seheta t_uho duaerara m_usa.

Ñ jina y_u yare t_uhopanahta t_uho ñahasi m_usa.

M_usa ã jieraina jina, noano t_uho ñahaboa m_usa.

Ñ jina y_uh_ure cahmaboa m_usa.

Ã jicũ mũsare pichacapurũ wahaborinare yũhdoboa
yũhũ', niha Cohamacũ Isaia cjiro to joari
tjupũ"

—nire Paulo tinare.

²⁸ Ã ni tuhsũ, Paulo õ sehe ni yahu namore:

—Ahrefire masiga mũsa. Cohamacũ ya buheare
masare to noano yũhdoare judio masa jierainare
buhenahca sã. Tina sehe tũhoahca —nire Paulo
judio masare.

²⁹ [To ã nichũ tũhoa judio masa tíre ti basi tuaro
cahma sayo, wijaare.]

³⁰ Pũa cũhma waro Paulo to ã waparucuri
wũhũpũ jire. Tói jiro, jipihtina to wũhũpũ wihi-
inare wahchea mehne piti bocare tiro.

³¹ Ã jiro tiro cuiro marieno pũhtoro Cohamacũ
to sũho jiare, pũhtoro Jesucristo ya cũhare buhea
tíre. To ã buhechũ ne paina tirore “Buhei tjiga”,
nierare.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
